

РОССИЙСКАЯ АКАДЕМИЯ НАУК
УФИМСКИЙ НАУЧНЫЙ ЦЕНТР
Центр этнологических исследований

Т. Г. Миннихметова
Р. Р. Садиков

Ми бурай удмуртьёс ...

Тарту – Уфа – Иннсбрук
2005

УДК 908.470(1-22)
ББК 63.5(2)
М62

Книга М. А. Кастрен нимо Обществолэн (Хельсинки, Финляндия)
коньдонэныз поттэмын
Издание осуществлено при финансовой поддержке Общества М. А. Кастрена
(Хельсинки, Финляндия)

Рецензентъёс: к. и. н. *Л. С. Христолюбова*, к. и. н. *Е. В. Попова*

Миннияхметова Т. Г., Садилов Р. Р.
М62 Ми бурай удмуртъёс... / Т. Г. Миннияхметова, Р. Р. Садилов. —
Тарту; Уфа; Иннсбрук, 2005. — 108 б., ил.
ISBN 5-902870-01-1

Книгалэн авторъёсыз архив документъёс но пересъёслэн верамъёссы вьлэ
пыкиськыса эскеро Башкортостанлэн Бурай ёросаз улйсь удмуртъёслэсь
историзэс но этнографизэс.

Книга чакламын удмурт культураен тунсыкъяськисъёслы.

УДК 908.470(1-22)
ББК 63.5(2)

ISBN 5-902870-01-1

© Миннияхметова Т. Г., Садилов Р. Р., 2005
© ЦЭИ УНЦ РАН, 2005

АВТОРЪЁСЛЭСЬ

Мар сярись гинэ уг гожьяло табере? Котьмар сярись но тодыны быгатйськом лыдзиса. Асьме котырысь улон-вылон гинэ чик огшоры кадь потэ куддырья, пичи но воштйськытэк бызе но бызе, ортче но быре. Со сярись малпаськыны ик дыр ум шедьтйське, палэнэ потаку гинэ тодэ вайыльськом, мөзмиськом но син азе пуктйськом.

Та пичияк книгамес гожтон мылкыд но кылдйз дор паллэсь кыдёкын дырья, Эстониысь Тарту городын финн-угор тодосчиослэн конгрессы ортчыку. Ваньмыз сярись ноку но гожтыны уг луы, соин йырин ми но малпамы вакчияк ке но самой матысеныз тодматыны – Бурай ёросын ульсь удмуртьёс сярись вераны.

Тае лыдзись мурт пичи ке но выльзэ ке тодйз, солэн йыраз кыче ке юаньёс ке кылдыльзы, ас котыр улон-вылон сямьёсыныз тунсыкьяськыны ке кутскиз, туж шумпотысалмы ми но, тае гожтйсьёс. Тросэз милям пумиськем но вераськем муртьёсмы но тодазы ваёзы, ку но кызы вал со, созэ я тазэ вераны вунэтйськеммы шуыса жалялозы.

Тае нокызы но гожтэммы ой луысал милям, зеч мылкыдо юалляськем-вераськем муртьёсмы ми понна дыр шедьтыса ой юрттысалзы ке. Сюлмысь тау карон кыльёс вераммы потэ милям ваньзылы но юрттйсьёсмылы, котькудйзлы, милемыз куноямзы но утялтэмзы понна, котьма ласянь милесьтым ужмес капчигес карыны тыршемзы понна. Озы ик котьку но котьма ласянь сюлмасько но юртто милемлы асьмелэн туган чыжы-выжыосмы, ваньзылы бадзым тау но зечлык.

Та ужез гожтонлы юрттэт шедьтймы палэнысь но, 2001 арын гужем экспедицимес ортчытыны коньдон висяз М.А. Кастрен нимо общество (Хельсинки, Финляндия) но Тарту университет (Эстония). Бадзым тау кариськом ваньзылы.

Азыпалан но пумиськыны мед гожтоз на Тйледын шуыса, отиськомы тодматскыны та книгамылэн пуштросэныз.

*Ваньдылы зеч мылкыд сйзбыса, гожтйсьёс.
(Тарту – Уфа – Иннсбрук. Шуркынмон толэзь, 2003 ар)*

АЗЬКЫЛ

Улонын асьмеос куд-ог макеосын выриськом нуналлы быдэ но со сярись тодйськомы кадь потэ туж умой, номыр сярись юанэз, нокинлы номыр валэктонэз. Трос дыръя нош туж тодмо кадь луись макеос сярись юано ке, малы со озбы яке малы тазы шуыса, секыт луэ валэктонъёс шедьтыны.

Та пичияк книгаемы милям асьме понна но трос гинэ валантэмез но тодмотэмез. Соин сэрен тае гожтонмылэн ужпумез, нырысь ик, возматыны, кычөөсь соос, асьме улонэнымы чөш ортчись югдуръёс, кычөөсь вылэм туж кема ик өвёл талэсь азьвыл орчем дыръёсы. Али секытгес шонерак валэктонъёс сётыны тросэзлы юанъёслы, соин понна возматэммы но эскереммы потйз сое гинэ, кычөөсь соос, милям вераськем муртъёсмылэн верамзыя но мадемзыя, куд-ог архивъёсысь шедьтэм кагазъёсья. Соослэсь кычезэс тодэм бере капчигес луоз, дыр, соослэсь малы сыче луэмзэс тодыны но. Куд-огез лыдзисылы тунсыко луоз, дыр, мае ке выльзэ тодыны но, куд-огезлэн аслаз но нош мае ке выльзэ верамез потысал оло со сярись.

Удмуртъёс уло асьме шаерамы, Башкортостан Республикаын, пöртэм мукет калыкъёсын (башкыртъёсын, бигеръёсын, эучъёсын, поръёсын, чувашъёсын, мордваосын) артэ. 1989-тй арын орчмытэм калык лыдэз пусъёнъя, татын лыдъясько вал 23 696 удмуртъёс¹. Уноез соос интыяськемын элькунмылэн уйшор но уйшор-шундыпуксён пал (Янаул, Татышлы, Калтасы, Бурай, Балтач, Илиш) ёросъёсаз. Соослэсь лымшорпалангес удмуртъёс уло на Кушнаренково но Ермакей ёросъёсын.

Башкортостанысь удмуртъёс Пермь областьлэн Куеда ёросысьтыз удмуртъёсын чөш пыро удмурт калыклэн камсьөр удмуртъёс шуыса нимама группаз. Вераськон но сям-нерге пöртэмлыкъёсынызы камсьөр удмуртъёсты кöня ке подгруппаослы люкыны луэ: буй-танып (янаул, калтасы, бурай, балтач удмуртъёс) но Пермь областьлэн Куеда ёросысьтыз гондыр пал удмуртъёс), канлы (Кушнаренково ёросысь Канлы гуртын уйлъёс), князь-елга (Илиш ёросысь Вотской Менеузысь но Князь-Елгалась удмуртъёс), татышлы (Татышлы ёросысь, Куеда ёросысь Калмияр гуртысь удмуртъёс), ташкичи (Илиш ёросысь Ташкичи но Бурай ёросысь Дэулэкэн (Давлеканово) гуртын уйлъёс

¹ 2002 арын Башкортостан Республикаын удмуртъёслэн лыдзы 22 625 муртлы кылемын (Финн-угор калыкъёслэн 4-тй Быдэсдунне Конгрессылэн материалъёсысьтыз, 2004 ар, 15 – 19 август, Таллинн кар).

удмуртьёс), шагирт (Куеда ёросысь шагирт пал удмуртьёс) подгруппаос (Садиков. 2001. С. 15). Та удмуртьёслэн ас куспазы пöртэмлыкёссы луизы ке но, туж шöдымонэсь öвöл, соин ик ваньзэс соосты камсьöр группае пырто. Та группаез кылдытйзы 16 – 18-тй даурёсы пöртэм исторической мугъёсын йырин вашкала удмурт музейёсысь кöчем удмуртьёс. Та мугъёс пöлысь тужгес но бадзымёсыз луо удмуртьёсты кужмын зуч вöсе пыртон но музей тырмымтэлык. Нырысетйзэ мугез татын улйсь удмуртьёс асьсэос тужгес но висъяло. Вашкала пересъёссылэсь башкырт муземе кöчемзэс соос соин гинэ валэкто. Вашкала удмурт вöсез утыны быгатэмзэс возматыса, камсьöр удмуртьёс асьсэды “ми чын удмуртьёс” шуыса нулдо (Христоробова, Миннихметова. 1994. С. 3). Озы ке но, вань соос пöлын черке пыремёсыз, крэшинёс, но: князь-елга удмуртьёс. Князь-Елга но Вотской Менеуз гуртьёсын улйсьёс та дыре удмурт сямёссэс но кылзэс вунэтон калэ вуиллям ини. Асьсэзэс соос “крэшин” шуыса нимало, но пересъёсмы милям “аръёс” (удмуртьёс), пе, вал (Миннихметова, Садиков. 1999).

Бурай ёрос кылдытэмын вал 1930-тй арын 20 августын. Со интыяськемын Республикалэн уйшор-шундыпуксён палаз. 1989-тй арын ортчытэм калык лыдзэз пусъёнъя, татын уло вал бигеръёс (50,8 %), башкыртъёс (39,5%), удмуртьёс (5,8%), зучъёс но поръёс (быдэн 1,8%), украинъёс (0,1%). 1992-тй арлэн январь толэяз та ёросын вань калыклэн лыдыз пусъёмын вал 30 690 адями шуыса (Асфандияров. 1994. С. 98).

Удмуртьёс Бурай ёросын (1989-тй арлэн лыдпусъёсызъя) 1 737 адямиен лыдъяськиллям². Али дыре ваньзы сямен бурай удмуртьёс уло таçe гуртьёсын (1989-тй но 1999-тй аръёслэн лыдпусъёссыя), Алтау (Алтаево) – 408 - 399 адями, Асау (Асавтамак) – 179 - 168 (татын озы ик бигеръёс но уло), Бэйшэды (Байшады) – 232 – 201, Пельга (Бикзян) – 276 – 323 (берло аръёсы татчы бигеръёс улыны интыяськыны кутскемын), Дэулэкэн (Давлеканово) – 67 – 50, Кисса (Касиярово) – 240 – 230, Мамды (Мамады) – 369 – 372, Сарсаз – 68 - 44 адями (Финно-угорские народы РБ. 1994. С. 12-13; Административно-территориальное устройство... 1999. С. 127-132).

Камсьöрын вордскем тодосчилэн Р. Ш. Насибуллинлэн эскеремезъя, ваньмыз та гуртьёсысь удмуртьёслэн (дэулэкэнъёсты лыдэ басьтытэк) вераськемзы удмурт кыллэн лымшор пал диалектэзлэн буй-танып вераськетаз пыре. Нош

² 2002 арын Бурай ёросын лыдъямын 1 472 удмуртьёс (Башкортостан Республикаысь Статкомитетлэн материалёсызъя).

Дәуләкәнын уйлъёслән кылзы ташкичи вераськетән огкадь луэ (Насибуллин. 1972. С. 2-3).

Ёросын вань Воткурзя нимо гурт. Кыззы валаны луэ та гуртлән нимызья, татын улыны кулэ удмуртъёс. Та дыре нош со бигер гуртән лыдьяське. Отын уйлъёс удмуртъёс исламе выжыса бигермиллям, кылемъёсыз улыны кӧчиллям Дәуләкән гуртэ. Но озыы ке но гуртлән нимыз Воткурзя ик кылем. Одйгез удмурт гурт пыраклы бырем. Со интыяськемын вылэм Николо-Тепляки зуч гурт вӧзынгес. Нимыз солән Асавбаш вылэм (Ялалов. 2000).

Озыыен, та дыре Бурай ёрослән улосвылаз тямыс удмурт гурт лыдьяське. Ог-огзылы соос туж кыдёке интыяськылэмын. Байшадыен Сарсазэз гинэ кузь сюрес уг люкы, соин йырин та гуртъёс кыксы ик пыро Тепляк сельсоветэ, кытчы озыы ик пыре на Асау гурт но. Мукетъёсыз удмурт гуртъёс “таралэмын” таёе сельсоветъёсыя: Мамды – Азяк с/с, Пельга – Бурай с/с, Алтау – Кузбай с/с, Кисса – Тазлар с/с, Дәуләкән – Тангатар с/с.

Бурай ёросысь удмуртъёслән историзылы но культуразылы сйзем эскеронъёс туж уно ӧвӧл, но озыы ке но, соос сярсы тунсыко материалъёс шедьтыны луэ ни 18-тй даурын поттэм ужъёсысь ик.

1773-тй арын март толэзын Ксиер (Кисса) но Бигдзян (Пельга) гуртъёсы пырыса орчем туж тодмо тодосчи, академик Петр Симон Паллас. Аслаз “Путешествие по разным провинциям Российской империи” (Паллас. 1788) ужаз со гоштэ та гуртъёс сярсы но. 1770-тй арын Бикся (Пельга) гуртын луэм Н. П. Рычков но. Та гуртын луэмез сярсы со гоштэ аслаз “Журнал, или Дневные записки путешествия капитана Рычкова по разным провинциям Российского государства в 1769 и 1770 годах” ужаз (Рычков. 1770).

19-тй даурын тодосчиос, милям тодэммыя, туалә Бурай ёросысь удмурт гуртъёсын лублйллямтэ, озыы ке но, та гуртъёс сярсы вераськонъёсты шедьтыны луэ кӧня ке со дыре потэм ужъёсысь. 1899-тй арын Уфаын потэм “Сборник статистических сведений по Уфимской губернии” шуыса нимама книга. Солән витетй томаз вераськон мынэ Биктянова, Мамады, Кассиярова, Сарысаз, Алтаева, Байшады, Асафтамакова гуртъёсын уйлъёслән улоссы (хозяйствозы) сярсы но (Сборник статистических сведений... . 1899).

20-тй даурын Камсьӧр шаере трогес тодосчиос но тунсыкъяськисъёс вуылйллям.

1936-тй арын “Записки Удмуртского научно-исследовательского института” изданын потэм тодмо

историклэн П. Н. Лупповлэн “Материалы о восстании в Башкирии в 1835 г. и участие в нем удмуртов” статьяез. Ужын вераськон мынэ Вотской Тазлар (Кисса) гуртын улйсьёслэн та бугыръяськонэ пыриськемзы сярись но (Луппов. 1936).

1940-тй арын “Советская этнография” журналын печатлаллям тодмо этнографлэсь Н. П. Гринковалэсь “Домашние промыслы, связанные с изготовлением одежды у удмуртов Башкирской АССР” шуыса нима туж тунсыко статьязэ. Автор отын гожтэ камсьөр удмуртьёслэн куиськон, кут кутан но гын шляпа лёгон ужьёссы сярись. Статьялы материал Н. П. Гринкова люкам тодмо тодосчиен Е. Э. Бломквистэн ёш удмурт гуртьёсын 1928 арын гужем. Огез гурт, кудаз соос луиллям, Байшады (Гринкова. 1940).

1970-тй арьёсысен бурай удмуртьёслэсь вераськон кылзылэсь аспөртэмлыкёссэс эскеронэн выриз Р. Ш. Насибуллин. Со сярись материал пыртэмын тодосчилэн кандидат степенез утён диссертацияз (Насибуллин. 1972). “О названиях удмуртских деревень бассейнов рек Буй и Быстрый Танып” статьяз та автор гожтэ Бурай ёросысь удмурт гуртьёслэн нимьёсылэн кылдэмзы сярись но (Насибуллин. 1973).

1980 – 1990-тй арьёсы кужмоя бурай удмуртьёслэсь улон-вылонзэс эскерон уж но. Камсьөр удмуртьёс сярись та ужлэн авторьёсынызы утемын вал кык кандидатской диссертация, 1996-тй арын Т. Миннихметоваен, 2000-тй арын Р. Садиковен (Миннихметова. Календарные обряды... . Диссертация. 1996; Садиков. Поселения... . Диссертация. 2000), кудьёсаз бурай удмуртьёс сярись пыртэмын туж уно материалёс. Та кык ужьёс монография выллем но печатламын ини (Миннихметова. 2000; Садиков. 2001). Со сяна, Т. Миннихметова 2003-тй арын утиз на докторской диссертациязэ (Миннихметова. Традиционные обряды... . 2003). Возьматытэк уг луы Л. С. Христолюбова, Т. Г. Миннихметова но Р. Г. Тимирзяновалэсь “Свадебные обряды удмуртов Башкирии” ужзэс. Татын авторьёс бурай но калтасы удмуртьёслэсь сюан нергеоссэс сэртто-пертчо (Христолюбова, Миннихметова, Тимирзянова. 1989). Озы ик тапалась удмуртьёслэн сюан нергеоссылы сйземын Л. С. Христолюбовалэн но Т. Г. Миннихметовалэн “Зеч вальёсын ми лыктймы...” статьязы

(Христолюбова, Миннихметова. 1989). “Байшадыос кырзало” нимо мукет указы соос эскеро та гуртын вёлмем кырзаньёсты (Христолюбова, Миннихметова. 1990). Байшадыослэн ик кырзан сямьёссы сярись гожтэмын Т. Г. Миннихметовалэн

«Роль этнической среды в формировании песенного репертуара деревни» статьяяз но (Миннихметова. 1989).

1994-тй арын поттэмын вал А. З. Асфандияровлэн “История сел и деревень Башкортостана” книгаезлэн витетй томез. Отын автор бурай удмуртъёслэн гуртъёссылэн историзылы но кӧня ке инты висья (Асфандияров. 1994).

Бирскысь краеведлэн С. Ф. Сахратуллинлэн 1999-тй арын поттэм “Бирская старина” ужезлэн ог интыяз югдытэмын 19-тй даурын Николай Тепляков помещик но удмуртъёс куспын пуромем ченгешон но со пумысен Асавтамак но Алтау гуртъёслэн кылдонзы. (Сахратуллин. 1999. С. 49-51).

2000-тй арын “Ошмес” газетлэн бамъёсаз печатламын вал Р. Р. Садиковлэн Кисса гуртлэн историезлы сйзем статьяез (Садиков. Кисса гурт 2000), нош 2002-тй арын «Инвожо» журналын – киссаослэн вӧсь сям-нергеоссылы сйземез (Садиков. Киссаослэн 2002). 2004 арын «Вордскем кыл» журналын печатламын солэн ик «Кисса гурт котырысь интынимъёс» статьяез (Садиков. Кисса гурт котырысь 2004).

Берло дыре гурт калыклэн историез но этнографиез сярись гождяны кутскизы интыись краеведъёс но журналистъёс. Соос печатласько газетъёсын но журналъёсын. Тунсыко материалъёс шедьтыны луэ У. Бадретдиновлэн (Бадретдинов. 1993; 1996), А. Гребиналэн (Гребина. 1994), Ш. Ялаловлэн (Ялалов. 2000), Р. Зайдуллинлэн (Зайдуллин. 2000) очеркъёсысьтызы.

Озыен, бурай удмуртъёс сярись печатлам ужъёс вань, уно ке но ӧвӧл. Озы ке но, та ужъёсыя соослэсь историзэс но культуразэс быдэскын син азе пуктыны уг луы на. Соин ик ми малпамы та ужез быдэстыны. Татын эскеремын бурай удмуртъёслэн историзы но этнографизы: ку, кытысь та пала вуэмзы, гуртъёссылэн кылдэмзы, пӧртэм ожъёсы но бугыръяськонъёсы пыриськемзы, улос кутон сямъёссы, улон интыоссы, дйськутсы, пӧран-сиськон сямъёссы, ар чӧже но семья пушкын ортчись пӧртэм нергеоссы но мукет.

Тае эскерон понна уже кутэмын вал пӧртэм дыръёсы потылэм гождосъёс но кагазъёс. Тужгес но бадзын инты басьто авторъёслэн гуртъестй ветлыса люкам иворъёссы, пересъёслэн верамъёссы (полевоу материал). 2001-тй арын гужем соос та книгалы материал люкан понна бурай удмуртъёслэн гуртъёсазы юри экспедициен потазы. Со сяна, талэсь но азыло люкам материалъёс озы ик туж уно. Соин нош ик туж бадзын тау карон кылъёс вераммы потэ милемын вераськем адямиосмылы - пересъёсызлы но пиналъёсызлы, кудъёсынызы вераськыса ми люкамы туж

тунсыко иворъёс, калык тодон-валанъёс. Гуртёслэн историзы эскеремын вал пöртэм архивъёсын, кудъёсаз утисько вашкала документъёс. Тужгес но уно асьме удмуртъёс сярысь кагазъёс Уфаысь Башкортостан Республикалэн Шор кун исторической архиваз (Центральный государственный исторический архив РБ). Вашкалаосызгес документъёс шедьтэмын Москваын Россиысь вашкала актёслэн кун архивысьтызы (Российский государственный архив древних актов). Удмуртъёслэн лыдзы но соослэн улосъёссылэн лыдпусъёссы сярысь валэктонъёс басьтэмын пöртэм статистической сборникъёсысь.

Асьме удмуртъёс туалала Башкортостанлэн улосвылаз вуэмын 16 – 18-тй дауръёсы. Нош кинъёс, кыче калыкъёс уйлляям меда татын та дырлэсь азьло?

Археологъёслэн малпамзыя, Башкирилэн улосвылаз муртъёс улыны кутскиллям ини вылй палеолит даурысен ик. Та даурлэн бервыльёсыз асьме палан шедьтэмын öвöл. Озы ке но, со вакытъёсы татын уйлсьёсыз лубымтэ шуыны уг луы. Соку уйлсь калыкъёслэн лыдзы, али дырен чöшатано ке, туж öжыт вылэм, соин ик соослэсь бервыльёссэс шедьтыны туж шуг. Самой вашкалаосыз асьме палась археологической шедьтосъёс неолит даурлэнъёсыз луо. Кылсярысь, Каргалы гурт вöзын шедьтэмын со дырлэсь куинь из пурт (Археологическая карта. 1976. С. 86). Туй (бронза) даурын асьме палан уйлляям индо-иран выжые пырись калыкъёс, абашевской но срубной культураосты кылдытйсьёс. Асьме вапумлэсь азьло 2-тй сюрсарлыклен пумаз индо-иран выжыысь калыкъёс инкуазь кезытомемен лымшор пала көчиллям. Та калыкъёслэн улон интызылэн (стоянказылэн) бервылэз шедьтэмын Юмакай гурт вöзын (Археологическая карта. 1976. С. 86). Индо-иран калыкъёс интые Урал гурезь сьöрысь лыктэм межовской культураез кылдытйсь угор выжыысь калык. Та калыклэн улон интыез шедьтэмын Выль Кизган гурт вöзын, Кизган шурлэн ярдураз (Археологическая карта. 1976. С. 85).

Вазь корт даурлэсь (ранний железный век) кылем бервыльёс асьме палан ини туж трос шедьбыло. Соос кельтэмын асьмелэн туж вашкала чыжы-выжыосынымы – вашкала финн-пермь калыкъёсын. Асьме вапумлэсь азьло 5-тй даурын ик ини ананьинской культуралэн (удмуртъёслы но комиослы люкиськымтэ калык) лымшор межа гождьёсыз (границаосыз) вуо туалала Бирск кар дорозь. Янаул ёросысь Таш-Елга гурт вöзын шедьтэмын соослэн кар интызы но шайвылзы (Каталог

археологических коллекций. 1994. С. 88). Асьме вапумлэсь азьло 3-тй даурын ананьинской культура воштйськем чегандинской культураен. Туала Алтау гурт вöзысь шедьтэмын соослэн бервыльёссы, кытын интыяськемын вылэм соослэн огез карзы (Археологическая карта. 1976. С. 84). Асьме чыжы-выжыосмы (ананьинской но чегандинской культураосты кельтэм калыкъёс) пудо вордонэн, пöйшуранэн, нолэсканэн, чорыг кутонэн выро вылэм. Луыны кулэ, соос тодо вылэм, дыр, музейем ужез но.

Асьме вапумлэн 3-тй даураз чегандинской культура воштйськем бахмутинской культураен. Куд-огез археологёслэн малпамзыя, со вашкала удмуртьёсын кылдытэмын вылэм, пе. Та культура возиське 6 – 7-тй даурёс дорозь, собере ыше. Калык кöче, яке мукетёсын сураське. Шедьтэмын туж трос бахмутинской бервыльёс, соослэн гурт но кар интыоссы. Гуртьёссы интыяськемын вылэм кар котырёсын. Кылсярысь, Алтау вöзын вань бахмутинской кар но куинь гурт инты (Археологическая карта. 1976. С. 83-84). Каръёс котыртэмын вылйллям бугро борддорёсын но гопьёсын (ров). Гуртьёслэн борддорёссы луймтэ. Соин ик гуртын улйсьёс тушмонёслэсь утиськылйллям борддору каръёсын. Гуртьёсын но каръёсын улон интыоссы огвыллемесь вылйллям: жыныя музейем выйытэм нбыль сэрго бугро коркаос (полуземлянка). Та калык выре вылэм пудо вордонэн (шедьтэмын туж уно пудо лыос), ю будэтонэн (со сярысь верало сюрлоос, из кöос). Улосазы бадзым инты басьтэ вылэм пöйшуран но нолэскан, чорыг кутон. Тодосчиослэн малпамзыя, соос верасько вылэм, дыр, удмурт кыллы туж матын луись кылын.

Бахмутинской культураез воштэм караякуповской культура. Тазэ кылдытйсь калык вуэмын тапала Урал сьöрысь. Кылзыя соос угоръёс вылйллям. 9-тй даурын та калык татысь кошкем но интыяськем туала Венгрилэн улосвылаз. Юмакай гурт вöзын шедьтэмын та культуралэн бервыльёсыз (Археологическая карта. 1976. С. 86). Вашкала мадьярьёс (венгеръёс) кошкем бере но Урал гурезь сьöрысь угор калыкъёс тапала кöчылэмлэсь дугдылйллямтэ. Угор выжыысь калыкъёс тапалан улйллям 12 – 13-тй даурёс дорозь, ку соос башкыртомиллям. Та сярысь верало башкыртёслэн вашкала мадёсьёссы (Учке: Кузеев. 1974. С. 347-348), озыы ик инты нимъёс – топонимъёс но. Кылсярысь, “Ваныш” кыллэн пумаз вань угор “–ш” формантэз. Озыы ик антропологической материалёс но верало со сярысь: вашкала башкырт шайвыльёсысь нылкышноослэн лысьöмъёссы но йыркобыоссы туж матынэсь та интыын вашкалаысен улэм

калыкленъёсызлы, нош пиосмуртъёслэнъёсыз соослы уг тупало (Юсупов. 1989. С. 41-42).

13 - 14-тй дауръёсысен туалала Бурай ёрослэн улосвылаз интыяськиллям тазлар, ичкиелан, танып, ельдяк но ирэкты выжыосысь башкыртъёс. Вашкала дыръёсысен ик ини башкыртъёс кочыса ветлйсь пудо вордйсьёс луиллям. Музьем уез соос тодйллямтэзы. Соин вырыны кутскиллям 19-тй даурын гинэ. Нош Башкортостанлэн уйшор-шунды пуксён палаз улйсь башкыртъёс пöлын ю бюджетон 18-тй даурын ик вöлмем ни. 1627-тй арын гожтэм “Книга Большому чертежу” вера тапалась башкыртъёслэн “бусыоссы öвöл”, соос “пудо уно вордо” шуыса (Книга Большому чертежу... . 1838. С. 139). Нош 100 ар ортчыса, тапалась башкыртъёс сярись таёе гожтос лыдзыны луэ: ”... уло башкыртъёс ваньзы коркаосын. Юоссы но бусыоссы уно, гужем возьёсын кочылыса уг ветло, зучьёс кадь коркаосын уло. Мукетъёслы учкыса, соослэн пудооссы уно öвöл, турыны öжыт турнало” (Материалы по истории Башкирской АССР. 1956. С. 487). Нош мар пумысен соос музьем ужасьёс луиллям? Талы таёе валэктон сётыны луэ. Тапалась башкыртъёс 16-тй даурлэн пумысеныз - 17-тй даурлэн кутсконысеныз асьсэлэн музьем вылазы улыны лэзьылйллям ю бюджетонэн вырись калыкьёсты (бигеръёсты, мишаръёсты, удмуртъёсты, поръёсты но мукетъёссэ), кудъёсыз асьсэ палан музьем тырмымтэен яке христиан вöсылэсь пегзон пумысен башкырт музьемъёсы интыяськылйллям. Соослэсь адзем карыса, башкыртъёс но ю бюджетонэн вырыны кутскиллям.

Удмурт гуртъёс кылдйллям ельдяк (Пельга, Мамды), тазлар (Кисса), ичкиелан (Асавбаш, Алтау, Асау, Воткурзя) но ирэкты (Бэйшэды) башкыртъёслэн музьемъёсазы. Музьем понна удмуртъёс башкыртъёслы оброк тыриллям.

Озыен, асьме пальёсын улйллям туж пöртэм выжыосысь калыкьёс. 13 - 14-тй дауръёсысен татчы интыяськиллям башкыртъёс но. Нош 16-тй даурлэн пумысеныз та пальёсы интыяськыны кутскиллям озы ик удмуртъёс, поръёс, мишаръёс но бигеръёс. Соос пöлын бигеръёслэн лыдзы уногес луэм. Башкыртъёслэн но бигеръёслэн кыльёссы но сямъёссы туж матын луэмен, вöсьсы но одйг луэмен, нырысетйосыз (озы ик мишаръёс но) бигермиллям. Али дыре уноез уйшор-шунды пуксён пал башкыртъёс асьсэзэс бигер шуыса лыдьяло.

ГУРТЪЁСЛЭН КЫЛДЭМЗЫ

Туала Башкортостан музъем былэ, кызы верамы ни былйын, удмуртъёс көчылыны кутскиллям 16-тй даурлэн пумысеныз - 17-тй даурлэн кутсконысеныз. Вашкала музъемъёсысьтызы Кам съёры көчонлэн кык бадзым мугъёсыз былэм: музъем тырмымтэлык но зуч черке пыронлэсь пегзон. Нош малы башкырт муземе? Татын музъем тырмыт былэм, соин ик башкыртъёс асьсэлэсь музъемзэс көчыса лыктэм муртъёслы висъяллыны быгатылйллям. Музъем сётэмзы понна соос басьто былэм оброк – уксьен, яке дуно куосын но чечыен дун. Зуч черк но татын укыр кузёясыкыны быгатымтэ на со дыре.

Нырысетйез удмурт гурт, кудйз кылдэм туалы Бурай ёролэн улосвылаз, луэм Пельга. 19-тй даурлэн ог документаз, кудаз вераскон мынэ та гурт калык сярысь, тазы гожтэмын: “7139 (1631) арын августлэн 31 нуналаз Быдзым эксэйлэсь но Быдзым князьлэсь, вань Россилэн кузёезлэсь Алексей Михайловичлэсь Уфае приказной коркае стольниклы но воеводалы Лев Афонасьевич Плещеевлы лэземын Оса дорогабсь Киикбаево гуртысь ясако черемислы (порлы) Киикбай Ивашкинлы но вотяклы Усеин Хусеиновлы Бердышев эшеныз чош Уфа уездэ оброк тыронэн пумитьясыкысь башкыртъёслэсь Танып шурлэн бур пал ярдурсытыз музъемзэс кузьманы (пожаловать) шуыса грамота” (ЦГИА РБ. Ф. 1. Оп. 1. Д. 1623. Л. 47). А. З. Асфандияровлэн эскеремезья, та грамота ноказыны но 7139 (1631) арын сётэмын луыны уг быгаты. Нырысь ик, Алексей Михайлович эксэйлыкын вал 1647-тй арысен 1676-тй арозь, соин ик со та грамотаез 1631-тй арын ноказыны но сётыны ой быгатысал. Кыкетйез, Л. А. Плещеев воеводаын пукиз 1647-тй арысен 1649-тй арозь. Соин, малпаны луэ, 1631-тй ар шонертэм гожтэмын шуыса. Луыны кулэ, со гожтэмын вал, дыр, 1647 – 1649 аръёс куспын, ку Уфаын Л. А. Плещеев воеводаын вал (Асфандияров. 1994. С. 158). Грамотаын вераскон мынэ Танып шурлэн бур пал ярдурсытыз музъем сярысь. Но кызы тодмо, Пельга интыясыкемын шурлэн паллян пал ярдураз. Тае тазы валаны луэ: Пельга но Киикбаево гуртъёс интыясыкемын вал, дыр, башкыртъёслэсь арендае басьтэм муземазы, нош со былэ эксэй кузьмам на соослы мукет музъем но. Та гожтэмысь валаны луэ, Пельга гурт 1647 – 1649-тй аръёслэсь ик азыло кылдэмын ни былэм шуыса. Нош ку, соиз тодмо өвөл, ноқыче вашкалаосызгес кагазъёс али шедьтэмын өвөл на та сярысь. Пельга гурт Янаул ёросысь Быдза Вараш, Наняды, Четырман, Андреевка гуртъёсын

җош луэ Башкортостан музъем вылысь оgez тужгес но вашкалаез удмурт гурт, кудйз кылдэмын ни 17-тй даурлэн нырысетй жыныяз. Но жаляса верано луэ, 17-тй даурья та гурт сярись нокыче но документъёс өвёл ни, соин нокызыы но тодыны уг луы, көня юрт, көня улйсьёс вылэм отын соку.

17-тй даурын ирэкты (РГАДА. Ф. 1173. Оп. 1. Д. 207. Л. 1) но ичкиелан (РГАДА. Ф. 1173. Оп. 1. Д. 361. Л. 2) выжыись башкыртъёс но лэзиллям асьсэ музъем вылазы удмуртъёсты. Но кыче гуртъёсты соос кылдытйллям – таиз но тодмо өвёл.

Документъёсыя 1722-тй арысен тодмо Кисса гурт но. Та арын тазлар башкыртъёс но кисса удмуртъёс куспын кутэмын вылэм огкыл (договор), кудйзлэн текстэз асьме дорозь утиськем (учке ватсэтэз). Та архив кагазья тодмо, тазлар башкыртъёс асьсэ музъем вылазы улыны лэзиллям Кисияр гуртысь тептярьёсты но вотякъёсты Баязит Сарбаевез, Баймет но Акмет Исеевъёсты, Бутеш но Амин Ивашевъёсты, Яныш Яналинэз эшёсынызы җош (с товарищи), шуыса. Музъем понна “азыло кадь ик” соос куриллям арлы быдэ нбыль сёр ку но одйг батман³ чечы дун тырыны (Садиков. Кисса гурт... . 2000. №14). Но таиз учыре но 1722-тй арез Кисса гуртлэн кылдэм ареныз лыдьяны уг луы на. Нырысь ик, документын возматэмын ини гуртлэн нимыз, кыкетйез, оброк тырон сярись верамын, “азыло кадь ик” шуыса. Соин, Кисса гуртэз 1722-тй арлэсь азыло кылдэм вылэм шуыны луэ. Та арын киссаос тазлар башкыртъёсын огкылзэс вильдйллям гинэ, дыр.

1722 – 1723-тй аръёсын ортчытэмын вал нырысетйез калык ревизия (калыкез лыдьян). Солэн документъёсызья (сказкаосья), кудъёсыз утисько Москваын, тодмо луэ таҗе удмурт гуртъёс сярись: Новой Тазлар, Большой Асова но Малой Асовбаш, Савалеево, что на речке Уарзе, Пелги, что на речке Сары Пелге, Курзи (РГАДА. Ф. 350. Оп. 2. Д. 3790. Лл. 436-445).

Новой Тазлар (Кисса) но Пелги (Пельга) гуртъёс сярись гожтйм ини вылйын. Туж шуг Большой Асова но Малой Асовбаш гуртъёс сярись вераськыны. Эскеронлы шугенлык кылдытэ на мукетыз та выллем нимо ик гурт – Балтач ёросысь Асавка. Милям малпамья, А. З. Асфандияровлэн книгаысьтыз Балтач ёросысь Асавка гурт сярись гожтэмез шонерен лыдьяны уг луы. Тазыы ик малпа краевед Р. Т. Зайдуллин но (Зайдуллин. 2000). Вань документъёс, кудъёсыз возматэ Асавка гуртлэсь берло дыре гинэ кылдэмзэ. Но

³ Батман – лымшорпал калыкъёслэн мерттаськон четзы, асьме палан солэн быдзалаез 10 фунтлы вуэ вылэм (фунт = 409,512 г).

кычѐ гурт меда Асавка шуыса возматэмын А. З. Асфандияровлэн книгаяз? Отын гожтэмын, Асавкаын 1748-тй арын (кыкетй ревизия дыръя) 50 пиосмуртьѐс уйлляям шуыса (Асфандияров. 1998. С. 368). Та лыдпус туж матын луэ Большой Асова гуртын 1722-тй арын адзъитэм лыдпуслы. Соку отын 58 пиосмуртьѐс уло вылэм (РГАДА. Ф. 350. Оп. 2. Д. 3790. Л. 437). Озыен, луыны кулэ, А. З. Асфандияровлэн книгаяз вераськон мынэ Большой Асова гурт сярись. Та гурт, кызыы малпаны луэ солэн нимызъя, интыяськемын вылэм Асау шур дурын. Со шур дурын ик, шонергес вераса, солэн кутсконаз – йылаз, вань вылэм на Малой Асовбаш гурт но. Нош кызыы тодмо, Асау шур кузя али дырын таѐ нимо удмурт гуртьѐс өвөл ни. Мар бен соосын луиз? Документъѐслэн но пересъѐслэн верамзыя, отын улйсь калык мукет интыосы кӧчоно луэм. 1811-тй арын башкыртъѐс та гуртьѐслэсь арендае басьтэм музеймзэс вузалляям Николай Ефимович Тепляков нимо помещиклы. Со нош татын улйсь удмуртьѐсты уल्याны кутскем: 1811-тй арын ик помещик та музейме интыям аслэсьтыз улоссэ но 27 юртэн крепостной крестьянъѐссэ (Сахратуллин. 1999. С. 49-51). Удмуртьѐс татысь кошконо луилляям. Н. Е. Тепляковлэн аслаз верамезъя, солэн басьтэм музеймаз уло, пе, вал Асафтамак но Асафбаш гуртьѐсын удмуртьѐс, но соос татысь волостылэн мукет интыосаз кошкизы, пе (Сахратуллин. 1999. С. 49). Но кытчы соос интыяськизы? Помещиклэн верамысьтыз тодмо, Большой Асоваез озыы ик Асафтамак но шуыса нулдйлляям вылэм. Озыен, Большой Асова=Асавтамак интыяськемын вал, дыр, Асау шурлэн пумаз. Но Асавтамак нимо гурт та дыре но вань. Со Асаулэн пумаз ке но интыяськымтэ, солы туж ик кыдѐкын өвөл. Луыны кулэ, асавтамакъѐс вуж интызэс куштыса, солэсь кыдѐке кошкытэк, выль гуртлы инъет сѣтйлляям, солы вуж гуртсылэсь ик нимзэ кельтыса. 1825-тй арын Губерни кивалтэт (Губернское правление) та выль гуртъя таѐ косонкыл поттэм: “Выль кылдытэм Асавтамак гуртэ интыяськем 30 душ вотякысь теплярѐслы, 1772-тй, 1791-тй аръѐсы башкыртъѐсын сѣтэм кагазъѐсья ..., выль музеймзэс соослы пыраклы кельтоно” (“занятые ими земли оставить им навечно” (Сахратуллин. 1999. С. 51). Озыен, вуж Асавтамакын улйсьѐслэн музеймен кутйськыны 1772-тй но 1791-тй аръѐсын сѣтэм кагазъѐссы луэм. Соос ичкиелан башкыртъѐсын выльдэм огкыльѐс выйлляям, дыр. Та кагазъѐслэн текстъѐссы утиськымтэзы. Но кӧняетй арын удмуртьѐс башкыртъѐсын огкылэ вуыса соослэн музеймазы пуксьыса Большой Асова гуртэз кылдытйлляям - тодмо өвөл. Озыен, таралэм гуртысь куамын душ

улысьёсыз кыдёке ик кошкытэк интыяськиллям ичкиелан башкыртёслэн ик музьемазы виль огкыльёс кутытэк. Луыны кулэ, соос интыяськизы вуж огкыльёсын ик возматэм музьемёсы, кудьёсызлы Н. Е. Тепляковлэн кыиз өз вутскы. Вуж Асавтамакысь ик удмуртёс кылдытйллям на туалла Балтач ёросысь Асавкаез но. Вашкала документёсын таиз гурт но Асавтамак ик шуыса гожтылэмын (ЦГИА РБ. Ф. 2. Оп. 1. Д. 1755. Л. 253). Таиз учыре соос интыяськиллям ни уфа-танып башкыртёслэн музьемазы. Удмуртёс но уфа-танып башкыртёс огкыл кутйллям 1813-тй арын (ЦГИА РБ. Ф. 2. Оп. 1. Д. 1755. Л. 253). Р. Т. Зайдуллинлы но пересёс вераллям, Асавка гуртэз таралэм Асавтамакысь лыктэмёс кылдытйллям шуыса (Зайдуллин. 2000).

Нош кытчы интыяськиллям Асавбашысь удмуртёс? Документёс но пересёслэн верамёссы валэкто, соос вуж интыысьтызы вырзёса, Алтау гурт интые пуксиллям шуыса. 1811-тй арын Асавбашын улысьёс “вотякысь тептярьёс” Имаш Тюгаев, Байсары Имашев, Имангул Ишаев “эшъёсынызы ёош” кызь юртэн пуксизы ичкиелан волостысь ваныш тубаысь башкыртёслэн музьемазы но кылдытйзы Алтау гуртэз (учке ватсэтэз) (ЦГИА РБ. Ф. 172. Оп. 1. Д. 175. Л. 298). Алтаулэн сотникезлэн, Байсары Имашевлэн верамезья, ми, пе, “Асавбашын улысьёс Кузбай но Ваныш тыбаосысь башкыртёслы музьем понна арлы быдэ тыром вал одйг манет оброк. Но 1811-тй арын кочимы Алтаю гуртэ улыны 80 арлы. Асьмелэсь музьеммес Тепляковлэн приказчикезлы Альмухамет Рафиковлы 23 манетлы вузамы. Асавбашысь унозэ юрт вутосёсмес вузатэк кельтймы, соослэн дунзы ог 20 – 40 манет” (Сахратуллин. 1999. С. 50).

Но татын но ог валантэм интыез вань: Алтау гурт одйг архив кагазын 1757-тй арын ик возматэмын ини, ку отын улысь Василийлэсь Миядык гуртысь пор 13 манет уксёзэ пунэмам (Материалы по истории Башкирской АССР... . 1956. С. 380); Пугачев бугырьяськонэ пырыськем удмурт гуртёс пöлын возматэмын Атаево гурт (та гурт ним туж матын Алтаево нимлы). 1764-тй арын Атаево гуртын улыллям, пе, 11 мурт (Крестьянская война... . 1975. С. 284). Но соиз но тодмо, Красильниковлэн 1755-тй арысь картаосыз (Оренбургская губерния с прилегающими... . 1880. С. 14) но витетй ревизилэн материалёсыз (1795 ар) Оса дорогаысь Алтау нимо гуртэз уг адзёто. Тае тазы гинэ валаны луэ: пичи луэменыз Алтаево гуртэз унояз кагазёсын адзётылымтэзы, дыр. Луыны кулэ, Асавбашысь удмуртёс та гуртэ пуксиллям. Көняез ке соос пöлысь Асавкае но кочиллям,

дыр: пересъёслэн верамзья, сое кылдытйсьёс пöлын луиллям асавбашгёс но (Ялалов. 2000) Асавбаш нош ачиз пыраклы бырем. Николо-Тепляки гуртлэн вылланыз шур йыл палаз та гуртлэн бервыльгёсыз та дырозь но шöдисько на. Ку Асавбаш (озы ик Алтау но, со 1811-тй арлэсь ик но азьвыл луэм ке) кылдытэмын - тодмо öвöл.

Уно тодмотэмез Воткурзялэн кылдэмез сярись но. Документгёсъя тодыны уг луы: кылдытйллям-а удмуртгёс асьсэлы нырысь ик нимаз гурт, яке уйлллям-а соос башкыртгёсын чöш. 1722-тй арын Курзи гуртын адзйтэмын 16 пиосмурт удмуртгёс но 5 бигергёс шуыса (РГАДА. Ф. 350. Оп. 2. Д. 3790. Л. 445). Но валаны уг луы, соос башкыртгёсын чöш уйлллям-а, нимаз-а. А. З. Асфандияровлэн малпамезья, удмуртгёс нырысь башкыртгёсын чöш Вуж Курзя гуртын уйлллям, собере гинэ соос люкиськыса асьсэлы Воткурзя гурт кылдытйллям (Асфандияров. 1994. С. 121). Та удмуртгёслэн вань вылэм курзи башкыртгёсын 1781-тй арын сётэм кагаззы, кудаз соослы лэземын музеймен кузъяськыны (учке ватсэтэз) (ЦГИА РБ. Ф. 172. Оп. 1. Д. 175. Л. 27). Но татын гожтэмын, “кызы азьло соослэн атайёссы кузъяськызы ..., соослы но озы ик кузъяськоно” шуыса (ЦГИА РБ. Ф. 172. Оп. 1. Д. 175. Л. 28). Озыен, та кагазэз выльдэм огкыл гинэ вылэм шуыны луоз.

Нош та пумысен но вераны уг луы: вылэм-а та дыре удмуртгёслэн асьсэлэн гуртсы? Сизыметй ревизия (1816 ар) адзйтэ, Вуж Курзи гуртын 25 удмуртгёс уло вылэм шуыса (ЦГИА РБ. Ф. 2. Оп. 1. Д. 1755. Л. 214). Нош 1795-тй арын ик ини (витетй ревизия) удмурт Курзя гурт ас понназ адзйтэмын. Соку отын уло вылэм 33 адями (ЦГИА РБ. Ф. 138. Оп. 2. Д. 29. Л. 4). Милям малпаммыя, Воткурзя 1722-тй арлэсь но азьло ик кылдэмын вылэм, дыр, ку со возматэмын вал нырысетй ревизилэн сказкаосаз. Луыны кулэ, кöня ке удмурт куаос улйзы на Вуж Курзиын но. Соос, озы ик Воткурзиысь но удмуртгёс, дыр ортчемья, бигермизы. Нош кöняез ке гинэ удмуртгёс Воткурзиысь кöчизы но асьсэлы Дэулэкэн гурт кылдытйзы.

Кызы гожтймы, 1722-тй арын ортчытэм ревизилэн документгёсаз возматэмын Уарзи шур дурысь Савалеево удмурт гурт. Нош али дыре таçe нимен удмурт гурт уг пумиськы ни. Татышлы ёросын вань Савалеево башкырт гурт, кудйз туж матын интыяськемын Бэйшэды гуртлы, кык иськемын гинэ. Татын уло ирэкты башкыртгёс. Кызы тодмо, байшады удмуртгёс но ирэкты музейме интыяськемын (ЦГИА РБ. Ф. 2. Оп. 1. Д. 1755. Л. 247). Соин ик луыны кулэ, та документын адзйтэмын Бэйшэды, кудйз

кылдиз Савалеево гуртысь башкыртъёслэн музейем вылазы. Та гурт кылдэм сярысь мукетыз документ тодмо өвөл.

Мамды гурт кылдэмын 18-тй даурлэн пумаз. 1778-тй арын 10-тй июльын ельдяк башкыртъёс но Наньядыысь удмуртъёс (Тусум Янгильдин, Сеит Кузьяев “эшъёсынызы чөш”) куспын кутэмын вылэм огкыл, кудйзья удмуртъёслы лэземын дас юртэн ельдяк музейеме интыяськыны (ЦГИА РБ. Ф. 2. Оп. 1. Д. 4145. Л. 4).

18-тй даурлэн пумаз (1795 ар) туалы Бурай ёрослэн улосвылаз интыяськемын вылэм таёе удмурт гуртъёс: Байшадына, Асавтамакова, Асавбашева, Мамады, Тазларова, Бикзянова, Курзи (ЦГИА РБ. Ф. 138. Оп. 2. Д. 29. Л. 1-4).

1890-тй арын Киссалась 51 юрт кузёос Н. Е. Тепляковлэсь Сарсаз шур дурысь нюлэсо музеймзэ дунэн басьтйллям. Со нюлэсэз кораса бусы кариллям. Арлы быдэ 3—5 десятина музейемз тазарто вылэм нюлэслэсь. Киссалась куд-огъёсыз татчы 6 юртэн яна потыса улыны интыяськиллям. Ог юртысь удмуртъёс Вятка губерниысь лыктэмъёс выййллям (Сборник статистических сведений... . 1899. С. 156). Озы кылдэм Сарсаз гурт.

20-тй даурлэн кутсконаз асьме ёросысь удмуртъёс уййллям таёе гуртъёсын: Пельга, Кисса, Байшады, Асавтамак, Алтау, Мамды, Сарсаз, Курзи. Берлоез гурт пумен бигермыны кутскем. Удмурт сямъёсты кутйсь удмуртъёс та гуртын улыны быгатйллямтэ ни. Соин ик 1925-тй арын соос кочиллям но Дәуләкән нимо гурт кылдытйллям. Та арын ик та выль гуртын лыдыяськем ни 22 юрт (Список населенных пунктов Башреспублики. С. 57).

Кытысь вуизы асьме пала удмуртъёс? Малпаны луэ, туалы Удмурт Элькунлэн лымшор пал ёросъёсысьтыз, дыр, шуыса, малы ке шуоно, бурай удмуртъёслэн кылзы, дйськутсы, тйрлыксы, сям-нергеоссы, воршуд нимъёссы чапак тупало лымшорпал удмуртләнъёсызлы.

Кытысь вал Пельгалась нырысетй уййсьёсыз - чик но тодмо өвөл. Соос луизы, дыр, Кам шурез выжем Пельга воршудысь удмуртъёс. Пельгаослэн тужгес но вуж гуртсы луэм Удмуртиысь Вавож ёросысь Волипельга (Атаманов. 1982. С. 98). Со паласьгес ик вал, дыр, Пельга (Бикзян) гуртысь удмуртъёс но.

Киссала удмуртъёс вуиллям Татышлы ёросысь али дыре бигермем Гарибашево гуртысь. Киссалась Нуриева Зулькайда Мухаметьяновна (1905 арын вордскем) верамъя тодйськом: “первой татчы Гарабашысь лыктйллям. Кысса мурт соосты вайыса лыктэм. Соин та гуртлы Кысса шуыса ним понйллям. Гарабашын мурт данак луэмен музейем тырмымтэ” шуыса. Озыен, Гарабашысь удмуртъёс асьсэ палан музейемзы

тырмымтээн интыяськиллям улыны тазлар башкыртъёслэн музъемазы.

Асавбаш, вуж Асавтамак но Байшады гуртъёсысь но удмуртъёс Камез выжизы, дыр. Но та сярись ноқыче мадёсьёс кылемын өвөл ни. Мамадые, кызы гожтймы выльын, удмуртъёс вуиллям туалла Янаул ёросысь Наняды гуртысь. Соос но көчоно луиллям, дыр, музъм тырмымтээн. Воткурзя удмуртъёс сярись но номыр тодмо өвөл. Нош татын улйсьёсыз уноез берло бигермиллям, пичи гинэ люкетэз Дэулэкэнэ көчем. Со сярись та гуртын улйсь Мадиева Зифа Галиевна (1913 арын Воткурзяын вордскем) тазы вераз: “Кырзёын бигерен суро вал. Бигер лу, пе, шуо вал. “Сьод ыжез котькызы миськы, тодь уг луы,” – шуэм атай. Уноез, бигер луыса, кылиллям. Кырзёын бигеръёс жугиськись вал, соин көчоно луиллям”. Нырысь ик выль интые көчем Давлетхан нимо мурт. Со татчы яна потэм, со сьёры вуиллям мукетъёсыз но. Та сярись вераз солэн нылыз, Махмутова Хадича Давлетхановна (1925 арын Дэулэкэнын вордскем).

Музъм но нюлэс тырмымтээн киссаос но көчыса Сарсаз гуртэз кылдытоно луиллям. Сарсазын улйсь Хусниязов Малик Шариповичлэн (1938 арын вордскем) верамезья, нырысь ик та гуртэ улыны интыяськем солэн персятаез Хуснияз. Со Киссалась вылэм. Нырысь со Асавтамакын батрак луыса ужаса ветлэм. Собере Сарсаз интые аслыз курлэсь балаган выллем улон инты лэсьтэм. Кышнояськем бераз корка но вутэм. Та интыын туж сьод нюлэс луэм. Хуснияз ошмес дуре гозы кузя гинэ ветлэм, пе. Көнә ке дыр ортчыса, татчы мукетъёсыз киссаос но улыны лыктйллям.

ВАШКАЛА УЛОН

Кызы верамы ни, вань гуртёсья утиськыса кылем документёс ог кадесь өвөл, кудёсызья номыр шедьтыны ик луонтэм. Кылсярысь, 17-тй даурын кылдэм Пельга гуртлэн со вакытэ кёня уйлесез былэм, тодыны уг луы. Со сярись нокыче документёс но өвөл (оло татчыозь милемын шедьтэмын өвөл на).

1722-тй арын ортчем нырысетйез калык ревизия. Со возматэ удмурт гуртёсья таё суред (соку лыдьямын вал пиосмуртёс гинэ): Пелги – 36 адями, Новой Тазлар – 70, Большой Асова – 58, Малой Асовбаш – 37, Савалеево – 13, Курзи – 16 (+ 5 бигер) (РГАДА. Ф. 350. Оп. 2. Д. 3790. Л. 436-445). Озыен, нырысетй удмурт гуртёс пичиесь на былэм.

Даурлэн пумаз ини та лыдпусёс тубиллям. 1795-тй арын ортчытэм витетй ревизилэн материалёсыз таё лыдпусёсты возматэ (таяз учыре лыдьямын вал нылкышноос но): Байшадина – 165, Асавтамакова – 201, Асавбашева – 120, Мамады – 107, Тазларова – 289, Бикзянова – 187, Курзи - 33 (ЦГИА РБ. Ф. 138. Оп. 2. Д. 29. Л. 1-4). Кызы адзыны луэ, гуртёс бадзымаллям.

19-тй даурья лыдпусёс возматэмын книгалэн пумаз сётэм ватсэтысь таблицаын.

19-тй даурлэн пумаз (1870 ар) тужгес но бадзымез гурт луэм Кисса, отын улэм 672 адями. Но 20-тй даурлэн кутсконаз та гурт покчиям (434 адями). Та валэктйське гуртысь калык Сарсазэ но Шавьядые көчemen. 19-тй даурлэн пумаз (1870 ар) самой пичиез гурт – Асавтамак (189 адями) былэм.

20-тй даурлэн кутсконаз, Кисса пичиям бере, самой бадзымез гурт луэм ни Байшады: 1920-тй арын отын лыдьямын 797 адями. Сарсазын 1897-тй арын тямыс юртын уйлллям 16 пиосмурт но 12 нылкышно (ваньмыз 28) (Сборник статистических сведений... . 1899. С. 156). 1920-тй аре та гуртын былэм ни 10 юрт, кытын уйлллям 32 пиосмурт но 28 нылкышно (ваньмыз 60) (Список населенных пунктов Башкresпублики. 1926. С. 62). Дзулэкэнын кылдон араз (1925 ар) луэм 22 юрт (Список населенных пунктов Башкresпублики. 1926. С. 57), но кёня отын калык улэм, тодмо өвөл.

Кызы гождймы ни, удмуртёс интыяськиллям башкыртёслэн музьемазы, сое арендае басьтыса. Удмуртёслэн башкырт музьемен пайдаяськон луонлыкёссы юнматэмын былэм огкыльёсын (припускной договорёсын). Куддырья соосты кутэ былэм кыл вылын гинэ, но уноосыз учырёсы соосты кагаз былэ гождылллям тюрки кылын араб графикаен. Но соослэн

юридической кужымзы луон понна, огкылъёсты зуч кылэ берыктыса кун органъёсын регистрировать кароно вылэм. Жаляса верано луэ, эскероно гуртъёс пöлысь таёе кенешонкылъёссы утиськемын Киссалэн, Воткурзилэн но Алтаулэн гинэ.

Эскером соослэсь текстъёссэс.

Киссаослэн договорзылэн оригиналэз та дырозь утиськымтэ. Со ышыны шедем Пугачев бугыръяскон дырря (ЦГИА РБ, Ф. 172. Оп. 1. Д. 8. Л. 64), утиськем солэн копиез гинэ. Гожтэмын вылэм со 1722-тй арын. Та кагазья, Уфа уездлэн Оса дорогаезлэн Тазлар волостысьтыз башкыртъёс Бекей Апачев, Айтуган Ергаков, Туйчибай Екшимбетов, Уразгильды Сейтяков эшъёсынызы ёош асьсэлэн вотчина музейем вылазы улыны лэзиллям Кисиярово гуртысь вотякъёсты (удмуртъёсты) Баязит Сарбаевез, Баймет но Акмет Исеевъёсыз, Бутеш но Амин Ивашевъёсыз, Яныш Яналинэз эшъёсынызы ёош. Возматэмын со музейемлэн межаосыз, кудйныз башкыртъёс но удмуртъёс кенешиллям азьпалан вань вуоно дауръёсы ёошен кузёяськыны (“владеть нам и Сарбаеву с товарищи вечно”). Музейем понна арлы быдэ тыроно вылэм тазларъёслы нбыль сёр ку но одйг батман чечы (юртлы быдэ). Киссаослы лэземын вылэм та музейемын бусыяськыны (музейем ужаны), озыы ик нюлэс кораны, мушканы, пöйшураны, чорыганы. Со сяна, пусъемын на, кин ке, пе, та кенешонъёсты öз ке быдэсты, соослы тыроно 50 манет (“а ежели мы ... или они Сарбаев с товарищи в чем вышеписанном не устоят и за ту неустойку на виноватых взять пятьдесят рублей”) (ЦГИА РБ. Ф. 172. Оп. 1. Д. 8. Л. 67).

Воткурзиослэн договорзы утиськем кык копиосын. Нырысетйез – 1791-тй арын зуч кылэ берыктэмез, кыкетйез – нырысетйысьтыз кöчыремез (ЦГИА РБ. Ф. 172. Оп. 1. Д. 175. Лл. 28, 30-32). Оригиналэз тюрки кылын гожтэмын вылэм 1781-тй арын, но со утиськымтэ. Та документья, Курзи волостысь башкыртъёс Тимаш Сайдяков, Байрам Заитов, Ибрагим Чюракаев но мукетъёсыз Курзи гуртысь удмуртъёслы, Явгилда Ямеевлы, Яркей Ягышевлы эшъёсынызы ёош возматйллям, “кызы азьло соослэн атайёссы кузёяськызы турын покосъёсын но, гыроно музейемен но, тук октон интыен но, соослы но озыы ик кузёяськоно, соослы ик нюлэскын пöйшураны, выж лэсьтыны” (ЦГИА РБ. Ф. 172. Оп. 1. Д. 175. Л. 28). Оброксылэн быдзалаез нош огкылазы возматымтэ.

Алтауёслэн музейемен кузёяськыны лэзись документсы 1811-тй арын 5-тй июнын гожтэмын 1809-тй арлэн гербовой кагазаз. Со куинь бамлэсь кылле. Нырысетйяз возматэмын межа гожъёс но

оброклэн быдзалаез, мукетъёсаз — асаба (музъем кузё) башкыртъёс асьсэлэсь кипусъёссэс пуктылйлям. Та документъя Оренбург губернилэн Бирск уездысьтыз Ичкиелан волостьысь Ваньш тубаысь Алпаут, Каразирик но Байсакэ гуртъёсысь башкыртъёс, “бадзынъёс но пичиос, ваньзы чёшен кенешыса”, асьсэлэн музъемазы 80 арлы интыяськыны лэзиллям та уездысь ик Асавбаш гуртысь вотякысь тептярьёсты Имаш Тюгаевез, Байсары Имашевез, Имангул Ишаевез эшъёсынызы чёш, ваньзэс кызь юртэн. Удмуртъёслы лэземын нянь будэтыны, турып турнаны, чорыганы, тук октыны, шу но мукет емыш бичаны, пöйшураны. Музъем понна башкыртъёс куриллям витьсю манет, озы ик арлы быдэ котькуд юртысь тыроно вылэм на витьтон коньы. Удмуртъёслы музъем понна озы ик тыроно вылэм на императорлэн казначая но. Со сяна, удмуртъёслы косэмын выжъёс лэсьтыны, сюресъёсты утыны, сюрес юбоосты пуктылыны (ЦГИА РБ. Ф. 172. Оп. 1. Д. 175. Л. 298).

Озыен та документъёсы асьмеос адзиськом, удмуртъёс башкырт музъемъёсы оброк тыронэн улыны лэземын вал шуыса. Соосты тептярь (типтэр) яке припущенник шуыса нулдыллям. Кыззы возматйм ни, киссаос тыриллям башкыртъёслы нбыль сёр ку но одйг батман чечы, алтауёс — 50 коньы. Асауёс но юртлы быдэ 50 коньы тыро вылэм 1772-тй арлэн огкылэзья (ЦГИА РБ. Ф. 2. Оп. 1. Д. 1755. Л. 231), озы ик 50 коньы асавбашъёс но (Сахратуллин. 1999. С. 50), нош мамдыос — кык манет (ЦГИА РБ. Ф. 2. Оп. 1. Д. 4145. Л. 4). Байшадыослэн, воткурзиослэн но пельгаослэн тыриськонъёссылэн быдзалазы тодмо öвөл. Пельгаослэн, кыззы гожтймы ни, арендае басьтэм музъемзы сяна, луэм на эксэйен кузьмамез но. Со понна дун тыриське вылэм эксэй казнае. Нош солэн но быдзалаез тодмо öвөл.

Удмуртъёслэн тыриськонъёссы оброкен гинэ уг быро вылэм. Со сяна, соос тыриллям на кунлы ясак (выг). Кылсаярысь, киссаос 1722-тй арын тыро вылэм эксэй казнае кык пöртэм ясак: окладной но бобыльской⁴. Одйг юрт тыре вылэм 1 рубль 3 алтын но 2 деньга⁵ окладной ясак, мукетыз — одйг рубль. Дас юртъёс тыро вылэм быдэн 16 алтын но 4 деньга. Окладной ясаклэн вань быдзалаез вуэ вылэм 6 рубльы но 20 алтынлы. Одйгез юрт тыре вылэм 26 алтын но 4 деньга бобыльской ясак, кыкез юртысь

⁴ Окладной ясакез тыро вылэм тептярьёс, бобыльскойзэ — бобыльёс (берпуметйез кужмотэмгес юртъёс вылэ гожтйське вылэм). Соослэн быдзалазы юнматэмын вылэм 1632 арын.

⁵ Рубль, алтын, деньга — вашкала зуч уксе четъёс.

басъто вылэм быдэн 13 алтын но 2 деньга. Ваньмыз боббыльской ясак люкаське вылэм араз 1 рубльлы 6 алтынлы но 4 деньгалы. Со сяна, боббыльёс тыро на вылэм подводной, ямской но полоненичной тыроньёс⁶. Ваньмыз ясакъёслэн быдзалазы вуэ вылэм араз 8 рубльлы 2 алтынлы но 2 деньгалы. Нош нбыль юртъёс ноқыче ясак уг тыро вылэм (РГАДА. Ф. 350. Оп. 2. Д. 3790. Л. 109). Окладной но боббыльской ясакъёс тырисько вылэм юртлэн музейем люкетэзлэн быдзалаезья. Историкъёслэн лыдъямзыя, котькудйз юртысь тыриське вылэм 49 коньбылы матынгес ясак.

1747-тй арын окладной но боббыльской ясак воштйськем подушной налоген. Котькудйз пиосмурт (али вордскемез-а, пересез-а) тырыны кулэ вылэм кун понна араз 80 коньы. Таиз налог, кзыбы валамон ини, кык поллы уногес луэм ясаклэсь, со сяна сое тыроно вылэм юртысь котькудйз пиосмурт понна.

Удмуртъёслэн вань улонзы герзаськемын музеймен, солэн быдзалаеныз, со понна тыриськонъёсын. Гурт калык артэмья музейем куддыръя уг но тырмылы вылэм. Соин куд-огъёсыз вордскем гуртъёссэс куштыса, мукет интыбысь музейем утчано лублйллям.

1761-тй арын Пельгалан ульсьёс тямыс юртэн кочиллям Ичкиелан волостысь Кузбай тюбаысь Кудаш но Кушманак гуртъёсысь башкыртъёслэн музейемазы но кылдытйллям Кургак гуртэз (ЦГИА РБ. Ф. 172. Оп. 1. Д. 175. Л. 253).

18-тй даурлэн кыкетй жыныяз Байшадьысь но коня ке ульсьёсыз гуртэс кельтоно луиллям. Соос интыяськиллям Ичкиелан волостысь Ташкичи гуртэ (туала Илиш ёросын). Ташкичиын ульсьёслэн верамзыя, татчы лыктэмъёс Байшадьын мукет ульсьёсынызы тэрымтэенызы кочоно луиллям. Куалазэс (куалаысь пеньзэ) гинэ но соос лушкаса ваёно луиллям (Миннияхметова, Садилов. 1999).

Киссалась но коня ке пол ик кочылонъёс лублйллям: 1797-тй арын вить юртэн соос интыяськиллям Тугыни гуртэ, 1890-тй арын куать юртэн – Сарсазэ, 1893-тй арын – Шавьядые (Вильгуртэ) (Садилов. Кисса гурт... . 2000. №16). 1756-тй арын Асав (вуж Асавтамак) гуртысь удмуртъёс дас юртэн пуксиллям Каратанып волостысь Казанчи тюбаысьтыз башкыртъёслэн музейемазы но кылдытйллям Янаул гуртэз (Аскино ёросысь али дыре бигермем гурт) (ЦГИА РБ. Ф. 172. Оп. 1. Д. 9. Л. 33).

⁶ Подводной – подводаос (транспорт) понна, ямной – почта понна, полоненичной – тюрьмае пунктэмъёсты возён понна.

19-тй даурлэн кутсконысеныз ик тептярьёс но башкыртъёс куспын кутскиллям музей понна ченгешонъёс. Соос пуромылйллям музейемез люкылонэн – межевание ортчытонэн. Та ужез ортчытон сярись косон поттэмын вылэм ини 1797-тй арын ик. Башкыртъёслы душлы быдэ 40 – 60 десятина, тептярьёслы – 30 десятина музейем люкылыны кулэ вылэм. 1801-тй арын межевание ортчем Тазлар волостын. Киссаослэсь кык бусыоссылэсь быдэн жыныоссэ Оренбург межевой конторалэн землемерез кыр-унлар башкыртъёслы люкыса кельтэм. 1803-тй арын киссаос Бирск земской судэ жождтйськон гожтэт вутгйллям. Отын соос куриллям со музейемез берлань киссаослы берыктыны. Соослэн верамзыя, землемер шонертэм люкем музейемез. Музейемез киссаослы берен берыктон понна кыр-унлар башкыртъёс куриллям Кизган шуртй выжез вильдыны. 1806-тй арын киссаослэн куремзыя, вильысен межевание ортчылллям, нош таяз учыре но музейемъёс шонер люкытэк кельтэмын вылэм. Удмуртъёслы но башкыртъёслы косэмын вылэм асьсэ куспазы тупаны. Музейем люкон уж нокызы но азылань мынымтэ. 1833-тй арын киссаослэн повереннойёссы нош ик гожтйллям жождтйськон гожтэт. Та учыре соос жождтйськиллям ни Тазлар башкыртъёс вылэ. Соослэсь музейемзэс киултыны туртто вылэм Тазлар волостысь Каргалы гуртысь башкыртъёс. Та ченгешонэз эскерем Бирскысь земской суд, кудаз кутэмын вылэм таёе резолюция: сизыметй ревизиен лыдьям душъёслы ваньзылы люкыса сётоно 30 десятина музейем. Талэсь но артыкез кылиз ке, сое башкыртъёслы сётоно (Садигов. Кисса гурт... . 2000. № 15-16).

Таёе ик музейем ченгешонъёс та дыре ортчылллям мукет волостыёсын но, соос кутскиллям 1832-тй арын тептярьёсты башкыртъёслы музейем понна оброк сётонлэсь мозмытон пумысен. Та арысен тептярьёс башкыртъёслы тыриллямтэ ни музейем понна нокыёе но дун. Нош казнае соослы тыроно вылэм душлы быдэ азвесен 95 коньы (Садигов. 1996. С. 43-44). 1838 – 1839-тй, 1842-тй арьёсын музейем ченгешонъёс пуромиллям пельгаос но Ельдяк волостысь Бурай тюбаысь Бурай гуртысь башкыртъёс куспын (ЦГИА РБ. Ф. 1. Оп. 1. Д. 1623. Л. 47).

Туж зол музейем ченгешон ортчем Асавбаш но вуж Асавтамак гуртъёсысь удмуртъёс но Н. Е. Тепляков помещик куспын. 1811-тй арын, межевание ортчем бере, ичкиелан башкыртъёс та музейем вылын удмуртъёслэсь улэмзэс санэ басьтытэк, соослэсь музейемзэс Тепляковлы вузаллям. Со арын ик Н. Е. Тепляков интыям аслэсьтыз крестьянъёссэ басьтэм музейемаз, Николо-Тепляки гуртлы инъет сётыса (туала с. Тепляки) (76 пиосмурт душъёс, 27

юрт). Виль гуртлэн улийзгес Асав шуре пунктэмын вьлэм ву вуко. Озы ик та помещик со музьем вьлын поташ⁷ лэсьтон завод но пунктэм (Сахратуллин. 1999. С. 50). Помещик но башкыртъёс удмуртъёсты уल्याны кутскилям. Удмуртъёслэн верамзыя, “Ми, пе, башкыртъёсын ёош кутэм огкыля, соослы арлы быдэ котькудйз юртысь тыром вал витътон коньы, выжъёсты вьльдылом вал, озы ик подводъёсын ветлом вал. 1791-тй ар дорозь башкыртъёсын ёош, нокиче но ченгешонъёстэк, нюлэсэн но бусыен кузёяськом вал. Но берло дыре башкыртъёс уг лэзё ни милемлы нюлэсэз вутйськон но вузан понна кораны, лэземын юртын кулэлык понна гинэ кулэяськыны. Турын турнам но нюлэскысь кёс пу корам понна ёем гинэ вуыло уксё юаса. Пудооссэс милям музьемамы нулдыны кутскизы. Соос, озы карыса, милемыз начармон калэ вуттйзы» (Сахратуллин. 1999. С. 50). Асавтамакын но Асавбашын улийсьёс музьемзэс куштыса кёчоно луиллям. Соос кылдытйлям виль Асавтамак, Асавка но Алтау гуртъёсты.

1822-тй арын музьемез Н. Е. Тепляковлы вузан шонертэмен лядьямын вьлэм. Помещик жожтйськон гожтэтаз тазы гожтэ: “Сенатлэн 4-тй департаментэзлэн эскеремезья, мынам ичкиелан башкыртъёслэсь музьемзэс басьтонэ шонертэмен лядьямын вал. Соин йырин мыным косэмын нюлэсэз коранлэсь дугдыны но поташ заводлэсь ужзэ дугдытыны. Мынам малпаменя, таёе ужпум мынэсьтым дворян данлыкме кулэстэ, 1785-тй арын дворянъёсыя кутэм грамоталы но уг тупа. Ичкиелан волостысь музьемез мон дунэн басьтэм вал 1809-тй арын 22-тй феврале но 1811-тй арын 15-тй декабре. 1811-тй арын ик мон Тепляково сельцое улыны интыяй крестьянъёсты. Азыло та музьем вьлын улийсь Асафтамак но Асафбашево гуртъёсысь удмуртъёс 12 ар талэсь азыло кёчыса та волосте ик мукет интыяз пуксизы”. Собрере ни Тепляков аслэсьтыз данлыксэ возматэ. “Краснокутский господинлэн музьемаз мынам юрттэмья, пе, из черк пунктэмын. Таин та шаерын православиез юнматйм, мукет вёсе пырись калыкъёс пёлын евангели дышетонэз вёлмытыны кутским”⁸ (Сахратуллин. 1999. С. 49). Ваньзэ тае эскерем беразы Тепляковлы та интыын улыны лэзиллям, нош удмуртъёслы – виль интыюсазы. Озыен,

⁷ Поташ – жуатэм нюлэслэн пеньысьтыз пияла лэсьтыны поттэм материал.

⁸ Вераськон мынэ 1822 арын Красный Холмын вутэм черк сярись (со та дырозь утиськемын). Татын уло вьлэм Краснокутский помещиклэн крестьянъёсыз.

музъем понна ченгешон Асавтамакысь но Асавбашысь удмуртьёсты асьсэ улон интызэс воштон калэ вуттэм.

Возьматом 1839 – 1842-тй аръёсын удмуртьёслэсь пайдаяськон музъемъёссылэсь паськытлыкэс⁹.

Гурт	Пиосмурт душъёс	Музъемзылэн паськытлыкэз (десятина)
Байшадина	118	2850
Алтаева	100	1100
Асавтамакова	51	850
Тазларова	258	2200
Бикзянова	116	3400
Мамады	110	2300
Курзина	40	1980

Таблица адзиськом, огаз гуртьёсын музъем уг тырмы, нош мукетъёс аз – со тырмыт. Кылсярысь, Киссалась 258 пиосмурт душъёслы 2200 дес. музъем усе вылэм, нош Курзиысь 40 душъёслы – 1980 дес. Уно музъемзы вылэм озыы ик пельгаослэн, мамдыослэн, байшадыослэн.

1790-тй арын тептярьёслэсь кылдытэмын вылэм казак полк, 1798-тй арын – кыкетйез. Полкъёсын быдэн 500 мурт луэм. Тептярьёслы, полкын служить карем сяна, отчы сётъяно вылэм на вальёс но дйськут. 1804-тй арын тептярьёслы косэмын вылэм та полкъёсты утён понна уксё тырыны. Та тыриськонлэн быдзалаез котькудйз душлы ассигнациосын 2 манет но 21 коньы вылэм, нош 1819-тй арын со ассигнациосын 3 манетозь вуттэмын вылэм. Полкъёсы ожгарчиосты (казакъёсты) люкаллям черодэн. Служить карыны кулэ вылэм 15 ар. Вань тептярьёс люкемын вылэм 99 командалы. Байшадыысь, Алтауысь, Асавтамакысь удмуртьёсты пыртйллям 20-тй тептярь командае, нош Киссалан, Пельгалан, Мамдыын, Воткурзиын улйсьёсты – 27-тй командае. 1835-тй арын тептярь полкъёсты быдтйллям. Тептярьёслы косэмын вылэм арлы быдэ 150 рекрут люканы. Гурт калык рекрут ке өз висья, тыроно вылэм со понна душлы быдэ 60 коньы. 1855-тй арысен тептярьёс служить карыны кутскиллям Башкиро-мещеряцкой войскоын. Та вакытэ командаослы люконэз быдтйллям ни. Со интые соос шедиллям башкырт кантонъёсы. Кылсярысь, Кисса гурт пыртэмын вылэм 14-тй башкырт кантонлэн 3-тй юртаяз, кудаз озыы ик пыриллям на Виль но Вуж Тазларъёсын, Чишма-Бурайын, Мустафаын, Дусметын,

⁹ Лыдыямын (Малоизученные источники... . С. 139 – 147).

Утяганын улйсьёс (ЦГИА РБ. Ф. 138. Оп. 2. Д. 744. Л. 130). Та дырысен тептярьёсты пыртйллям башкырт сословие, соосты “башкирец” шуыса нулдыны кутскиллям.

Удмуртъёс, башкыртъёслы оброк тырон сяна (1832 арозь), 1632-тй арысен казнае ясак но тыриллям. Вань кун кагазьёсын соос пыртэмын вылэм ясашной сословие. 1 - 4-тй калык ревизиослэн сказкаосазы (1722, 1744, 1762, 1782 аръёс) удмуртъёс “ясашные вотяки” шуыса пусъемын. 1747-тй арын юртлы быдэ октйськись ясак воштйськем душлы быдэ октйськись налоген (та тыриськонлэсь но нимзэ ясак шуыса ик кельтйллям). 1790-тй арысен удмуртъёс тептярь сословие пыриллям, соку кылдытэмын вылэм тептярь полк. 5-тй (1795 ар) ревизиысен 9-тйез (1850 ар) дорозь соосты “из вотяков тептяри” шуыса гождьяллям. Нош 10-тй (1859 ар) ревизилэн материалъёсаз удмуртъёс “башкирец” шуыса нимамын. Кызы гождтймы ни, та воштйськон кылдэ 1855-тй арысен тептярьёсты Башкиро-мещеряцкой войское пыртонэн. Нош 1863-тй арын тептярь но башкырт сословиосты быдтйллям. Табере ини соосты быдэс Россиысь вань гурт калыкез кадь ик “свободной сельской обыватель” шуыса нималлям (Садиков. 1996. С. 44). Та дырысен удмуртъёс эрико кун крестьяньёс луиллям, казнае соос тыроно вылэм душлы быдэ 2 манет но 41 коньы.

1865-тй арын башкыртъёслэн выжы (родовой) волостьёссы, кудъёсыз пöлы пыриллям Ельдяк, Тазлар, Ичкиелан, Ирэкты волостьёс но, быдтэмын вылэм. Соос интые кылдытйллям улосвыло (территориальной) волостьёс, кудъёсыз утиськиллям 1930-тй ар дорозь. Пельга но Мамды пыриллям Бирск уездьсь Бурай волосте, Кисса, Сарсаз, Алтау – Ваньш-Алпаут волосте, Воткурзи – Калмык волосте, Байшады, Асавтамак – Никольск волосте. Волостьёс люкиськиллям на сельской обществоослы. Кылсярысь, Кисса пьрем Вуж Тазлар сельской общество.

ШУГ-СЕКЫТЪЭС НО ШУМПОТОНЪЭС ПЫР

Башкир шаерлэн улосвылаз тырмыт музъем вань былэм ке но, озьы ик зуч вӧсьлэсь но мозмыны луоно ке былэм, татын чѐм гинэ ожмаськон тыл гомаллям. Башкыртъѐс — туж эрикын улыны тыршись калык. Кун соослэсь эриксэс пичи ке но кулэстыны турттэ ке былэм, соку ик бугыръяськон пуромылэм. Куддыръя тептяръѐс (соос пӧлын удмуртъѐс но) та бугыръяськонъѐсы пыриськыллѐмтэ, нош чѐм гинэ соос башкыртъѐсын артэ но луыллѐм. Со сѧна, дырын-дырын асьсэос но бугыръяськон жутыны быгатыллѐм. Нырысетѧез сѧчѐ тептярь бугыръяськон ортчем 1747-тѧ арын, кудѧз кутскем юртлы быдэ октоно ясакез душлы быдэ октоноеныз воштонэн йырин. Оса дорогаын та бугыръяськон туж зол ортчем. Отчы удмуртъѐс но мылыськыдысь пыриськиллям. Бугыръяськисѧсты зѧбломьтон понна эксэѧ кункивалтэт башкыртъѐслы юрттѧськыны вазиськылэм. Кылсярысь, Тазлар волостылэн старшинаезлы Бекей Апачевлы та уже пыриськемез понна сабля кузьмамын былэм (Витевский. И. И. Неплюев и Оренбургский край... . 1897. С. 437).

1773 — 1775-тѧ арѧсын ортчем одѧгез туж золэз крестьян ожмаськон — Пугачевлэн бугыръяськонэз. Отчы пыриськем гуртъѐс пӧлын пусьемын Асавбаш, Асау, Кисса, Воткурзи. Озьы ик возьматэмын Атаево, Биждиева, Сариблеуово удмурт гуртъѐс но (Крестьянская война... . 1975. С. 284). Валаны луэ, та гуртъѐслэн нимѧссы шонертэм гожтэмын шуыса. Атаево — Алтаево былэм, дыр, (1811 арлэсь азьло ик ке со кылдэм), Биждиева — Бикзянова, нош Сариблеуово — Савалеево яке Байшады. Кылсярысь, Байшадысь куд-ог пересѧс тодо на вераны, та гуртысьѧ Пугачевлэн бугыръяськоназ пыриськиллям былэм шуыса.

1774-тѧ арын 22-тѧ июньын Емельян Пугачевлэн полководецез Бахтияр Канкаев вань та гуртъѧсьы удмуртъѧслэн старшиназылы Ишкиня Уразовлы но мукет старшинаослы ожгарчиосты люкан понна косонкыл (приказ) сѧтэм. Отын косэмын, Сарапулэ ожветлон понна юртлы быдэ одѧг пиосмуртэз басытоно шуыса. Нош юртын куинь пиосмурт ке, кыксэ басытыны косэмын былэм (Документы ставки Е. И. Пугачева... . 1975. С. 316).

Вылѧын возьматэм гуртъѧс пӧлысь Киссалан улѧсьѧслэн гинэ та бугыръяськонэ пыриськемзы югдытэмын со дырысь кагазѧсын. Мукет гуртъѧсья соос шедьтэмын ѧвӧл на.

“Крестьянская война 1773 – 1775 гг. на территории Башкирии” сборникын печатламын Кисса палан 1774-тй арын август но сентябрь толэзьёсын ортчем учырѐс сярысь ивортйсь документ. Со – Кулуй Балтачев но Шарып Кииков старшинаослэн, карательной отрядэн кивалтйсьёсызлэн, Уфа провинцилэн канцелярияз лэзем рапортсы (Крестьянская война... . 1975. С. 228-229). 1774-тй арын 28-тй августын карательной отряд, кудйныз кивалтйллям Кулуй Балтачев, Шарып Кииков но поручик Иван Яворский, потэм бугыряськисьёсты зйбломьтон пумысен Ангасяк заводьсь. Со сюрес кутэм Вотская Кчия (Кисса) гуртэ, отын улйсьёсылэн өтемзья. Нош та отрядлэн вуоназ Киссалан нокин но кылымтэ ни вылэм, ваньзы пегзиллям. Карательёс ыстйллям Танып тупалась гуртѐсы асьсэлэсь муртѐссэс мар луэмзэ эскерыны. Соос, берытскемзы бере вераллям, Танып перевоз¹⁰ вöзын, пе, кудйз Кусеярово (Кисса) гуртлэсь улйынгес, сопал ярдурысен бугыряськисьёс тазы кесясько: ”Ми 400-лы, 500-лы матынгес”. Озы ик ыстэм муртѐс вераллям на, Танып тапалась бугыряськонлэсь куштйськемѐсты кышкатыса, соос нош ик асьсэлэн отрядѐсазы калык люкало шуыса. Öz ке кылдйське, гуртѐссэс сутонэн кышкатыллям. Танып перевозэ люкаськемѐс куриллям, пе, карательёслэн кивалтйсьёсынызы пумиськыны. Соос ик 31-тй августын карательёслы гожтэт ыстйллям, кудаз куриллям соосты таралыны, асьсэ вöсьысь калыклы пумит мынонтэм понна. Гожтэтазы но куриллям кивалтйсьёсын пумиськыны. Со понна, пе, ми Танып перевоз дорын но люкаським, Чишма-Бурае но лэзимы, пе, вал асьме муртѐсты, тйлесьтыд отындэс тодыса, нош тй милемын пумиськыны мылкыд уд кариське. Кулуй Балтачев, сое татын юри пöяса возё но асьсэос, карательёс, татын дыръя Ангасяк заводэ мыныны туртто, дыр, шуыса, берен со заводэ берытскем. Нылетй сентябрьын гожтэм мукетаз рапортаз Кулуй Балтачев ивортэм: Бурай-Чишма гурт вöзын, пе, люкаськемын 700-лы матэ бугыряськисьёс. Та рапортъя, тапала ыстэмын вылэм эксэй ожгарчиос, кудѐсыз бугыряськонэз зйбиллям (Садиков. Кисса гурт... . 2000. № 15).

Нош ик оgez башкыртѐслэн но тептярѐслэн бугыряськонзы ортчем 1835-тй арын. Кункивалтэт косэмья, гуртѐсын вутыны кулэ вылэм ю амбарѐс (хлебозаготовительный магазин). Соослэсь чертѐжьёссэс башкыртѐс но тептярѐс христиан черкѐслэн планѐссы кожаса, соосты христиан вöсе

¹⁰ Киссалэн улйязгес вань Таныпез коласа выжыны луон инты.

чукындырыны туртто шуыса малпаллям. Пумитъяськон кутскем Пермь губернилэн Кунгур уездаз, собере вӧлмем Оренбург губернилэн Бирск уездаз но. Отчы удмуртъёс но пыриськиллям.

Тодмо историклэн, П. Н. Лупповлэн, та бугыръяськонэ удмуртъёслэн пыриськемзылы юри сйзем статьяез вань (Луппов. 1936. С. 102-119). Эскероно удмурт гуртъёс пӧлысь татчы но Киссалан улйсьёс шедиллям. 1835-тӥ арын гужем Бирскысь земской исправник Лепковский тептярь командаослы ю амбаръёс вутон сярысь ивортонэн потэм. Котькудаз командаын сое тушмонэз кадъ пумиталлям. 12-тӥ июлын Лепковский вуэм Тугай гуртэ. Татчы люкаськемын былэм 23-тӥ командаысь тептярьёс. Пумиталлям сое бодыосын, номыр верамезлы но оскымтэзы. Тугайысь муллалы ю амбар вутонлэсь кулэлыксэ калыклы валэктыны косыса, Лепковский кошкем 27-тӥ командае. Та командаысь тептярьёс люкаськемын былэм Вотское Тазларово (Кисса) гуртэ (татын, озьыен, луыны кулэ вал Пельгалан, Мамдыын но Воткурзиын улйсьёс но). Жыт пал, старшинаез но куинь сотникъёсты ӧтбыса, Лепковский калык азе вераськыны потэм. Но калык солэн кылъёсыныз соглаш луымтэ, урод кылъёс черекъяса, соос таралйллям. Їуказезяз Ӈукна (13 июле) калык зырӇёсын гуртлэн пумаз бусые люкаськем, татчы ик вуиллям 25-тӥ но 28-тӥ командаосысь Вуж но Выль Дюртюкейысь, Вуж но Выль Кизганысь, Сейтекысь поръёс но бигеръёс. Земской исправник люкаськем калык доры ыстэм старшинаез но сотникъёсты. Нош люкаськемъёс, виёнэн кышкатыса, соосты вӧзазы лэзьымтэзы. “Эксэйлэсь косэмъёссэ тодэммы уг поты, кулон но Сибирь милемыз уг кышкаты” шуыса, кесяськиллям люкаськемъёс. Исправник кошкыны дасяськыку Шамитдин Шафиев, кудйз дорын со кӧлэм, но Пельгалась Кулуй Кутуев калыкез Ш. Шафиевлэн коркаез доры ӧтиллям. Соос, корка пушкы пырыса, Лепковскиез жугыны туртто былэм. Но, исправниклэн аслаз верамезья, сое кулонлэсь утем Кӧйгуртысь Тугай Ишманов гинэ. Татысен Лепковский кошкем 25-тӥ командаысь Кизган гуртэ. Со сӇӇры ик та гуртэ вуиллям Киссала люкаськемъёс но. Соос Кизганэ люкаськемъёсты но исправниклэсь кылъёссэ кылдйськонтэмлы куриллям. Бугыръяськисъёсты зибломытон понна Бирск уездэ лэземын былэм военной команда, кудйныз кивалтэм генерал-майор Циолковский. Та бугыръяськон зйбемын былэм. Отчы туж мылкыдысь пыриськемъёсты суд бере Сибире улыны келяллям яке солдатэ сӇтиллям (Садиков. Кисса гурт... . 2000. № 16).

Кызыбы верамы ни, удмуртъёс тептярь полкъёсын, рекрутын, Башкир-мещеряк войскоын служить карылыллям шуыса. Кудогез соос пöлысь шедьылыллям Зуч кунэн нуиськись ожмаськонъёсы но. Кылсярьсь, тептярьёслэн полкъёссы 1812-тй арын французёслы пумит оже но пыриськиллям.

18-тй даурлэн пумаз удмурт гуртъёсы пырыса ортчыллям кык тодмо тодосчиос Н. П. Рычков но П. С. Паллас. 1770-тй арын Танып дурысь удмурт гуртъёсын луэм зуч сюресчи Н. П. Рычков. Аслаз “Журнал, или дневные записки путешествия капитана Рыčkова по разным провинциям Российского государства в 1769 и 1770 годах” книгаез со гожтэм удмуртъёслэн улоссы но пöртэм сям-нергеоссы сярсь. Со лы материал тодосчи люкам та гуртъёсысь. Огез солэн луэм гуртэз вылэм Пельга. Солэн сюресаз та нырысетйез удмурт гурт вылэм. Та сярсь со тазы пусье: “первая вотская деревня называлась Бикся...” (Рычков. 1770. С. 154).

1773-тй арын март толэзын Ксиере (Кисса) но Бигдзянэ (Пельга) пырыса ортчем академик П. С. Паллас, кудйз вырем Россилэсь пöртэм улосвыльёссэ но отын уйсь калыкъёсты эскеронэн. 1778-тй арын потэмын солэн “Путешествие по разным провинциям Российской империи” книгаез. “Танып шуылэн паллян ярдуртйз уно бигер но пор гуртъёсты ортчыса, – гожтэ со, – дугдймы удмуртъёс доры Ксиере”. Татын уло, пе, чукынымтэ удмуртъёс. П. С. Паллас та гуртэ вуонэ вань киссаос кудземын вылыллям¹¹. Озы ик со гожтэ на, удмуртъёс, пе, юон дыръязы уг но керето, уг но жугисько вылэм шуыса. Кöня ке дыр Кисса гуртын кыллем бераз, вальёссэ воштыса, со нош ик сюрес вылэ потэм. Бигер но пор гурт вöзти ортчыса, сюресчи Бигдзянэ вуэм уйин. Бурайысен со Таныплэн бур пал ярдураз выжем, собере нош ик дугдэм удмурт Качак гуртэ (Паллас. 1786. С. 26-27). Сюресэз солэн татй ортчем Сибирьсь Санкт-Петербурге бертыкуз.

19-тй даурлэн пумаз удмуртъёслэн улонзы интыяз пуксем шуыны луэ: нокыче бугырьяськонъёс но ожъёс улыны люкетылыллямтэ та дыръёсы.

20-тй даурлэн кутсконэз но номыр уг вера азыпалан курадзонъёс сярсь. Улон мынэм аслаз радэныз. 1917-тй арын орчмытэм сельскохозяйственной переписья Бирск уездысь удмуртъёс, мукет калыкъёсын чöшатыса, узыргес уйлыллям. Кылсярьсь, 10 десятиналэсь уно музеймем удмурт улосъёс 9,5 % люкасько

¹¹ П. С. Паллас Быдзынал юмшанэ шедем, дыр.

вылэм (чошатэ: порьёс – 6,8 %, башкыртъёс – 6,7 %, мишаръёс – 5,8 %, бигерьёс – 5,2 %, нош зучъёс – 12,8 %) (Роднов. 1997. С. 14). Нош озьы ке но, таиз даур возъматыны кутскем аслэсьтыз лек сямъёссэ.

1914-тй арын кутскем Нырысетй быдэс дунне ожмаськон. Кылсарысь, Киссалась та жугиськонлэн ож бусыосаз 10 мурт бырыны шедем (Садиков. Кисса гурт... . 2000. № 17).

Улонэз зуркатытэм 1917-тй ар. Февраль толэзын эксэяз куштэм бере Россиын кутскем граждан кунлык вутон. Октябрь толэзын нош та ужез таркалям: кун властез киултйлям большевикъёс. Соослэн лыктонэнызы ик кутскем граждан ожмаськон. Туала Бурай ёрослэн но улосвылаз со туж зырдыт ортчем. Со сярись верало пересьёс. Граждан ож калыкез туж курадзон калэ вуттэм. Со сярись вераськон мынэм Нырысетй Мари-вотской съездын но, кудйз ортчем Уфаын 1919-тй арын 26-тй ноябрьсен 1-тй декабрыз. Бурай волостьысь делегатлэн верамезья, калыклы тодыос туж бадзын ыштонъёс ваиллям. Уг тырмо, пе, нюлэс материалъёс, шодиське музейем тырмымтэлык но. Мукетыз делегат жождтйськем Бурай гуртысь башкыртъёс вылэ: 36 ар талэсь азыло, пе, Мамды калыклэсь 2900 десятина музейемзэс Бурай башкыртъёслы люкыса сётйлям, соослы со 15 иськемлы кыдёкын ке но. Люкем музейем бурайёс кузёяськиллямтэ, нош мамдыослэн 900 десятина музейемзы гинэ кылем, кудйз соослы туж ожыт вылэм. Ваньш-Алпаут волостылэн делегатэз ивортэм, Волисполкомын коммунист ячейкаос өвөл ке но, контрреволюционной выронъёс уг шодисько шуыса. Калыклы кулэ, пе, нюлэс материалъёс (ЦГИА РБ. Ф. 107. Оп. 3. Д. 28. Л. 1).

1922-тй арын Уфа губерниез пырто Башкир Автономной Советской Социалистической Республикае, кудйз кылдытэмын вал 1919-тй арын. Туала Бурай ёрослэн улосвылэз соку пырем БАССР-лэн Бирск кантоназ. Нош Бурай ёросэз кылдытйлям 1930-тй арын 20-тй августын.

Граждан ож дугдэм бере асьме кунын кутске Виль экономической политика (нэп). Прозразверстка, кудйзья крестьянлэсь вань бюджетэм юзэ кун быдэсак кадь басьтэ вылэм, воштйськем продналоген. Таизлэн быдзалаез крестьянъёслы азыпаласен ик ивортйське вылэм. Та вакытэ крестьян улос кужмояны кутскем. Нош та ужлы йылпумьяськыны И. В. Сталинлэн кивалтон сямъёсыз эрик сётымтэзы: 1929-тй арысен гурт калыкез кужмысь колхозъёсы пыртылыны кутскиллям. Колхозэ пырон улонэз начармытэм гинэ. Колхозчиослы уг

сѣтъяло вылэм паспорт, соин соос нокытчы но мукет интые вырзыны быгатїллямтэ. Озыен, эксэй дыръя но эркын улэм удмуртѣс, колхозэ пырем беразы вашкала крепостной крестьянѣс выллем луиллям. Уноезлэн узыр но шоро-куспо уїсьѣслэн улоссы быдэсак таркамын вылэм, асьсэзэс соосты кулак карыса, пѳртэм лагерѣсы лэзьылїллям. Тани мар вераз милемлы Дзулэкэнысь кулаке шедем нылкышно: “Милемыз кулак карызы. Первой кутсаськон машинаез басьтїзы, собере – тѳлїськон машинаез. Вить валэз басьтїзы, чуньюсын чош. Скалэз, ыжѣсыз но озыы ик нуыса кошкизы. Ваче коркамес Казанцове нуизы, амбарез – Кырзѳе. Ми миньчоазыын кыллимь. Сьѳд миньчо вал. Отчы гыдыса тылдїськом вал. Мынам азвесь тэнкэосын сыргае вань вал. Сое нбыль пуд сезылы воштїм. Атаез таралэмлэсь азыло ик нуыса кошкизы. Брае нуиллям вал, отїсен Алкиное вал кадь. Мон инаен но бэлэкэй екеен кыли. Баччын абзи зана потэм вал”.

1941-тї арын гурт калык вылэ усе нош ик одїгез тужгес но шимес курадзѳн – фашист Германиен ожмаськон. Соку гуртѣсы нылкышноос но пиналѣс гинэ кылиллям. Уноез жугиськоньсь берытскилїятэ ни. Жугиськон бере удмуртѣс, мукет калыкѣс выллем ик, нош ик улонэз пыд йылаз пуктыны кутскиллям.

1960 – 80-тї арѣсын удмуртѣс но мылысь-кыдысь колхозѣсын ужало. Колхозчиослэн улонзы умояны кутске. Со вакытэ гуртѣсын вуто клубѣс, медпунктѣс, магазинѣс. Тросаз гуртѣсын ужало школаос, кудѣсаз дышетѳ удмурт кылэз но.

Та дыре ик нош коммунизм но интернационализм идеологиосты вѳлмытон улсын уноез удмурт сямѣс, удмурт вѳсь но калык тодон-валанѣс кулэтэмен лыдьяськыны кутско. Школаосын Инмарез ѳвѳлэн лыдьян вылэктон ужѣс нуыло, вѳсь ортчытыны вырїсьѣсты ултїяло но санамысь дугдо.

1990-тї арѣсысен улон воштїськемен удмурт сямѣс нош ик улзыны кутско. 1992-тї арын 20-тї июнын Киссалан бурай удмуртѣс орчыто асьсэлэсь фестивальзэс. Со сїземын луэ та гуртлы 270 ар тырмемлы (ѳхмэдишин. 1992). 1995-тї арын 10-тї июнын та выллем ик фестиваль орчѳ Мамды гуртын (Латїйпова. 1995).

Бурай ѳросын ужа Республикаысь удмуртѣслэн национально-культурной центрзылэн локетэз (тѳроез М. К. Тазетдинов, Кисса гуртысь школалэн директорез).

КАЛЫКЛЭН УЛОСЭЗ

Удмуртгёс – вашкала дырысен ю будэтонэн вырись калык. Соослэн улоссы музейем ужанэн туж юн герзаськемын. Со сярись верало, кылсярысь, куриьсконгёс. Соослэсь текстгёссэс чошатйм ке, адзиськом – ваньмаз но туж бадзын инты басьтэ Инмарлы музейем ужанын капчилык но шуд сётыны курыса вазиськон. “Ей, Инмаре! Кизем зюосыз-нянгёсыз далтытысалэд ке, Инмаре. Камыж куроен бадпу кадь, кызыпу кадь пушйытысалэд ке, узыёс кадь кисьматысалэд ке. Вить чиньыен кизем зюэз-нянез, дас чиньыен октыны шуд-бургёс сётысалэд ке, Инмаре...” – тазы сюлмысь вазиськыллйлям Инмарлы киссаос (Садиков. Удмурт вöськылгёс... 2000). Куриьсконгёсын бадзым инты висьямын пудо вордонлы но, кудйз удмурт улосын ю будэтон бере кыкетй интыын луэм. Кылсярысь, алтауёс тазы вазиськыллйлям Инмарлы асьсэ куриьсконгёсказы: “Кыре-лудэ потэм пудоосмес тыр-таза карса улон берекетгёстэ сётса ке улысалыд, мусо Кылчинэ, тани. Гидэ сйзбыл пырон дыразы ог пумзэ люкмесысен карыса егинчизэ гидлэн капка дораз карытозь улон берекетгёстэ сётса улысалыд ке, югыт зеч Инмаре, тани. Пудоос таза мед луозы шуыса куриьскеммес кабыл карса улысалыд ке, югыт, зеч Инмаре, тани” (Гребина. 1994. 51 б.). Та куриьсконгёсысь валаськом, кыгё бадзым инты басьто вылэм ю будэтон но пудо вордон асьме калыклэн улоназ шуыса.

18-тй даурын асьме палан луыкуз Н. П. Рычков тазы гождям удмуртгёс сярись: “Узырлыксы соослэн нянен тырмытэм кеносгёс, мушгёс но пудо вордон, кудгёсыз котьку но тырмыт, соин ик вузало пöртэм каргёсы но заводгёсы” (Рычков. 1770. С. 164). Озы ик та автор пусье на: “Музейем ужез яратон калыкгёслэн данлыксы ке луэ, вотякгёс (удмуртгёс – авт.) соин зэм ик дангьяськыны быгато: мон шонерак верасько, Россия кунын мукет калык öвöl ни, кудйз чошатскыны быгатоз соосын ужез яратонэн” (Рычков. 1770. С. 163).

Эскером табере асьме удмуртгёслэсь улос кутон сямгёссэс, солэсь 19-тй даурлэн пумаз – 20-тй даурлэн кутсконаз (гурт улонэз колхоз кылдытонэн таркамлэсь азыло) радгьяськем пöртэмлыкгёссэ.

Улонлэн шорсюлмыз – ю будэтон. Вань гырон музейем куинь бусылы люкиське вылэм, кудгёсаз кизиллям узыым (зег бусы, узыым бусы) яке валэс (чабей бусы, валэс бусы) юосты, яке номыр кизыгётэк бусыез буш кельто вылэм (пар, такыр бусы). Сйзбыл

нош со такыр бусые зег кизё вылэм, кабат араз — валэс юосты. Озы бусыос черодаськиллям.

Асьме удмуртёс кизиллям зег, сезы, вазь, тари, съод чабей, көжы, йыды (зыды), чабей, кенэм, етйн (гетйн). Берло пусьемзэ, етйнэз, кизыны кутскиллям, дыр, 20-тй даурын гинэ: талэсь азыло со сярсы документёс уг верало. Бусые озы ик мертто на вылэм картофка (зыралма, алма, кэрткэ, булгы). Сое асьме палан будэтыны кутскиллям 19-тй даурлэн пумазгес, талэсь азыло картофка интые сяртчы (шартчы) мерттылйллям. Чабейез но йыдыез куд-ог дырёсы гинэ кизыло вылэм. Тужгес но уно будэтоно ю луэм зег: сое кизем анаос самой паськытёсыз луэм. Кылсярысь, киссаос 1912–13-тй арьёсын 455,69 десятина быдзалаё музеймазы 213,35 десятинаяз зег кизиллям, нош 161,16 десятинаяз — сезы, 32,20 — съод чабей, 21,37 — тари, 14,34 — көжы, 8,72 — кенэм, 2,33 — картофка, 1,83 — вазь, 0,39 — етйн. Нош чабей но йыды чик но кизымтэзы соку (Крестьянское хозяйство Уфимской губернии. 1914. С. 1156).

Бусыос люкисько вылэм юртлы быдэ. Музьем люкетёс висьяськиллям пиосмуртёслэсь (душ мужского пола) лыдзэс чотэ басьтыса. Куаын көня пиосмурт душ, со мында ик пайёссы но луыны кулэ вылэм. Пиосмуртёс уно ке - юртлэн анаез но паськытгес луэ вылэм. 1917-тй арын киссаослэн ог пиосмурт душлы висьяське вылэм 3,50 десятина музейем. Кылсярысь, та арын Киссалась огез куалы, кудаз лыдьяське вылэм 4 пиосмурт душ, висьяллям 14,0 десятина музейем. Со сяна, та куа басьтэм на 1 десятина музейем арендае. Соин ик соослэн бусызы 15 десятина луэм. Отысь 3,50 десятинаяз пар улэ кельтэмын вылэм, нош быдэн 5,5-ез - зеген но сезыен киземын, быдэн 0,25-ез — тариен но көжыен (ЦГИА РБ. Ф. 473. Оп. 1. Д. 304, т. 1). Музьем люконэз көня ке арлы огпол ортчыто вылэм.

Гырыны потонлэн дырыз куазен, музейемлэн зечлыкеныз, интылэн выро-гопо яке чөшкыт луэменыз герзаськемын вылэм. Со чөмгес тупаллям апрель толэзе (эскероно дыре юлиан календарь кутйське на вал, кудйз али дырысеныз чөшатыса, 13 суткалы берегес кыле). Гырыны потон дыр сярсы зинын (кенешын) вань гурт калыкен чөш люкаськыса кенешылйллям. Сыче уж борды кутскемлэсь азыло пөртэм вось нергеосты ортчыто вылэм.

19-тй даурлэн пумаз асьме удмуртёс пөртэм гырон тйрлыкёсын (герыюсын) кутйськиллям. Пельгалан кунгуркаосын но сабанёсын гыриллям, дас куа — сохаосын, Мамдыын — сабанёсын, кунгур полусабанёсын но сохаосын, Киссалан — сабанёсын но кунгуркаосын, Сарсазын — кунгуркаосын, Алтауын

— асьсэлэн лэсьтэм сабаньёсынызы, Воткурзиын - кунгуркаосын (Сборник статистических сведений... . 1899. С. 138-260).

Гырем музейемез усыяллям пу пинё усыосын, кудьёссэ асьсэос ик лэсьто былэм. Кизиллям кийн. Кизёно юэз тыро былэм ниньлэсь кутам кизён кудые. Сое калэн пельпум сьөртгй ошыса, юэз кырымен-кырымен басьтыса бусые пазыгаллям. Котькуд пазыгем вадесэ огмындаен ю мед усёз шуыса тыршоно былэм. Кизем бере нош ик со музейемез усыяллям.

Ю будыку но шепаськыку гурт калык секыт бусы ужлэсь пичи ке но ял каре былэм. Та дыре уриськон ужен гинэ выриллям: бусыысь пöртэм жаг будосьёсты кийн ишкаса ветлыса тазартылйлям.

Юэз аран дыр пöсьтолэзьлэн пумаз — гудыри кошконлэн кутсконаз вуэ былэм. Араллям сюрлоосын. Арам юэз культое керттылйлям. Куать-сизьым сьёче культоосты огазе люкаса, пуктосэ кельто былэм. Пöсь куазен юэз пуктосьёсын куасьто былэм. Öжыт куасьмем беразы культоосты чумолёе люкаллям. Араса быдтэм беразы чумолёосты итыме ворттыса бадзын кабаньёсы тыро былэм. Кутсало былэм ваньмыкузы мукет сйзбыл ужьёсты быдтэмзы бере. Кутсан понна культоосты музейем былэ таратыса, соосты кутэсэн йыгаллям. Озы ик кудйзлэн луэм кутсаськон машинаез но. Кутсам бере куроез чумолёяллям, нош юэз бадзым пу куйёсын төлйлям. Тöлэм юэз амбарьёсы ворттылйлям. Ньыр юэз куддырья обиньёсын куасьтылйлям, но чөмгес — муньчобын клашаосын. Юэз изйлям ву вукоосын, нош кеньыр лэсьтон понна кутйськиллям пу яке из кикöосын.

Бакчаосазы мерттылйлям кубиста (кубыста), кешыр, сяртчы (шартчы), сугон. Картофкаез, кызы адзытймы вылйын, бусые мерттылйлям. Пу бакчаоссы луымтэ, но юрт котыразы пöртэм нюлэс емьш пуосты мертто былэм: льöмпу, палэзыпу, шупу, сутэрпу но мукет.

Асьме удмуртьёс, мукет котыр калыкьёс кадь ик, вордйлям вал, скал, ыж, кеч, курег, жазег, чöж. Парсь вордымтэзы. Вал — ужан пудо. Соин быдэсто былэм пöртэм секыт ужьёсты (гырон, секыт арбериосты ворттон но мукет). Узырлыкезлы учкыса, куалэн ог-кык, дас яке солэсь но уно вальёсыз луыны быгатэм. Скал — йöл но сйль сөтйсь пудо. Со муген ик кечьёсты но вордйлям. Нош ыжез сйль, ыжгон но ку понна вордылйлям. Соин ик ыж удмуртьёсты сюдэм но, дйсям но, шуыны луэ. Озы ик тылобурдоосты но сйль понна вордо былэм. Со сяна, пöраськонын туж бадзын инты басьтэм на курегпуз, нош жазег но чöж гонэн лэсьтылйлям миндэрьёсты но шуньт шобретьёсты.

Вордэм пудоосты вöсьын но вöсяллялям. Инмарьёслы курбон карыса сётылйлям валъёсты, скалъёсты, ыжъёсты, ҙазегъёсты но чöжъёсты, нош кулэмъёслы кисьтон ортчытыяку аязы уськытыса курег-атасъёсты вандылйлям.

Гужем пудоез кырын утиллям. Пудо нулдон интылы гурт вöзысьгырыны ярамтэ музьемез быръё вылэм. Пудо уллёез (кыту) (вашкалагес аръёсы пудоез кытуэн-уллёен утиллямтэ – авт.) озы ик такыр бусыын но нулдйлям, турнам бере – возь вылын, арам бере – бусыын. Пудо пыронтэм понна куд-ог бусыос кенерамын вылэм, котькуд урам пуме но кенераса капка пукто вылэм - бусы капка. Котькуд куалы висьяськем бусы кенерлэн ог люкетэз, кудзэ со утыса возыны кулэ вылэм. Кытуэз кыре поттэм бере сое утыны котькуд пудо йыр понна дун тырыса юри муртэ медьяло вылэм (кытыучи). Дун тырем сяна, сое черодэн котькуд куаын сюдо но вылэм.

Толалтэ нош пудоез гидын возиллям. Кытуэз поттэмысь дугдо вылэм бер сйзыл гинэ, куазь кезьдэктэм бере. Толалтэ куазь туж кезыт дыръя куняньёсты, ыжпиосты коркае но пыртало вылэм. Гидъёсты чослэсь яке ньөрлэсь вутылйлям, куроен яке курен липыса. Туж куанеръёслэн гинэ луымтэ коргидъёссы – корлэсь вутэм шуныт гидъёссы.

Тол куазен пудоез троссэгес сюдйлям турынен но куроен. Турынэз дасян вакыт июль толэзылэн нырысетй жыныязгес тупа вылэм. Турналлям кыын, литовка кусоосын. Куасьмем бераз турынен мажтало вылэм пу мажесъёсын бөмъёсы, кудъёссэ бöрсяз чумолёяллям. Турын турнан интылы но быръё вылэмгырыны ярамтэ нюр яке выро-гопо интыосты. Мамдыослэн но бэйшэдыослэн асьсэ турыны тырмымтэ, нош асауёслэн асьсэлэн турын турнан интызы но луымтэ – сое арендае басьто вылэм (Сборник статистических сведений... . 1899. С. 140, 353, 355).

Толатыны трос пудо уг кельто вылэм. Куазь кезьдэктэм бере данаксэ пудоез сйльлы вандо вылэм (али дыре но озы каро). Сйзыл пудо вандон туж шулдыр юмшанлы пöрмылэм: туганъёс ог-огзы доры пудо вандылэмзы бере шыд сиёнэ (сйль сиёнэ) ветлылйлям. Та выллем йылол ышемын öвöл на асьме палан али но .

Та таблицаын возматэмын, көня пудо вордйлям эскерем гуртъёсын 1842-тй арын (Асфандияров. 1994. С. 158-161).

Гурт	Кöня юрт	Вал	Скал	Ыж	Кеч
Пельга	41	250	187	400	150
Кисса	78	540	330	600	200
Алтау	33	140	180	280	140
Асау	40	130	120	170	190
Мамды	40	150	140	300	150

Таблица адзиськом: тужгес но уно пудо вордйллям пельгаос, алтауёс но киссаос. Возматйськом Кисса гуртлэсь 1912-13-тй арьёсын вордоно пудооссылэсь лыдьёссэс (гуртын соку 80 юрт лыдьяськем): ужпиос – 158, вальёс – 118, чуньыос – 32, ошъёс – 5, скальёс – 135, башмакъёс – 43, куняньёс – 99, ыжъёс – 818, кечъёс – 43. Ваньмыз – 1451 йыр пудо (Крестьянское хозяйство... 1914. С. 1155).

Пудо вордон ю будэтйсьёслы сётэм на туж кулэ луись маке – кыед. 19-тй даурлэн пумаз ваньмаз но эскероно гуртъёсын музъемзэс кыедало вылэм ни. Мамдыын кыеданы кутскиллям 1891-тй арысен, нош Воткурзиын та даурлэн 90-тй арьёсызлэн пумысеныз гинэ (Сборник статистических сведений... . 1899. С. 140, 260).

Удмуртъёс вашкала дырысен ик луиллям мушкась калык. Нырысь ик мушъёсты подэмъёсын утё вылэм: со понна юри гыркко вылэм нюлэскысь писпуосты. Сыче пуосы пукто вылэм асьсэлэсь подэм пусъёссэс. 19-тй даурын мушъёсты умортоосын утыны кутскиллям: нырысь – гырккем умортоосын, берлогес – пуллэсь лэсьтэмъёсаз. Н. П. Рычковлэн гоштэмезья, асьме пал удмуртъёс чечызэс (музэс) куддыръя вузало но вылэм. Солэн ик гоштэмезья, Танып дурысь нюлэсьёс туж умоесь, пе, мушканы (Рычков. 1770. С. 155). Куддыръя чечыен музьем понна дун но тыро вылэм, кылсярысь, киссаос.

18-тй даурын, Н. П. Рычковлэн гоштэмезья ик, удмуртъёс нюлэскын гинэ мушкало вылэм. Нош 19-тй даурлэн шораз ини нюлэскын мушкан но умортоын муш утён огкадьгес инты басьтыны кутскиллям. Кылсярысь, 1842-тй арын пельгаослэн 100 умортозы вань вылэм, киссаослэн – 100 умортозы но 80 подэмзы, асауёслэн – 40 умортозы, мамдыослэн – 50 умортозы но 20 подэмзы (Асфандияров. 1994. С. 158-161). Кылем даурлэн кутсконаз муш утён кулэсмен. Кылсярысь, Киссалан 80 куаос пöлысь ньылез гинэ муш утёнэн выриллям, соослэн но 21 гинэ умортозы вылэм (Крестьянское хозяйство... . 1914. С. 1157).

19-тй даурлэн пумаз – 20-тй даурлэн кутсконаз пöйшуран, чорыган, нюлэскан удмурт улосын туж бадзым инты басьтымтэ ни. Нош талэсь азьло соосын уноез выро вылэм. Припускной договоръёсын юри пусйылэмын вылэм, удмуртъёслы «пöртэм пöйшуръёсты кутыны», «чорыганы», «шу но мукет емышъёсты бичаны», «тук октыны» яра шуыса.

Пöртэм налыкъёсын но выосын, пукычъёсын ыбылыса кутыло вылэм коньыосты, сёръёсты, вучайыосты, нардыосты, чöжмеръёсты, юрмегъёсты, чашкыосты, луд кечъёсты, кыр

парсьёсты, быланьёсты, турьёсты, луд чөжьёсты но ҙазегьёсты, сялаосты. Куддыръя кузы понна кутылйллям ҙичьюсты, кионьёсты, баяньёсты, вашкала дыръя – гондырьёсты но.

Азьвыл дырьёсы шурьёсын но тыосын чорыгез уно луэм. Удмуртьёс соосты пөртэм амальёсын кутылйллям: ау но мурдо пуктыса, кыскаса, визнаса. Озыен удмуртьёслэн жөк вылазы чөм гинэ шедьыло вылэм чипей, пая, налым, юш (зыш), горд син но төдь син, карака, горд сон но төдь сон, ляпа но мукет чорыгьёс.

Гурт котырысь нюлэсьёсын но возьёсын нылкышноос бичало но окто вылэм пөртэм емьшгьёс (узы, боры, льём, горд но сьод сутэр, шу, палэзь, эмезь, лыз эмезь, нюрмулы, чия, намер), сиён турыньёсты (кусьтурын, юа, колыс, чысны, узыгумы, сарда, курткушман), пашпу мулы, губиосты (ниньгуби, коньгуби, лйялгуби, вөөгуби но мукет). Нюлэс озы ик сётэм тук, кудйз нянь пыжоньын но сур посьтонын кутйське вылэм, пөртэм эмьюм турыньёсты (пыштурын яке мэтрушкэ, виртурын яке чуж мэтрушкэ но мукет), буёл турыньёсты, нинь, эстон пу но мукетсэ.

Пөртэм вытьёсты тырон понна уксё люканы удмуртьёс медьяськыса но ужало вылэм. 19-тй даурлэн пумаз бурайёслэн бусьюсазы Пельгалась 60 мурт ужам, нуналаз 15 коньы басьтыса. Киссаос бускель волостьёсы ю араны кошкыло вылэм, нош толалтэ куддыръя извозэ медьяськылйллям. Сарсазгьёс сйзьыл но толалтэ пөртэм подённой уже медьяськылйллям, нуналаз соослы 50 коньы тыро вылэм. Алтауёс бусы ужьёсты быдэсьяллям. Асауёс Гоголевлэн заводаз ужаллям. Воткурзиысь 25 мурт тулыс Мордвинов графлэн нюлэсаз бун чёлтонын луиллям, солы толэяз 120 манет дун басьтыса. Нош толалтэ солы ик нюлэс кораса, сое пристане пупилёнэ нулдо вылэм, 80 манет дунэн. Ваньмаз ик гуртьёсын ыжгон туго, гын сапег но гын шляпа лёго вылэм. Алтауёс бусыын медьяськыса ужаса, ыжгон тугыса, кут кутаса араз ог 70 – 80 манет люкало вылэм (Сборник статистических сведений... . 1899. С. 138-355).

Тйни сыче пөртэм ужьёсын вырыса удмуртьёс асьсэзэс сюдйллям-вордйллям.

ЮРТЪЕРКОТЫР

Удмуртъёс вашкала дырысен ини асьсэлэсь гуртъёссэс шуръёс дуре интыяллям. Та сям тупа бурай удмуртъёслы но. Соослэн гуртъёссы интыяськемын Таныпе усись пичи шуръёс дурын: Пельга – Сару дурын, Алтау – Кушады, Воткурзи – Кумъязы, Бэйшэды – Байшады но Варзи, Асавтамак – Ангасяк, Мамды – Мамады но Азяк, Сарсаз – Сарысаз. Нош Кисса интыяськемын Танып шур дурын, солэн тудву вуонтэм интыяз. Гуртэз шур дуре интыян сямез утымытэзы Дэулэкэнэз кылдытйсьёс гинэ: со котырын нокыче шуръёс өвёл. Шуръёс сяна, бурай удмуртъёслэн гуртъёссы котырын уно ошмесъёс, тыос но нюкъяс вань. Ваньмаз ик гуртъёсын шуыны луэ чай юыны но пöраны ву басьто со ошмесъёсысь. Дэулэкэнын но Киссалан гинэ со понна кутйсько гудземъёс. Кисса гуртын юыны ярась ву сётэ вал одйгез гинэ гудземзы, та дыре гудйзы ни кыкетйзэ. Вашкала дыръя юон ву чылкыт тыосысь ворттыло вылэм отын.

Асьме дыре удмурт гуртъёс сыло одйг, кык яке кöня ке ик ульчаослэсь (урамъёслэсь). Но гуртысь юртъёсты ульчаосы радъян сям кылдэ 19-тй даурлэн кыкетй жыныяз гинэ. Талэсь азыло юртъёсты нокыче радтэк пуктылйллям. Сыче сям вöлмемын вылэм ваньмыз калыкъяс пöлын но. Нош 19-тй даурлэн 40-тй аръясаз оренбург генерал-губернаторлэн косэмезъя, вань гуртъёсты ульчаосъя радъяны кутсконо луэм. Жаляса верано луэ, куд-огез гинэ гуртъёслэн вашкала планъёссы утиськемын. Кылсярысь, Кизганбаш гуртлэн 1806-тй арлэн планэзъя адзйськом, та гуртын юртъёс нокыче радтэк пуктылэмын вылэм шуыса (ЦГИА РБ. Ф. 351. Оп. 1. Д. 3997). Нош Киссалэн 1801-тй арын уськытэм планэзъя адзйськом: та гурт со дыре ик ини радъямын вылэм шуыса (ЦГИА РБ. Ф. 351. Оп. 1. Д. 4966). Озы ке но, юртъёс ульча уг кылдыто али: соос интыяськемын одйг радэн гинэ. Та гуртлэн ик 1865-тй арлэн планэз адзйтэ: Кисса та дыре пöрмем ини уно ульчаё бадзым гуртлы (ЦГИА РБ. Ф. 351. Оп. 1. Д. 4022). Воткурзи но 1873-тй арын уськытэм планэзъя ульчаё гурт луэм ни (ЦГИА РБ. Ф. 351. Оп. 1. Д. 3497). Жаляса верано, бурай удмуртъёслэн гуртъёссылэн, Кисса но Воткурзи сяна, планъёссы утиськымтэзы. Мукет камсьөр удмуртъёслэн гуртъёссылэн 19-тй даурлэн кыкетй жыныезлэн планъёсказы но возматэмын ини ульчаё гуртъёс. Али дыре ваньмыз бурай удмуртъёслэн гуртъёссы уно ульчаё, Сарсаз но Дэулэкэн гинэ оген ульчалэсь луо.

Шурлэн виямезья удмурт гурт люкиське куинь паллы. Шурлэн уллапалаз – Уллапал (яке Уллапал урам шуо), выллапалаз – Выллапал яке Ваннапал/Варнапал, соос куспын – Шордйн/Шорзин. Шур люке ке гуртэз кыклы (Пельга, Асау, Байшады), соку висьясько на Тапал но Тупал/Сопал урамъёс. “Пал” кылын возматэ гуртлэсь кыче-ке ог локетсэ. Та кыл кутйське вылэм гуртъёсыз ульчаослы радъямлэсь азыло. Гуртъёс кӧня ке пальёслэсь (яке сыче локетъёслэсь, кудъёссэ пӧрмытйллям ог интыегес пуксем одйг выжыысь (зиньысь) куаослэн юртъёссы) сыло вылэм. Кылсярысь, Мамдыын вань Сюрапалзы. Татын улйллям Сюра воршудысь удмуртъёс. Валаны луэ, та гуртлэн мукет пальёсаз улйллям музонъёсыз воршудъёс шуыса.

Эскером табере гурт нимъёсты. Камсьӧр удмуртъёслэн гурт нимъёссылэн кылдэмзы эскеремын Р. Ш. Насибуллинлэн одйгаз статьяяз (Насибуллин. 1973). Солэн гожтэмезья, Пельга но Кисса гурт нимъёс кылдэмын отын улйсьёслэн Пельга но Кисса воршуд нимъёссыя. Нош Алтау но Сарсаз – бигер кыльёслэсь: Алтай – бигер – “Алты аю” (“куать гондыр”), Сарсаз – бигер – “Сары саз” (“чуж нюр”) (Насибуллин. 1973. С. 310 – 311). Зэм но, Пельга гуртним возматэ татын Пельга воршудысь удмуртъёс уло шуыса. Удмурт шаерын Пельга гуртним чӧм гинэ пумиськылэ: Арвазь-Пельга, Макан-Пельга, Кибек-Пельга, Волипельга, Уйвай-Пельга но мукет (Атаманов. 1977. С. 20). Кисса сярись озьы вераськыны шугенгес. Воршуд нимъёсты пыр-поч эскерись М. Г. Атаманов сыче нимо воршуд сярись нокытын но уг гожты. Но озьы ке но, Кисса воршуд луэм, дыр, шуыса малпаны луэ. Нырысь ик, Татышлы ёросысь Вылй Балтачын вань вылэм “Кисся Миння” куалазы (Кисса но Мӧнья воршудъёслы сйземын вал, дыр, со шуыса малпаны луэ). Нош Калтасы ёросысь Чиндэр гуртын вань Киссапалзы. Отын улйсьёслэн вань вылэм асьсэлэн куалазы, кереметын но соос асьсэ коже гинэ вӧсясько вылэм. Луыны кулэ, Киссапалан Кисса воршудысь удмуртъёс улйллям, дыр (Кисса гуртысь татчы кӧчон сярись номыр но уг вера). Нош та гуртлэн ик Уллапалаз улйллям пельгаос. Соослэн но асьсэлэн намаз куалазы луэм. Со сяна, киссаос асьсэос но мукет воршуд (зин) нимъёсты уг верало. Соин малпаны луэ, Кисса гуртним воршуд нимлэсь пӧрмем, дыр, шуыса. Гурт кылдон сярись мадӧсын вераськон мынэ Кысса пересь сярись. Солэсь нимзэ гуртлы но понйллям, пе. Луыны кулэ, Кысса пересьлэн нимыз но возматэ вылэм, дыр, солэсь воршуд выжыезлэсь нимзэ.

Пельгалэн но Киссалэн вань на официальной нимбёссы: Бикзян (Бикжэн, Бикзэн) но Касиярово (Касияр, Ксияр). А. З. Асфандияровлэн гожтэмезья, Бикзян аяди нимлэсь кылдэмын (Асфандияров. 1994. С. 158). Касияр гурт ним сярэсь тазы вераны луэ: тазы нимазы гуртэз тазлар башкыртбёс, татын кылйське – “ар” яке – “яр” кыллюкет. Азьвыл (куд-ог интыосын али но) башкыртбёс “ар, арлар” шуыса нимало вылэм удмуртбёсты. Луыны кулэ, гуртним возматэ “Кисса удмуртбёс” шуэмез. Гурт калыклэн малпамезья, Касияр пөрмем, пе, башкырт кылын “киче/кисе ар” шуэмлэсь – “пичи удмурт”, малы ке шуоно нырысетйез татчы вуэм удмурт пичи мугорбем, пе, вылэм. Малпаны луэ, Касияр инты нимлэсь но кылдэм, дыр, шуыса. Таныплэсь ог ярзэ, куд палагес интыяськем Кисса, “киче яр” – “пичи яр” шуыса нулдйлям, дыр. Яке тазы но валэктыны луэ: гурт вёзын вань Таныпез коласа выжон инты. Башкырт кылын сыңе интыосты “кисеу” – “вамен потон” (зуч кылын: “брод, переезд”) шуыса нимало. Та кыл вёзы “яр” кыллюкетэз ватсамы ке, пөрме “кисеу яр” – “шурез коласа выжон интылэн ярдурез”. Малпаны луэ, та инты гурт кылдэмлэсь но азьло тодмо вал, дыр, шуыса. Соин сэрэн, татчы гурт кылдэм бере солы но та интылэсь нимзэ понйзы, дыр. Берпуметйез версия, милям малпаммыя, тужгес но оскымонэз.

Кисса гуртэз 19-тй даурын Вотское Тазларово но шуыса нулдйлям, яке удмурт сямен Удмурт Тазлар (Кисса тазлар башкыртбёслэн музьемазы интыяськемын). Воткурзи (Вотские Курзи) гуртнимез но тазы ик валэктыны луэ – Удмурт Курзи (удмуртбёс интыяськиллям Курзи гуртысь башкыртбёслэн музьемазы). Удмуртбёс та гуртэз Кырзо шуыса нимало. Лингвистбёслэн малпамзыя, “курзи” кыл пермь кыльёсысь (коми, удмурт) луэ, кудбёсаз со валэктэ “сюм” (залив) шуэмез (Асфандияров. 1994. С. 114). Луыны кулэ, та кыл кылем, дыр, башкыртбёслэсь азьвыл татын улэм пермь калыкбёслэсь.

Кызы гожтймы ни, Алтау гуртнимез валэктыны луэ бигер кылысь. Гурт котырын вань, пе, куать жужыт вырйылбёс, кудбёсыз кыдёкысен гондырбёслы тупало. Соин ик гуртлы “куать гондыр” – “алты аю”/“алтаю” шуыса ним понйлям. Мукет валэктонья, нырысь ик татчы куать куаос, пе, интыяськиллям, соин ик бускель бигербёс “алтау” – “куать кузя” шуыса нималлям, пе, соослэсь гуртсэс.

Сарсаз гуртлэсь нимзэ но бигер кылысь – “сарсаз”/сары саз” - “чуж нюр” шуыса берыктыны луэ. Но нырысь ик озы нималлям

татй виясь пичи шурез, собере ини, гурт кылдэм бере, солэсь нимзэ гуртлы но понйллям.

Шурьёсья нимамын мукетъёсыз гуртьёс но: Мамды, Байшады, Асавтамак, Асавбаш. Мамады но Байшады нимъёсын вань “-ды” формантез. Уйшор Башкортостанысь уноез гинэ шурьёслэн нимъёссы таёе кылпумоесь луо. Байшадыын уйлъёслэн верамзья, соослэн гуртазы Шады нимо бай мурт интыяськем, пе, вылэм нырысь ик. Нош Башкириысь гидронимъёсты эскерисъёслэн верамзья, «бай шазы» «узыр (трос вуо) ошмес» шуэмез возматэ. Нош Асавтамак но Асавбаш нимамын Асау (Асавка) шурья. Нырысетйез интыяськемын вылэм солэн пумаз, соин ик Асавтамак (“тамак” – башк.: “шур пум”)¹², кыкетйез интыяськемын вылэм солэн йылаз (“баш” – башк.: “йыл”).

Дэулэкэн нимамын солэн нырысетй уйлъёсыз. 1925-тй арын гурт интые яна потыса пуксем Воткурзиысь Дэули (Давлетхан) нимо мурт, собере ини мукетъёсыз. Гурт ним кылдэм сярысь туж тунсыко вераз отын уйлъёс Мадиева Зифа Галиевна (1913 арын вордскем). Солэн атаезлы одйг пол (гурт кылдэм бере ини) аслаз ужъёсызья волость конторае Калмык гуртэ мыноно луэм. Отын солэсь юаллям, кыёе гуртысь лыктйд шуыса. Нош со мар шуыны ик тодымтэ нырысь. Ог дыр малпамез бере, “Дэулэкэнысь (Давлекановоысь)” шуэм, малы ке, пе, гуртлы Давлетхан нимо мурт инъет сётэм. Со дырысен та гуртэз озьы ниманы кутскиллям.

Гурт сылэ юртъёслэсь. Котькудйз куалэн вань аслаз юртэз. Көнъя куа – сомында ик юрт, со быдза ик гурт. Юртлэн шорсюлмыз – куалэн улон интыез – корка. Со вёзы интыясько на кеносъёс, гидьёс, лапасъёс, мунчоос. Ваньзы соос кылдыто юртъеркотырез. Удмуртъёс башкырт музьеме вуэм дырысенызы 19-тй даурлэн кыкетй жыныез дорожь уйлллям съод коркаосын. Сыёе коркаосын вылэм муръётэм гур. Муръё потэм бере гинэ ини тодь коркаосын улыны кутскиллям. Вашкала коркаослэн кык-куинь гинэ пичи укнооссы луэм, соосты пудо карныкен шобырто вылэм. Липетьёссы самечо (самцовой) луэм, качыостэк (таёе липетьёс утисько али дыре куд-огаз кеносъёсын гинэ на). Липиллям тйрен корам чосэн. Вёлдэтэз но, выжез но кыклы пилем векчи коръёсын вёлдо вылэм. 19-тй даурлэн шорысенызгес съод коркаослэн лыдзы ожитьомыны кутскем, даурлэн пумаз соос уг пусъйисько ни, тодь коркаос гинэ вылэм на. Та дыре ик удмуртъёс

¹² Асавтамакысь удмуртъёс выль интые кочыса но гуртсылы вуж нимзэ ик кельгйллям, вылез гурт Асау шур дуре интыяськымтэ ни ке но.

доры вуэ бычкы: выж но вӧлдэт вӧлдыны, липет липыны со дырысен кутйське ни пилем чос – пул. 19-тй даурлэн пумаз самечо липетъёс воштйськиллям качыосынэзлы, соос луиллям кык но нбыль скатъёсын. Пияла потэмысен укноос бадзымаллям но соослэн лыдзы но будэм.

Удмуртъёс бадзым куаосын (семьяосын) уйллям бере, улон инты но вӧлмыт луыны кулэ вылэм. Соин соос вутылйллям парен (ваче, кашо, кык ёзьем) коркаос: корказен итэм кык нбыль сэрго коркаос. Кык палаз но соослэн луэм гурзы. 19-тй даурлэн пумаз сыӵе коркаос кылиллям на узырьёслэн (байёслэн) гинэ. Соослэн но ог палыз куно пыртон коркалы пӧрмем. Та дыре уноосыз уйллям ини нбыль сэрго коркаосын. Тае валэктыны луэ яна потон сям вӧлмемен. 19-тй даурлэн пумаз – 20-тй даурлэн кутсконаз вутылыны кутскиллям куать сэрго коркаосты но.

Коркапушкын гур интыяськем ӧслэн паллян яке бур палаз. Гур ымез коркалэн шор борддор палаз “учкытйллям”. Гур но борддор куспысь инты – кышнопал, сое азьвыл катанчиен люко вылэм. Гур сэреглы пумит луись сэрег – тӧро шор. Отчы интыяло вылэм жӧкез. Быдэс шор борддор кузя кыстйськем бадзын зус. Берло со кылем на тӧро шорын но кышнопалан гинэ. Ӧслэн мукет палаз (гурлэн урдэсаз) – пыран пал зус яке ӧс дор зус. Тросаз коркаосын ӧс йырийылын гур дорысен мукет борддор дорозь луэм сэндразы, кытын кӧлаллям. Коркапушкез чеберъяло вылэм пӧртэм кашагаосын, кудъёссэ ошылйллям укно йырийылтй борддоръя, гур котыртй, сэндра но зус пумъёсы, мумыкоре. Укно янак вылтй ошылйллям на чалмаос. Озыы ик кышнопалэз люкись катанчи но коркапушлэн чеберманэз луэм. 19-тй даурлэн пумысеныз кийн ужам шкафъёс, койкаос, пуконъёс вӧлмыны кутскиллям.

Юрткутйсьлэн узырлыкеслы учкыса, азбарын сыло вылэм кӧня ке ик кеносьёс. Узырьёслэн луэм нимаз тӧдь (кӧлан) но ю (зю) кеносьёссы, нош куанерьёслэн ог кенос ик луэм кӧлан но ю возен инты. Тӧдь кеносьёсын гужем куазен кӧлаллям быдэ вуэм ныльёс, озыы ик со выль кенлэн но пӧртэм арбери возен интыез луэм. Ю кеносын вышкыосын, дускоосын утыса возиллям изымтэ но изэм юэз, сйлез. Узырьёслэн ю кеносьёссы туж бадзынэсь луэ вылэм, кык пала усьтаськись ӧсьёсын, кудъёссэ амбар шуылйллям.

Озыы ик, узырлыклы учкыса, гидъёс но пӧртэмесь вылэм. Узырьёслэн бадзынэсь, котькудйз пудолы нимаз, гидъёссы луэм. Тужгес но зеч вутылйллям вал гидъёсты. Нош куанерьёслэн - пичиесь, чем гинэ ньӧрлэсь биньыса вутэм гидъёс. Гидъёсты

липиллям куроен, камыжен, курен. Чем дыръя коргидьёссы луймтэен, уноез пинал пудооссэс толалтэ кезытгёсын корказы возиллям.

Гурт улонын мукетыз бадзын инты басытйсь азбар вутос — мунчо (миньчо). 20-тй даурлэн 60 — 70-тй арёсыз дорозь съод мунчоосын пырылйлям, собере гинэ тёдыюсыз вёлмыны кутскем. Та дыре съод мунчоос туж шер пумиськыло. Тылпу потэмлэсь утиськемен, соосты мукет вутосъёслэсь палэнэгес пуктылон амал потэм, куддыръя - бакчаосы. Мунчооссы ваньзылэн луймтэ, соин огаз кык-куинь чыжы-выжы куаос пыриллям.

Бурай удмуртгёслэн ваньмаз гуртгёсазы ог выллем вутйськон радлыкзы но, вутосъёссы но. Озы ке но, куд-ог гуртгёсын вань асьсэлэн аспёртэмлыкгёссы. Кылсярысь, мамдыос коръёс вискы жуй интые горд сюен сура са куро тыро. Азыло соослэн куроен сура са горд сюйлэсь шуккыса вутэм коркаоссы но мунчооссы луэм (сэмэн корка, сэмэн миньчо). Узыргёссы дуно арбериоссэс возён понна кеносъёссэс тёдъ излэсь вудо вылэм (из амбар). Гуртын луэм ог нбыль-вить сыче кеносъёс, та дырозь утиськем оgez гинэ. Байшадзын музьеме гудыса чослэсь вутэм муньчооссы но пумисько вылэм (землянкаос). Дзулэкэнын но Воткурзыин, мукет гуртгёсын чёшатон дыръя, нбыль скатэн липето коркаоссы уногес луэм.

Выль коркан улон шудбуру, узыр, тазалыкен мед луоз шуыса, сое вутыку пёртэм нергеосты утылйлям. Али дыре но тросэз соосты чаклало на. Нырысь ик, корка вутон интыез чылкытато: отын жуато куро. Озы пёртэм периосты уляло. Нырысетй коръёс вискы (тёро сэрег луон интые) ыжгонэн бинялтыса азвесь коньы поныса кельто: коркан шуныт но узыр улон, пе, мед луоз. Тужгес но бадзын саклык висьяське мумыкорез жутонлы. Кылсярысь, Бэйшэдын коркан шуныт мед луоз шуыса, со вылэ тулуп поныса жуто (Христоролюбова. 1995. С. 44). Отын ик мумыкорез жутэм бере кузёез, тулуп дйсьса, ужасъёссэ винаен секта. Сое “тазалыкы, байлыкы” шуыса юо. Киссалан но та ужез йылпумьям бере шутэтскыны пуксё, кузё соосты винаен секта. Озы ик мумыкор улэ төро сэрег палаз ыжгонэн азвесь коньы поныса кельто. Корка сиге суй жутонлэн но аслаз радэз вань. Кылсярысь, Киссалан огпол суй тыризы ке, со вылэ ик кыкетйзэ суй уг тыро ни. Кулэм мурт, пе, луоз. Векчигес ке луиз, со нырысь тыремзэ мукет палагес донгаса, ог интызэ бушато. Отчы яра ни, пе, выльысен суй вёлдыны.

Вылъ коркае потыку но пöртэм сямбёсты чаклалляло. Їукна, мурт адзымтэ дыръя, выль корка пото. Нырысь ик корка пыре пиосмурт: нылкышноослэн “кукзы секыт”, пе, зечлы уз луы. Бэйшэдыын корка пырыку пиосмурт пурт кутыса пыре, нош нылкышно — нянь шумесэн, кудаз луэ вуж коркан котэм ыльнянь. Жöк вылэ жöккышет вöлдыса тыр нянь пукто. Собрере коркан яке азбарын курисько. Корка выль интыын ке вутэмын, көчыкузы ас сьöразы öтө коркакузеез но, “ойдо, ен кылы, мын ми сьöры” шуыса. Со понна ик вуж интыысь выль интые суй но ваё вылэм. Но сое нокинлы но адзытыны уг яра, адзизы ке - выль интыын улон шудтэм луоз, пе.

Кöня ке дыр ортчыса, корка сюан (корка туй) луэ, кытчы öттыло тутанбёсты, вемечиосты но бускельбёсты. Öтем куноос выль коркан улон шудбуно но байлыко мед луоз шуыса, азьло дыръя мумыкоре азвесь коньыосты йыгаса кельто вылэм, нош али огшоры корт уксеез но шукко.

Удмуртбёс пöлын корка вутонэн герзаськем туж вашкала нерге утиськем: гулбеч така вöсян. Корка вутэм бере, көня ке дыр ортчыса, сьöд такаез вöсяло. Со така чылк сьöд, пусйымтэ но пысьтырымтэ луыны кулэ. Доразы сьöд ыжпи ке вордске (ас дорысьсэ гинэ яра вöсяны, дунэн басытэмзэ уг яра), сое юри сюдо но сйзыл вöсяло. Нош доразы вордскем сьöд таказы öз ке луы, сьчө така вордскытозь гулбече пырыса юри сйзисько, “возьма вал вордскытозяз” шуыса.

Гулбеч такаез сизён сярысь бурай удмуртбёс тросэз уг тодо ни. Но азьло, мукет удмуртбёслэн кадь ик, соослэн но озыы луэм. Киссалан гулбеч така вöсян тазы ортчем. Сьöд такаез гулбечын чало вылэм, төро сэрег палагес карыса. Вирзэ юри дасям пичи гопэ виятйллям. Сйлен жук пöзтыса, корка пушкын куриськиллям. Пöзтымтэ йырзэ но пыдбёссэ, лыоссэ, сютьбёссэ төро сэрег улэ гопэ согыса кельто вылэм. Азьвыл Бэйшэдыын но Сарсазын озыы ик гулбечын вандйллям, коркан куриськиллям, лыоссэ нош Лы келянэ нуыса кельто вылэм, берло дыре коркан учогын жуатыны кутскиллям. Мамдыын сьöд такаез чалйллям пудо вандон интыын. Куриськиллям коркан. Лыоссэ гулбече сого вылэм. Та выллемгес ик ортче вылэм гулбеч така вöсян мукет гуртбёсын но. Дзулэкэнын гинэ сое ортчытылымтэзы. Отын улийсьёс верамья, соос та нерге сярысь мукет удмуртбёслэсь кылэмзыя гинэ тодо. Вöсям така сйлез сиыны яра вылэм та юртын улийсьёслы гинэ. Бызем нылмуртлы но сое сиыны уг сөто

вылэм. Нош вöсяськисьлы, мукет куаысь ке со öтемын луиз, юри мукет сйль пöзьто вылэм.

Кинлы сйземын гулбеч така? Коркакузёлы-а яке кинлы ке мукет макелы-а? Пересьёслэн верамзыя, со сйземын гулбечын уйсь Гулбеч такалы. Куддыръя, пе, со выжез но борддорьёсты лекаса коркан уйсьёсты кышкатэ. Со лекъяськонтэм понна солы така вöсяло, пе.

Та нергеез нош пыр-поч эскерид ке, валаны луэ - со сйземын Му-Кылчинлы. Съод тусо пудо, солэсь йырзэ, пыдъёссэ, лыоссэ, сютьёссэ, вирзэ музьеме согон – таёе сямъёс возъматэ Му-Кылчинэз сйламеэ. Та нергеез ортчытыса удмуртьёс музьем кузёлы – Му-Кылчинлы корка инты понна дун “тыризы”, дыр, шуыса малпаны луэ. Таёе малпанэ ик вуттэ Киссалась Нуриева Зулькайда Мухамедьяновналэн (1905 арын вордскем) тазы верамез: “Виль коркаез вуж корка интйе вутйд ке, вились така öд ке но ванды жара”.

Мамдыын та выллем ик нерге ортчыллям гид вутэм беразы но. Пудо вандон интыын вандыллям така (тöдэз но яра, пе). Азбаразы куриьскиллям, аязы кызыпу вай бышкалтыса. Вöсям сйлез асьсэ куаенызы гинэ сииллям. Такалэсь йырызлэсь но пыдъёсызлэсь лыоссэ гидлэн ог сэрегаз согыса кельто вылэм, “гидкузёлы вöсяським, лыоссэ татчы чоктаськом” шуыса.

Озыен, пöртэм нергеосты ортчытыса, удмуртьёс малпазы, асьсэлэсь улонзэс шудбуно но узырлыко карыны луэ шуыса. Али дыре унозэ соосты тросэз мурт уг тоды ни. Но корка вутыкузы, кирпичлэсьсэ ке но, тöро сэрег но мумыкор улэ али но ыжгонэн азвесь коньы поныса кельто.

Юртъерлы сйзем люкетын эскерытэк кельтыны уг луы куалаез но. Вашкала дыръя (19 даурлэн шоръёсыз дорожь) камсьöр удмуртьёслэн котькудаз но юртазы луэм асьсэлэн покчи куалаоссы. Отын вöсяськиллям нимаз куаос гинэ. 20-тй даурлэн кутсконаз соос вань юртъёсын кылымтэзы ни. Покчи куалаосты та дырысен öз вутылэ ни, куриьскизы пу бакчаын яке азбарын кыёе ке ог чылкыт интыяз гинэ. Нош баджым куалаос, кытын куриьско вал ог жинэ/воршудэ пыриьсь вань куаос, утиьскизы 20-тй даурлэн кутсконаз но. Совето власть дыръя соос куашкаллязы, пумысен öз выльдйське ни. Та дыре эскероно гуртъёсын утиьскемын одйг куала гинэ, Мамдыын. Но отын но уг куриьско ни. Гуртын көня воршуд луэм – сомында ик куалаос но луэм:

Мамдыын — 4 (кыкезлэн интызы гинэ тодмо, огез интые пуллэсь будка пуктйллям, нбылетйез та дорозь утиськем, воршуд нимьёссы тодмо өвөл), Пельгалан — 2 (нимьёссы тодмо өвөл, луыны кулэ, огез Пельга воршудлэн), Алтауын — 5. Ялалов Шарифгали Шарафиевичлэн (1928 арын вордскем) верамезья, Алтауын «вить-куать куала луэм, али витьлы кылемын. Интыосыз вань. Ог куалаын изьёсыз кылиллям. Какся зинэ мон ачим ветлйсько. Уллапал зин, Шорзин, Ваннапал зин. Быдза зин но вань, но соос куалазылэсь пенъзэ вайымтэзы татчы. Нош ик огез вань, но созэ уг тодйськы. Мон пичи дыръя ик өвөл ни вал зыртэз». Бэйшэдыын вылэм 4 куала: Пельга, Чудза, Можга но Ташкечу зиньёслэн. Али соослэсь кытын луэм интызэс гинэ тодо на. Ваньзы но ошмес дуре интыямын вылэм. Киссалан луэм одйг гинэ куала, мукетьёсыз сярись пересьёс уг тодо ни. Асауын көня куала луэм сярись но та дыре тодйсьёс өвөл ни. Дэулэкэнын Мадиева Зифа Галиевналэн верамезья, “Куала эвэл вал. Кырзёын дыръя луэм бугай но, татчы өз ни вильдэлэ”. Сарсазёс но Киссалась көчемзы бере гуртазы асьсэлы нимаз куала вутымтэзы ни.

Мамдыысь утиськем куала — нбыль сэрго пичигес гинэ вутос, выжтэм, вөлдэттэм, укнотэм. Липетыз — качыен. Но вашкала дыръя куалаослэн липетсы самечо вылэм. Куала пушкын луэм излэсь тыласькон инты, зус, жөк. Ог борддораз — жажы (кана). Куалаосты вуго вылэм вөсясьлэн (куала утисьлэн) азбараз.

Гуртьёслэсь вылтуссэс воштйз колхозьёсты кылдытон. Бадзым гуртьёсын вутыны кутскизы пудо вордон фермаос, вал гидьёс, амбарьёс. Берло дыре соосты вутон материал но пулэсь шлакобетонэн но кирпичен воштйське. Гуртьёсын жутскизы школа, клуб, библиотека, мудпункт юртьёс.

Та дыре уноез гуртьёс вильмо. Вуж коркаос интые вутыло жужыт, чебер виль коркаос. Уноез соос кирпичлэсь пуктылэмын.

ДЫР-ВАКЫТ

Пичи дырысен асьмеды дышетйзы, “удмуртъёс тазы каро но удмуртъёс озы уг каро” шуыса. Пöртэм киужъёслы, сиён-юон пöранъёслы, ку кытын мар понна тау карыны но асьмемес кызы возыны дышетйзы анай-атай но чужанай, чужатай, песяй но персятай. Мар понна Инмарез гажаны но чыжы-выжы кусыпъёсты утыны валэктйзы нуналлы быдэ сямен.

Котьмар но пичияклы ке но дугдылыны быгатэ, дыр-вакыт гинэ бызе но бызе, азыпала но азыпала вамыштэ, кутсконзэ но солэсь тодыны уд вала, пумызлэсь но кытынзэ-кузэ уд тоды.

Марин нош дырлэсь кузьдалазэ асьмеос мертаськом?

Туннэ нуналэ котькин но час шоры учкыса сое лыдъяны тырше. Кöня час дырыз ортчиз ни вордйськем нуналлэн, нош кöня час кылемын на жытозь но уйшорозь? Асьмеос озы чот басьтйськом дырлы, со сярысь туж мур малпаськытэк ик. Малы уд, пе, - дышемын ук озы карыны. Мукет лыдьян сяммы — нуналэн-нуналэн: арня вордйськем дырысен кöня нунал ортчиз ни, шуиськом асьмеос, арня пумозь кöня кылемын? Нош арняен лыд басьтйськом толэзылэн кузьдалазэ, толэзен — арлэн люкетъёсызлы. Эшшо но йыр поромон мудрон арлэсь кузьдалазэ чотлан. Али дыре со но секыт öвöл ни — календаръёс котькычөосыз но вань. Отын ваньмыз возьматэмын: толэзез но, арняез но, нуналэз но, шунды жужан-пуксён дырыз но, толэзь вордйськон-тырон вакытэз но.

Азыло дыре нош улон мукет сяменгес кулэ каре вылэм дыр сярысь валанэз. Музьем уж но пудо вордон асьсэ сямен валэктонъёсты но тодонъёсты куриллям пудо утись-вордйсьлэсь но ю-нянь будэтйсьлэсь. Музьем тырмыт шунамлэсь азьвыл гырид-кизид ке, солэсь кидыссэ но возьманэз öвöл. Кидысэз нырысьсэ вырзйтон нунал но чотласа шонер быръемез луыны кулэ вылэм. Нош пудоез тулыс кыре возьманы поттон нунал огшоры-а ма? Кин поттоз аслэсьтыз скал-ыжзэ секыт я алама нуналэ кыре утыны? Пудолэсь арлыдзэ но ас сяменаз верало. Нокинлэсь уд кылы “скаллы сөня арес ни” шуэмез, валась мурт вералоз “сөня пол куням скал” шуыса. Корка пушкын но ас куаес выжыяд дырлэсь кузьдалазэ веран сямъёс вань. “Гурысь нянь пыжыса потытозь” шуиськом трос учыръёсы. Яке вож нылпи сярысь: “нонлэсь куштйськытозь” яке “ас пыдыныз ветлыны кутскем бераз”. Сояз но, таяз но верам кылын дыр-

вакыт сярысь чотэз вань. Тужгес но кузен шөдйське адымилэн сюресэзлэн кузьдалаез — улон гымыр.

Вакчияк эскероме али дыр-вакытья радьяськем тодон-валантьёсыз, сямьёсыз но йылолтьёсыз.

Визьмо мурт котькуд вордйськись нуналэз аспонназ куриьскон кыльёссэ вераса пумита но көлыны выдыкуз нуналлэн зечкын ортчемезлы тау каре. Нуналлэн аслаз ог-огзэ герзась зозьёсыз вань, соку бадзын куараен но уг верасько, олокыче ужьёс борды но уг кутско, шыпытгес кариськыны тыршо. Сыче зозьёсыз тужгес но синйылтымонтьёсыз луо чукна шунды жужаса потон дыр, лымшор, акшан вакыт, уйшор. Дырлэсь та зозьёссэ чакласькытэк валась мурт сыче-таче уж борды ноку уз кутскылы. Кылсярысь, шунды жужаса инме жутскыны кутскем бере гинэ кыче ке уж борды кутскыны луэ. Лымшоре, шунды выльйын, йыр вадьсын дырья, вуэн но вырыны уг яра, уjlэсь но дугдйськоно. Нош акшанэ вашкала дырья киужьёссэс ик куштыса пичияк шутэтскыса басьто вылэм. Акшан бере педло кылыны ик дйсьтонтэм кышкыт пичи нылпиослы, йыртэм кион я акшан кунян потэмлэсь кышкаса. Вуэз нош пыртыны но, поттыны но уг лэзё ни соку. Кышкатэк син азе ик пуктыны уд дйсьты уйшорез — вань зин-пэриослэн урмыса ветлон дырзы. Мурьё зюшкаосыз огзэ кельтытэк ворсало со дыре котькуд коркан, алама пэриос пырыны медаз быгатэ шуыса.

Арня куспын но озы ик вань аспонназ секыт нуналтьёсыз но, капчиосыз но. Пуксёнэ, вирнуналэ но көснуналэ нокин уз кутскы кулэ уж борды. Нош вордйськонэз, арня жытэз но базарез зеч но капчи нунал шуиськом. Тужгес но нимаз выльйын ветлэ арнянунал — со куриьскон нунал. Арня жытаз нош котькудйз кулэм пересьёсты сйлась мурт соослэн аязы уськытэ, быгатэмяз табань уськытэ я пёра-пыжиське.

Кыче чакласькыса улоно бакча-бусы ужьёс вань дырья толэзь вордйськон но тырон нуналтьёслэсь. Вазьгес ке но карид, берегес ке но кылид — номырид уз далты ни.

Арлэн туж тодмоесь луись зозьёсыз: гужем нунал пукон но толалтэ нунал пукон вакытьёс. Сйзыл но тулыс озы ик уй но нунал ог кузьда луон дыр сярысь тодэ вайытэк кельтыны уг луы.

Дырен герзаськем яке дырысь-дыре вашкала дырысен юнматэм йылолтьёсыз эскероме книгамылэн мукетаз люкетаз. Куд-огьёсыз соос али но туж выльйын ветло, троссэ нош пыраклы вунэтьськеммы ни, чем дырья мййюс но уг тодо ни яке пичиен-пичиен мар но со гинэ вераны быгато на со сярысь.

ИНМАРЕЗ ТОДАМЫ ВОЗЁМЕ

Инмарлы (асьмеос Иммерлы шуиськом) оскон сярись вераськоно ке, асьме пал удмуртьёслэн олокыче аспөртэмлыксы өвөл шуыны луоз. Котькуд адями улонэз но дунеез валаны но тодыны кутске аслаз анай-атай юртаз, чыжы-выжыосыз пöлын. Соин ик трос гинэ ас зинэнызы кутыса возён йылольёс чакласькыса возиськиллям азьвыл. Али но соос ваньмыз сямен асьме улонамы пумиськыло на, куд-ог интыын туж зол но узыр, кудйз вылй-вылйгес гинэ ортчытылэ сыче макеосты.

Котькин чукналы быдэ көлон интыысьтыз султыкуз “өстэ” шуыса вырзе, вордиськись нуналэз пумитаса но со нунал зеч мед орчоз шуыса куриьске. Мисьтаськемезлэсь азьвыл сиён борды уг йөтскылы. Сиськыкуз но Инмарлы вазиськыса куриьскыса сииське, көтсэ тырем бере тау карон кылъёс вера.

Оскон тужгес но шөдскымон возматйське пөртэм асьме йылольёсыз утыса возёнэн герзаськем ужпумъёсты орчытыян дырьёсы.

Котькуд адями ас понназ мар ке но кариз, кызы ке но өз возы Инмарен кусып, мукетъёслы со туж тодмо уг луы. Нош быдэс гурт калыкен чош ортчись вöсьёс но куриьсконъёс дыръя валамон адзиське котькинлэн со сярись тодэм-валамез солэн кызы но мар выремезья.

Умойгес луоз, дыр, котькуд асьме ёросысь гуртьёсын ортчись йылольёс сярись вакчияк гожтймы ке. Котькуд гуртын ваньмыз огкадь вылымтэ азьвыл но, али но.

Вань татчы гожтэмъёс гурт калыкъёслэн верамъёссы. Соиз но вань: ноку но быдэс гуртын улйсь калык ваньзэ ог выллем уг лэсьты, котькудйзлэн кыче ке но аспөртэмлыкез вань, соин сэрен та гуртьёсын улйсьёс быгато малпаны, мае ке но янгыш гожтэмын татчы шуыса но. Таچه пөртэмлыкъёслэн мугъёссы но пөртэм. Кудйз та дыре таяз яке мукетаз гуртын улйсь мурт но яке палэнысь лыктэмын, яке мукет интыын кытын ке кошкыса улэмын луыны быгатэ, соин солэн верамъёсыз но пөртэмесьгес. Куд-огез аслэсьтыз куке но кытысь ке кылэмзэ я адземзэ но ас дораз но лэсьтыны кутске, дыр орчемья со сямлы ик берытске, нош мукетъёс со сярись чик тодытэк но быгато. Зэмзэ ке верано, соиз но, таиз но туж тунсыко но кулэ асьмелы, малы ке шуоно тазы асьмеос трогес тодыны быгатйськом котыр улонмы, ог-огмы но асьме сярись ик, асьме ужъёсмы но мукетъёслэн быдэстылэм-карылэм ужъёссы сярись но мургес малпаськыны кутскиськом,

азьпалаз кызы умойгес но шонергес луысал меда шуыса юан пуктйськом.

Тазы гождэмен уг поты верам, озы я мукет сямен карид ке, умойгес яке уродгес луэ шуыса, котькин быгатэ котьмае ас мылкыдызья быдэстыны, сое лэсьтэмлэсь мукетъёслы уродэз гинэ медаз лу.

Вакчияк гождомы, кыче пöртэмлыкъёссы асьме гуртъёсмылэн та ласянь, кудаз мар вань но кудаз öвöл.

Али дыре пöртэм вöсьёсты нимаз-нимаз ортчытон сям каллен вуныса мынэ асьме гуртъёсын. Тросаз гуртъёсын гужем огпол ортчйтйське огъя вöсь. Нош көня ке дас ар талэсь азьвыл но трос пöртэмъёсыз куриьсконъёс но вöсяськонъёс луыло на вылэм, котькудйзлэн ас мугез но ас ортчытон вакытэз. Тужгес но вылийын но бадзймын ветлэм Быдзйым вöсь, кудзэ ортчйтйллям гужем, нош толалтэ - Тол вöсь. Трос пудо но тылобурдо вöсяса куриьскылйллям соку быдэс гуртэн.

Мамдыын гужем Быдзйым вöсе, толалтэ Тол вöсе кадь ик, вöсяллям пар эазег я кык ыж. Вöсям интыын ик пöзьтыса куриьскем сиёнэз доразы нуиллям но котькудйз ас дораз вань куаосыныз ёш сием.

Бэйшэдыын Быдзйым вöсь Ардаш шурлэн Уэрие (Варзи шуре) усён дураз ортче вылэм. Вöсь жытэ вить-куать кузя вöсяськисъёс но парчасъёс, соослы юрттйсь егит нылъёс мынозы вылэм вöсяськон интые. Соос отын ёкнаозь вöсяськон интыез но вöсян пудоосты утыса потйллям. Нош лымшорозь калык лыктонэ вöсян пудоосты вандыса, сйль но жук пöзьтыса дасяны кулэ вылэм. Вöсяськыны Сарсазысь муртъёс но лыктйллям. Куриьскисылэн куараез Сарсаз нюлэсэ ик жангыраса кылйське вылэм. Куриьскемзы но сиемзы бере вань луэм лыоссэ кудые тырыса гырлыюсын пар вальёсы пуксьыса Лы келянэ нуозы но кырвон кыз улэ гуаса кельтозы вылэм. Собере шулдыръяськыны кутскиллям: кырзаны-эктыны, шудыны-серекъяны. Валэн ворттылон но луэ вылэм соку, вормисъёслы та арын бызем вилькенакъёс юри со понна каем-пужьям бамкышетъёс кузьмало вылэм. Тол вöсе ёуж чуны вöсяллям урамын. Куриьскон сиёнэз отын ик пöзьтыса куриьскемзы бере доразы вайыса сие вылэм.

Асауын Быдзйым вöсьсы гуртсылэн лымшор но шунды пуксён пал пумаз кызулын луэ вылэм.

Алтауэн Киссалан но ортчйтйллям Быдзйым вöсез.

Туж сйлы орччыто вылэм Куалае пыронэз но Лудэ (Кереметэ) пыронэз. Кылсярысь, Бэйшэдыын ныйль Куалаос вылэм: Можга зинлэн, Чудза зинлэн, Пельга зинлэн но Ташкечу зинлэн.

Толалтэ нунал пуконэ но гужем нунал пуконэ чуж чунбы вöсян каро вылэм. Котькудйз зин выжыысь калык одйг нуналэ аслаз вöсяськон интыяз чуж чунбы вöсям. Можга выжыысьёс шунды жужан палась ошмес дуре люкасько вылэм, Чудзаос – Гурезьыл ошмес дуре, Пельга выжыысьёс – Бэйшэдурын (Байшады шур дурын), Ташкечу зинысьёс – гуртлэн шунды жужанэн лымшор пал пумаз.

Со сяна, Бэйшэдыын, гуртлэн лымшор палаз бусыын, Керемет но вань на. Гуртысь пиосмуртьёс куриьскиллям отын. 1960-тй аръёс бере отчы быдэс гурт калыкен чош пыраллянтэ ни, куд-ог адями оген гинэ ас понназ мыныса зүгесь поныса бертэ вылэм отысь. Кереметэ пырон понна куарнянь пыжыса дасяло вылэм. Пиосмурт-воргоронзы öз ке луы, кышномуртьёслы но мыныны луэ вылэм. Котькудйз басытэм сьöраз ошмес вуэн миськыса азвесь уксё Кереметэ зүгесь поныны шуыса. Вöсяны ваем куарнянез куриькись пиосмуртьёс котькуд семьялэсь нимаз вöсяса сөтйллям, сое котькудйз берен дораз ваем но асьсэ кожазы гинэ сииллям. Та сярись вераз Ризванова Мензарифа Байдиевна (1918 арын вордскемын).

Алтауын пиосмуртьёс гинэ пыро вылэм Лудэ, вöсяллям төдь ыж я така, азвесь конбы уксё поно вылэм. Луд, пе, сыче урод, солы зйян карид ке, со зйян каре тыныд, шуыса валэктйз Ялалов Шарифгали Шарафиевич (1928 арын вордскемын).

Секыт висёнъёслэсь утиськыса, Киссалан но пиосмуртьёс пыро вылэм Лудэ.

Тужгес но шулдырьяськонъёсын но кунояськонъёсын ортчыто вылэм Вöйез. Мукет гуртысь туганъёссэс куное öтыса, Вöйез ортчытыны дасяськыса улйллям. Вöй табань пыжо вылэм котькуд семьяын. Вазь чукна ик коркась корка пыраса кема көлйсьёсты лымые куяса ветло туннэ нуналэ но: та нуналэ кема ке изид, быдэс ар азьтэм луод, шуо. Бэйшэдыын Вöйе кема изись вилькенакъёсыз миндэрен ик потто вылэм: асьсэзэс лымые куштйллям, миндэръёссэс – корка липет йылэ. Нуназе егит муртьёс, валэн чебермам дрожкаосы пуксьыса, синмаськем нылъёссэс валэн нулдо вылэм. Котькуд гуртын көня ке арнялы вазьгес ик Вöй гурезь дасяса улйллям, отын арня чоже нискылаллям пинальёс: салазкиен, тэрысэн, вал дöдыен но. Вашкалагес дырья пересьёс но пото вылэм Вöй гурезе. Нош со сяна, асьсэ азбаразы ке но нискылало вылэм кышномуртьёс черсон кубоен, таяз арын пыш мед далтоз шуыса. Öтем куноос куиньметй нуналаз кошко вылэм доразы бертыса, соосты бусы капкаозь вань гурт калыкен келяса мынозы вылэм, шулдыр

карыса мизканъёсын шудыса но кырзаса. Ог арня ортчыса Вöй келян луэм.

Азыло дыре эшшо но паймымон шулдыр ортче вылэм Быдзынал. Али но Быдзыналэз кемаласен ик дасясыкыса возьманы кутско асьме гуртъёсын: кызы, пе, уд – Быдзынал сыче бадзымез курыскон, кыче шумпотон дыр со пичиослы но.

Тросэз Быдзыналэн герзаськем сямьёс али но утиськыса возисько на. Быдзыналэ котькуд семьяын корка пушьёсын но юртьерьёсын тазарьясько. Кулон потон жытэ чукнаысен ик палэнысь нюлэскысь бадпу ньөр вайыса, гуртысь зин-периосты уल्या ветлйлям азыло. Сыче сямез бербачык, верва кисьтыр я пучиньöрен шыдон шуиллям. Али куд-огез гинэ пучиньöр вайыны ветлэ. Та нуналэ ик мунчо пырыса юртьерез кортэн котыртыса көлыны выдо, зин-периослэсь утиськыса. Чюказеяз, кулон потонэ, вазь чукна ик тыл вылтй тэтчало али дыре но тросаз гуртъёсын. Ошмес вулы мыно. Азыло дыре котькуд гуртын бусы капка дурын тыпутыл потто вылэм, со тылэз котькудйз дораз вайыса гурзэ кенжытэм, собере табань пыжиллям кулэмьёслэн азязы уськытыса. Та нуналэ табань али но ваньзы пыжо на азязы уськытон понна.

Вашкала дыръя Быдзынал курысконэз ортчыто вылэм арня нунал, али дыре – базар нунал, яке зуч арняе. Соку чукнаысен ик пичиос ветло гурт кузя курегпуз бичаса, собере нюлэскы мыно шудыны, курегпуз питырьяны. Быдзынал дорозь куазь гыдыряз ке, курегпуз питырьяны уг яра ни. Озы ик – бусы ужьёсы потэм бере ке тупаз Быдзынал, уг питырьяло ни курегпуз. Мöйыос ас чыжы-выжыосынызы чошен кариськыса курыскыса ветло. Курысконлы шуыса эазег но жук пöзyto. Ог арня ортчыса Быдзынал келян каро.

Татын ваньзэ Быдзыналлэсь кызы ортчемзэ гожтон интые чектэммы потэ лыдзыны, мар вералязы со сярись милям вераськем адямиосмы. Ваньзылэсь но вераськем кылзэс воштытэк сётиськом:

"Верба кисьтыр. Чукна ик мыно ньöрлы, кенере, капкае зыгаса ветло пичиос, нильёс но пиос"(Алтау).

"Быдзыналлэсь азьвыл пучиньöр вайыса "Верва кисьтыр, верва кисьтыр!" шуыса, кесясыкыса ветло гурт кузя зыгаса". (Мамды).

"Вир ныналэ пучиньöр вайыса пыно но акшан дыръя зин-пэриосыз уल्या ветло. Соку кырзало "Их-у! Арысь лыктэм ар нынал! Бербачык! Бербачык" шуыса. Со ньöрьёссэс гурт пумын выж пуме куяло. Собере

обине лыктыса кабанйсь куро кыскало: трос зюо шеп ке потйз, вуоно ар зуняньёс далтозы, буш ке, - уз далты". (Бэйшэды).

"Кулон потон жыт кулэмьёс медаз лыктэ шуыса, палэзыпу, кызлыс тыро". (Алтау).

"Кулон потон жыт вир нынал луэ. Уазь чукна зыж вылтй мыныса палэзыпу вай ваё. Сое сыће интыиь ваёно, кытчы уг кылйськы атаслэн чорьямез. Сое жыт уань интые тыро: гидэ но, кеносэ, капка зылэ, гыдзем дуре, ос зылэ, укно дурьёсы, мурьё зюшкае, чиньы кузьдаесь чогылыса сырлало но калэн чыртые ошо, кие блэзик интые, пудоослэн чыртыязы ошъяло, жазегёслэн. Миньчо пырыса потэм бере бертйсь кулэмьёслы отчы веньык но одйк кобы ву кельто, миньчо мед пырозы шуса. Собрере зыртэз кортэн котырто, зин-пэриос медаз пырелэ шуса. Изыны выдыкы изён интыез но кортэн котырто, со кортэз изыкылы миндэр улэ поно. Акшан дырья кулэмьёс бертыны кутско, пе, сокы. Сое адземед ке потйз, пыж пыртй шай пала учкиськод, озьы адзисько, пе, соос. Но со пыж пыртй учкись муртэз со арын кулоз, шуо. Бертод на, кулйд ке, огшоры кыл индэ со тйни, медаз утчаське шуыса. Чукаяз - кулон потон, сокы пиосмуртьёс бусы капка дуре виль тыл вайыны мыно, тыпу тыл. Со тылэн гур есто, уань со палэзы нёрьёсыз люкаса гурын жуато, табань пыжыса азяз уськытыса сиё. Уазь чукна, пеймытйсен ик, куро вылтй тэтчало "Таза кар!" шуыса, солы толло жытаз ик куро нушкаса ваё. Ошмесйсь самой первой мед луом шуыса уазь ик ву ваё, со вуэн мисьтасько, пёрало со нынал. Уашкала сяин чук миньчо но пыро эй күдйз. Виро карыса атас вандыса соин шыд пёзто. Со нынал лымбыт трос ужано, ато залкау луиськод. Вир поттйськом шуыса пудоослэсь пельёссэс вандыло". (Бэйшэды).

"Быдзынал жыт корка-корказьёсыз нош ик миськыло, зэмныято. Жыт миньчо пыро Быдзыналлы шуыса, уань дйсьёсыз вошъяло, чылкыт дйсьяско. Собрере нянь кото, табань. Сугон көмен курегпуз буяло. Быдзыналэз орчтыны зесь изыса мед султомы шуыса выдо изыны". (Бэйшэды).

"Быдзынал жыт минчо пыро." (Мамды).

"Изян дасяса кельто пушказ (Иммэр бабай) пуз мед поноз шуыса". (Мамды).

Быдзыналэз возьмаса көлыны выдыкузы тазыы куриськыса выдо:

"Остэ, Бадзын Иммаре-кылчинэ, зесь уйдэ сёт изыны. Ен кушты монэ, шумпотыса тазалыкен султыны мед гожтоз чукае Быдзыналэз пумитаны. Бадзын Иммаре! Остэ".

Чукна султэм беразы таће кыльёс вераса курисько:

"*Өстэ, Бадзын Иммарэ-кылчинэ, зесь кар, виль вапуме потйськом, шумпотыса тазалыкен Быдзыналэз ортытыны сёт. Котыр ласянь зесь кар, Бадзын Иммарэ-кылчинэ*".

"*Быдзынал дырья курисько лымшор бере азбаре потыса, лымшыр пала учкыса. Костюмен, кыске бамкышет керттыса, зыре изыы, куке огшоры кутчанэн. Жок вылэ кышномурт жук вайыса пуктэ но, сое кузё тодь бамкышетэ "өстэ Иммэре" шуыса басытэ но жөкез шундыя котыртыса педло куриськыны потэ. Куриськонэз тазыы: "Өстэ Иммэре-кылчинэ, аришь лыктэм Быдзыналэз куриськыськом. Иммэр-кылчин, таза кар. Омин!" (кунь пол зыбырттйськод изыез бур кие кутыса, паллян кийн жук луэ). "Өстэ Иммэре-кылчинэ, кышкыт зорьёсыдлэсь, тылпуосыдлэсь сакла, зуняньёсыз далтыты. Омин!" (кунь пол, озыы ик). "Өстэ Иммэре-кылчинэ, гид тырос пелё гоньёстэ сёт. Уаньмес но таза кар. Иммэре-кылчинэ, уаньзэ вераны уг тодйськы, кылемзэ ачид тодод индэ. Омин!" (кунь пол). Собере корка пырыса жукез жок вылэ пуктэ. Нош ик нянен потыса куриськыса пыре, нянь вылэ пичи гынэ вөй поныса. Со кыльёсыз ик вера. Со нянен вөйез уаньзы өстэ карыса верьяло но собере - жукез. А первой ик кузё ачиз нянез но жукез верья, собере солэн кышноез, собере кыноёс султыса өстэ карыса верьяло" (Гарейшин Василий Надырович, 1942 арын вордскемын, Бэйшэды).*

"*Быдзыналын пыро вал куалае. Куала интые али но мыно нянь нуыса куриськыны. Уксё но куяло*". (Мамды).

"*Асьсэ зинэн куриськыса ветло. Куалае кор пилиськемаз коньы поныса кельто Быдзынал дырья*". (Мамды).

"*Быдзыналэз куиньмой каро вал. Базар нунал каро вал первый Быдзын куриськон. Кыктетй нуналэ - уг ужало. Куиньметйяз нуналэ - зал, вина зуо. Куриськон нунал уг зуо. Быдзыналлы сур пöзьто али но*". (Мамды).

"*Быдзынал дырья пыро вылэм куалае. Огпол шангаен курисько, огпол табанен, вöзас сурен пото. Али но озыы курисько*". (Пельга).

"*Быдзыналэ өтчаса жук сиыны ветло. Табань пыжо. 2-3 часьёсы куалае мыно. Отчы кык пичи нянь нуо, вөй, сур. Огзэ нянез отын ик сиё, кыкетйзэ доре ваё сиыны. Тылдйсько отын. Али но сыскыен егыр поттыса вөй жуато отын*". (Алтау).

"*Быдзынал дырья курегпуз питырьяло. Бусы уже потйзы ке сочож, уг питырато ни. Кытын нырись ик ожо потэ, отчы мыно курегпуз питыратыны. Жытпал, ужьёсийсь бертэм бере. Басмалэсь питрес туп лесьто, соин питырьяло. Ог рэдэ тыро курегпуз. Со рэдлэн кыкпал дураз 5 метырлы кузёкегес султо шьдйсьёс. Шьдйсьёс но курегпуз рэд куспын кыкпалтйз но быдэн кунь гож лесьто. Питыртэм туп зөтйз ке пузьёс вискы, дурисьёссэ поно матэ карыса. Туп зөтэм курегпузэз басытыса мыно. Кык пуз ке кылиз,*

кыкетйез гож сьӧры султо шыдйсьӧс, одйг пуз ке кылиз - матйсез гож сьӧры". (Пельга).

"Быдзынал нынал азбарын курисько. Пересь кышномурт ас дораз гынэ куриське, пе. Кунь кузя пото куриськыны - шангаен, сюкасен, жуken. Шангаен курисько Инмарлы, жуken - вӧсьлы, сурен - Лудья Акташлы". (Кисса).

Азыло дырья Быдзынал вакытэ Ошорок зюон луэ вылэм. Соку кышномуртгӧс серемес кариськыса пӧртмаськыса зумшан куй кырзаса но сур юыса гурт кузя ветло вылэм. Куд-ог гуртын егитгӧс но ветлйллям озыы. Ошорок зюонгӧс ортчылыса бырем бере зумшан куй кырзаны ярамтэ ни. Кутско вылэм зумшан куйез кырзаны Вӧйысен.

Азыло дыре зумшан дырья сур юо вылэм, юри зумшан дырьялы шуыса сур пӧзтыса дасяса улйллям.

Кӧня ке нуналскын, Быдзынал куриськонгӧсыз ортчытэм бере, зюон но каро вылэм: зумшан дырья сур гинэ ке юо вылэм, зюон дырья курытсэ юонгӧсты ик юйлйллям

"Ошорог зюон Быдзынал бере, кунь-ниль нынал каремзы бере. Пинальгӧс коркась корка пыраса, азбаразы сур зюыса ветло. Соосыз сектало котькуд коркан. Соос мискэнэн шыдыса кырзаса-ектыса ветло". (Бэйшэды).

"Ошорог зюон дырья пӧртмаськон луэ. Пӧртмаськисгӧс сектаськыса ветло, котькуд пырем корказы соосыз сектало. Дымбыр-шалтыр карыса ветло соос. Берыктэм шуба но изыы изяло". (Бэйшэды).

"Ошорог зюон - карттэм нылкышноос зумшаса ветло. Вина зюо. Пӧртмаськыса, корка пырыса ектыса пото. Пиосмурт дйсь дйсяса, тамак кыскыса. Чиган дйсен. Кӧс лапасын кырзаса екто, зюыса потэм бере". (Кисса).

"Быдзынал келян нунал - Ошорог зюон. Пӧртмаськыса ветло сокы, сур потто. Доразы, азбаре пыраса ветло, кырзало, екто. Мӧйы нылкышногӧс ветло сокы. Пиосгӧс но вылэм. "Шудо мед луоз ар, зю мед далтоз, жӧк вылын нянь мед луоз" шуыса ветлйллям". (Мамды).

Быдзынал дырья куриськон:

"Ӧстэ, Бадзын Инмаре-кылчинэ!

Тулыс виясь вуос кадь

Шулдыр мед уломы.

Тулыс вуэм куаргӧс кадь,

Гӧрласа мед уломы.

Сйзбыл виясь вуос кадь,

Таза мед уломы.

Пудо-животъёсыз таза кар.

Кизем-пальккем зюосыз далтыты.

Шунит-небыт зоръестэ сёт. Омин. (Бэйшэды).

Пөртэм гуртъёсын мар ке но ас сяменаз ортчче, татын гожтэмын со сярсы гинэ, мар веразы милемлы вераськем адямиосмы.

Быдзыналэз келям бере тулыс кисьтон луэ, соку вань калык пöраса-пыжыса кулэмъёслэн аязы уськытэ, пересьёс кисьтон чай юыны öтчало ог-огзэс. Курег я атас вандыса, пöсь шыд каро но пуктйсько. Шай былэ мыныса куяськыса берто.

Тулыс кисьтонэз кичу силёнэ медаз кылы, шуо. Соин сэрен, Быдзыналэн дырыз бергес ке вуиз, кисьтонэз Быдзынал келян нуналэ ик карыны но яра, но сыче дыръя кисьтонлы шуыса выльысь табань кото, нимаз солы шуыса вераса гур эсто яке ватсаса пу поно жуась гуре. Быдзыналэн но кисьтонлэн сиён-юонъёсыз но мукет номыриз сураськыны уг яра.

Музьем гырыны-кизыны вуэм ни-а шуыса тодон понна, мöйы воргоронъёс ана былэ голык кариськыса пуксьыса эскеро былэм. Музьемлэн шунитлыкез тырмыт ке луиз, бусы уже пото былэм. Со понна нош капчи нунал быръёно былэм на.

Тулыс бусы ужъёс кутсконэз но куриськонтэк уг орчыто былэм азьвыл. Нырысетй кизыны дасям ана былэ пыжем курегпуз куяло, сое бичаса сиё, куд интыосын жук но пöзьто на. Вашкала аръёсы со гырем бусые вöйын нянь ныр но курегпуз гуаса кельто былэм, музьем узыр но трос емыш сётйсь мед луоз шуыса.

Гужем нунал пукон вакытэ ортчись куриськонъёс пöлысь оgez, туж тунсыкоез, луэм на Музьем вордйськонлы сйземъёсыз. Та дыре музьемез вöсь карыны уг яра былэм: корт арбериосты йылынызы музьеме бышкылтыса поныны, уробоен ветлыны, кырсь дйскутъёсты виясь вуосын миськыны, лыз-чагыр дэрем но дйсяны. Музьемез вордйськемен лыдьям бере гинэ Быдзым вöсь орчытыны луэ былэм.

Гудырикошкон толэзылэн (августлэн) кутсконаз Виль вуэ. Соку вань таяз арын будэм-кисьмам емышъёсты сйласа нырысетйзэ верьяло, пыжисько, пöрало. Котькудйз ас понназ выль емышъёсты сйласа но сое октыса-дасяса быдтыны куриське.

Азьло дыре вань ю-няньёсты октыса-утялтыса быдтэм бере Сйзыл куриськонэз орчыто былэм. Вань куриськонъёс бырем бере гинэ Сйзыл зюонэз кариллям. Нош зюонъёс бере сйзыл кисьтон дыр вуэм. Сйзыл кисьтонэз али но ваньмыз орчыто на. Тулыс кадь ик, пöсь шыд карыса пуктйсько, шай былэ мыныса

пöрам сиёнъёсын куяськыса берто. Сйзбыл кисьтонэ куреппуз уг пыжо, нош тулысаз кисьтонэ куреппузэн одно ик кулэмбёслэн аязы уськытон кулэ.

Али дыре бадзым праздниклы берыкмыса мынэ Виль арез пумитан. Нош азьвыл со сярысь тодйлянтэ ик, малы ке шуоно со асьме калыклэн вашкала сямыз öвöл, соин понна сое туж кулэен лыдъяллянтэ. Берлогес дырjöсозь ик Вуж виль ар вильингес ветлэм, кудйз юлианской календарья Виль арлэсь вуэмзэ возматэм. Таиз календарь вазьгес пыртэмын но удмуртjёслы но тодмо луэмын вазьгес, али дыре кутjськись григорианской календарен çошатон дырjя. Куд-ог интыын али но Вуж виль арез вайыса лыкто пичи пиос, Виль ар ваемзы семен ик. Мамдыын Вуж виль аре пичи пиос виль ар вайыса лыктыкузы тазы шуо: «Шудо-буро мед луоз Виль арды, таза мед луоды». Азьвылгес арjёсы Вуж виль аре куное öтjылозы вьлэм. Огаз аре ог гуртысь мукетаз мынозы вьлэм, вуонояз – мукетаз, озы гуртjёс куспазы öтчаськыса вошjаськозы вьлэм.

Котькин но тодэ, Виль ар вуэм бере нырысь ик пичи пи яке пиосмурт ке пыриз, лыктjсь ар jеч ортчоз шуыса. Со нунал нылкышноослы мурт дортj ветлыны уг косо, урод но секыт ар ваемзылэсь кышкаса. Валась нылкышноос Виль ар нуналэ уг ик ветло мукетjёс доры.

СИЁН-ЮОН

Сиентэк но юонтэк улыны уг луы, соин ик, дыр, пичи дырысен ик котькинэ дышето сое сйлань но гажаны. Чем дыръя огъя карыса сиён-юонэз нянь шуыса верало. "Нянез шудон карыны уг яра", "Няньлэсь вылие эн кариськы", "Нянь - бадзын" но трос мукет та выллем вераньёс вёлмемын асьме калыкын. Гахам мурт лыктйз ке, ноку но сое нянь верьятытэк уз поттэ дорысь – та туж вылийын ветлийсь сям. Тросэз жок вылаз тыр нянь поныса возе.

Троссэ туннэ нуналэ но сиськем сиёнэз азьвыл но сииллям, соин сэрен ваньмыз сярись гожтыны кулэлыкес өвөл. Вань нош сычьеосыз но сиён-юоньёсмы асьмелэн, кудзэ али верьяны но уд шедьты ни, яке туж шер гинэ пумиталод пöраны мылыз потйсь мурт дорын.

Вашкала дырысен асьмелэн тужгес но вылийын ветлэм, али сямен ик, кеньыр жук. Огшоры нуналэ но сиыны луэ вылэм сое, озьы ик жукез пöзyto вылэм вöсь нуналъёсы, куристькыку но шыд сиён дыръя. Жук пöзтыкузы арлэн котькуд вакытаз пичи ке но аспöртэмлыко карыса пöраны тыршо вылэм. Тырмыт йöл вань дыръя йöлын жук пöзтылйллям, тулыс кыр будосъёс жутскыны кутскем бере куд-огзэ жук пушкы но поно вылэм, бакча емьшъёс вуэм бере соин сураса но мукет сямен, кинлэн мылкыдаз кызы кельше но тупа. Али дыре но тросэз мар ке но ас сяменаз карыса пöзтыны тырше та дауръёс пыр вунымтэ но ваньмызлы кельшись вашкала сиёнэз.

Турлы пöртэмзегес сиёнъёсты пöраллям-пöзтыллям сйлы карон но вылийын, дуноын ветлийсь нуналъёсы. Тросэз али дыре но со йылолъёсты гажа но тодэ, кызы карыны кулэ, озьы ик быдэстыны но тырше.

Кöня пöртэм гинэ уг пöзyto жукез сйлы карон нуналъёсы. Тужгес но ческыт шöмо жук пöрме сйль лымын пöзтыку. Быдзынал дыръя, мукет сямен вераса, тулыс куристьконэ, нырысь ик быдэс эзег пöзyto, со лымын собере жук пöзyto куристькыны. Озьы ик выль сйль лымын пöзтэм жукез сииськом асьмеос гужем вöсьёсыз ортчыгьян дыръя арлы быдэ. Нош бер сйзбыл пудо вандэм бере шыд сиёнэ турлы-пöртэм сйльёсыз огак пöзтыса солэн лымаз жук пöзyto асьме пал удмуртъёс. Жуксэ жуken, сйльзэ нимаз сйлен пуктыло жок вылэ куноослы.

Азьвыл трос дыръя пызь шыд но пöзтыллям, озьы ик көжы но чырс чумер я ныгыли поныса пöраллям. Толалтэ тросэн пельнянь кутыса дасяло вылэм, сое кезытын кынтыса дэра пуйые поныса ошыса яке пу лянэсэ ворсаса возылыллям. Куно öтьыку, сюан но

корка туй ортчытон дыръя пельняньзэс тужгес но пичиесь карыса, чебер мед луоз шуыса, куасам дурьёссэ шымырьяса но чепылляса ик куто былэм.

Вашкала дырысен озыи ик вылї дуньямон сиёнын ветлэ табань: чабей яке зег пызылэсь, кōжы пызылэсь. Паймымон шōмо ческыт луэ гырын туем тарилэсь пыжем табань. Табанез вōяло чыжтэм вōйын. Со сяна, азьвыл лэсьто на былэм кенэм вōй но. Кенэм кидысэн кенэм шанга пыжозы былэм, сое шатыртон нянь яке шатыртон шанга шуиллям. Сое берло аръёсозь ик куд-огез дася на вал, нош табере кенэмез будэтонлы пумитьяськонъёс кылдэмен та вашкала сиён жоген пыраклы вуноз ни.

Куд дыръёсы сиёзы былэм сезыи кисаль, сое вōйын сураса но йōлэ верттыса.

Бакча емьшъёслэсь котьмар дасяны луэ. Азьвыл трос пōртэмъёсыз емьшъёс вылымтэ ик тапалан. Вазьгес сиыны вуисез луэм сяртчы, сое кизиллям тросэн бусые ик. Берлогес сиыны вуисьёсыз пōлысь пōзьтыны пукто былэм гуре гōршокен гордкушманэз, солэн выллапалаз тыриллям юмалкушман, кудїз тужгес но кезыт шуккемлэсь веськан понна юрттїсь маке луэм. Пōзьтэм гордкушманэз чырбатыса но сиё али дыре но. Озыи ик пōртэм бакча емьшъёсыз курткыса но кенбырен сураса пыжо когыли яке куасамнянь. Кōжы когылиез тужгес но пōрало тулыс вуэм бере, кудзэ сюкасен юыса сиыны ярато. Кинлы нош тодмо öвōл перепеч, марин гинэ уг пōрало сое но.

Кубыстаез нюртыса чырбатон туж тодмо но вōлмем сиён былэм, сое али но курткыса, куддыръя кешырен но анис кидысэн сураса, толалтэлы лянэсэ сылалтыса кельтылїськом.

Пудо вандэм бере вирезлэсь вир тырем дасяло, нош зезег вандыку пыжо виро табань.

Бусы емьшъёсыз бичаса, котьмар дасяны луэм. Кудїз марлы тупа, кыче висёнъёслэсь веськатїськыны юрттэ — сое ваньзэ калык тодэм вашкала дырысен. Али дыре но тулыс жутскись турыи-куаръёсты верьятэк ум кельтїське, куд-огзэ бичаны кыдөке ик мынїськом нюлэскы, нюр былэ яке шур дуре. Кудїзлэсь сииськом модоссэ, мукетызлэсь — куарзэ яке выжызэ. Асьме палан котькытын будэ кузьтурым, курткушман, лудкечкуар, валгырлы, берлогес сиыны вуо гумыос, чысны, поркузё, кыр сугонъёс но тросэз мукетьёсыз. Танып дурын улїсьёслы тодмо зюа турыи.

Бичатэк кылисез öвōл емьшез. Али лэсьтыло вареньеос, компотъёс, винаос. Азьвыл узы-борыез йōл пушкы поныса но öжытак сое пызен пызынаса сураса сииллям. Лъōмез гырын

туйыса льӧмпок каро, куасьтыса вукоын изыса — льӧмпизь. Эмезез, сутӑрез, узыез но борыез кубиста куар вылын куасьтыса кельтылйлям толалтӑлы, али но куасьто на емьшез гурын. Шуӑз бичаса, пуконаса кельто. Шу кисаль пӧзтыса но шунянь пыжыса сиыло тулысозь. Мулы бичаса куадало, сое но толалтӑлы куасьтыса кельто.

Пыжемез-а, пӧзтӑмез-а, котькудйз пӧрам сиӑн ас понназ сйлы но дуно. Соин ик визьмо мурт уз но макта огшоры, уз но курла сиӑн-юонӑз, мукет сямен вераса, нянез. Сиӑн-юонӑн мыскылляса но серекьяса кутйськыны уг яра, со шудон ӧвӧл, Инмарен одйг радӑ пунктӑмын со. Сое валась мурт но гахамон но сйлыен лыдьяське.

Сиӑн-юон сярись вераськоно ке, пусйыны кулӑ на сыӑеоссӑ но юонӑесты, кудӑессӑ асьмеос ум юиське нуналлы быдӑ, яке кудӑессӑ юыны луӑ но юыны кулӑ кыӑе ке вылйын ветлйсь но праздник нунальӑсы, озы ик арлӑн куд-ог вакытӑёсаз. Сыӑеосыз пӧлы пыро сур, мусур, сюкась, вина яке кумышка.

Вашкала дырӑя пӧртӑм учырӑесты — Куалае пырон, Быдӑзынал куриськон но юмшан, Быдӑым вӧсь бере ортчытон юонӑесты но мукетӑессӑ — одно ик юри со понна шуыса дасям сурен ортчытоно вылӑм. Куриськон вакытӑ кин ке сур кутыса потӑ вылӑм куриськись вӧзы. Нош сюанӑ чечылӑсь/мулӑсь лӑсьтӑмзӑ — мусурез — потто вылӑм соанчиосты сектаны. Мусур трослы курытгес но ческыт шӧмогес, сурен чошатон дырӑя, жоггес кудӑзытӑ но.

Сурез Быдӑзыналлы бадӑзимесь вышкыосын дасяса уло вылӑм. Юмшан вакытӑ но Ошороке гурт кузя ветлйсьӑслы сурез кобыен поттыса сектало вылӑм. Со сярись кырӑан но вань:

*Сурӑӑс потоз,
Сур бадӑянӑӑс потоз,
Ӗумшась калык солы но шумпотоз.*

Сюкаsez тужгес но тулыс вуӑм бере юо, пӧртӑм пыжем-пӧрам сиӑнӑӑсын юо сое, тужгес но кӧжы нянен. Сюкасьлӑн курытлыкес уг луы, мукетӑӑсыныз ӑошатон дырӑя. Со сяна, сюкаsez дасяло шыд сиӑнӑ но, турнан вакытӑ сӑӧре бусые басьтон понна но. Бакча ужӑӑсын вырыку но туж тупась юон луӑ сюкась.

Али дыре тужгес но вӧлмемын курыт юонӑӑсын сектаськон. Вина яке кумышкалӑн (*вина* асьме кылӑ ӑуч кыл пыртй вуӑмын, *кумышка* — «кумыс» кылысь пӧрмемын) пӧртӑм сортӑӑсыз луылӑ. Пӧзтысь мурт ачиз радласа нимаса-нимаса тыре сое: нырӑзылзӑ —

самой курытсэ — зеч но гажам туганъёсызлы сектаны кельтэ, шорзэ — туж ик кулэ луисьтэм учыръёслы нима, пумзэ — огшоры кисьтонтэм понна гинэ басьтэ, яке курытэныз сураны шуыса.

Азыло дыре вöse но куриськонэ уг юо вылэм. Сое йылпумъям бере гинэ нимаз юыса шулдырьяськыса басьто вылэм. Нош зумшанъёс дырья вина юо вылэм. Туж но вöлмемын зумшан дырья таче кырзан:

*Зуом, зуом винаез,
Малы уд зу винаез.
Сугон кадь ик курыт öвöл,
Со таратэ кайгуэз.*

Винаез юо на кисьтонъёс дырья но: солэн зыныныз кулэм пересьёс но сектасько, пе. Шай вылэ куяськыны ветлыкузы но пичияк вина басьто сьöразы, отын аязы уськытон понна. Нош пуктйськыкузы одно ик кисьöрынызы кисьто сое вань кулэмъёслы шуыса.

Та вакчияк гожтэмысь но адзыны луэ, сиён ас тодэмъёсты кулэ каре, кудзэ тодымтэлык чеберен уг адскы.

ДЙСЬКУТ

Дйськут сярись вераськоно ке, нылкышно дйсь котьма ласянь но тунсыкогес но учкымон.

Азыло дырья вылй дйськутъя кйдёкысен ик тодманы луэ вылэм кинлэсь ортчемзэ: бызем кышномурт-а, оген-а, нылпиез ванёез-а я мукет-а.

Пичи ныллы вордскем нуналысеныз ик мар ке пöртэмгес дйсьятыны тыршо вылйллям анай но атай выжыосыз. Дйсь дйсьтон арлыдыз вуэм бере изяназ азвесь яке гырпиль вуро вылэм, куд-огез чебер бирды яке горд весь оше вылэм кымыс вадьсаз. Нуны муртлэн дэремезлэн гадяз но мар ке со выллемесь ик чеберманьёс вурыйллям, кияз чебересь пунэм сйнысьёс, буям ыжгон шорт яке сйнысэн азвесь кертто вылэм аслыз эшлы шуыса.

Кöня ке аресозь будэм бераз пичи нылашлэсь дэремзэ оборкаё но пöртэм эгесо ик карылыса вурыйллям. Пöзы-ныроссэ пужыятыса-чебермаса керттылйллям. Куать-сизьым арескысен весь но тэнкэ нулдыны кутскиллям нылтьёс, куинь-нбыль арескысен ик азязы ашшет кертто вылэм ни. Йыразы нош пичиысен (кык-куинь арескысен) ик кышет кертто вылэм нылмуртьёс.

Вуэм нылтьёслэн дйськутсы ог-огзылэсь орчытыны тыршыса ёшатскыса кадь дасямын луэм. Шудон интые потаны кудйз егит ныл жытлы быдэ дэремезлэсь эгессэ ке но воштыса выльзэ поныса потэ вылэм. Озы ик нылтьёс вошъясько вылэм ог-огенызы чыртывесьёсынызы, ашшет кальёсынызы, блэзикъёсынызы но мукет пичиесь дйсь чеберманьёсынызы. Ёзлык-кышет улазы нылтьёс манлай яке кырпу (уко дуре куинь тэнкэ вуремын) изяллям. Пельгыос ог куать арескысен ик пельёсазы поныса нулдыны кутскиллям. Чыртыязы весьёс поно вылэм, муйса яке ёака, ошет — дэра вылэ ог-кык рад азвесь вурьса сильсьöртйз бирдыен каптырто яке калэн кертто вылэм сое, азязы куд-огез сырга но ошем, пельпуметй поттыса кöтурдэсэ керттйллям сильсюмыс.

Йырсиез одйг пунэтэ пуно вылэм, кык йырсипунэтөез зучьёс кадь шуиллям. Пунэм йырсиез тэнкэё зышпынэтэн кертто вылэм, медаз сэрттйськы шуыса. Йырсипынэтэз ватыса съэськап яке зырсикужа нулдыллям. Съэськап йырси кузьда ик луйсь дэра вылэ

кыкпал дураз но уко вуремын луэм, шораз куинь рад азвесь коньдон вурьса васькемын, пумаз ултйз — быдэс но чылпу. Сьэськап вылэ нош буртчин зылык изяло на вылэм.

Огшоры нунал нулдоноез дэрем дэралэсь луэм, туж трос ик чебермамын луымтэ, яркыт буэльёсын но буяллямтэзы ужан дйсез, вылийаз керттйллям дэра ашшет. Нош зюон-зумшаньёс дырья чебересь буэльёсын буяса куэмьёсыз дэремьёс потылйллям сандыкьёсысь, чуктар (шакмак вискын пужы жуткатыса куэм), эрза (төден-гордэн) дэремьёс. Огшоры нулдон дэрем но, куно дэрем но сөзыё луэм.

Узыргес муртьёс буртчин дэремен ветлйллям, вамышьякузы дэремьёссы чильк-вальк кисьтаськыса кыллэ вылэм, азвесь тэнкэоссы жылк-жылк карыса кылйськем вамышьякузы. Дэремлэсь но пөртэм чебер карыса кублйллям ашшетьёссэс. Дэрем вылтй дйсяллям укоё камзол, тросэз нылъёс ог дас арескысен ик нулдыны кутскиллям сое. Каптыртоньёсыз кудйзлэн луылэм азвесь коньдон борды конгрок юнматыса. Самой дуноын ветлэм бархат камзол, яке буртчинлэсь вуремез. Куанергесьёсыз нулдйллям огшоры дэралэсьсэ но.

Кезыт нунальёслы шуныт дйсь дасяллям. Пичиослэн но, пинальёслэн но, мййюслэн но сырма шуон зок шуныт дйсьсы луэм. Озы ик шуба но нулдйллям толалтэ. Тодь яке пурьсь ыжгон шортэз куыса дукес вуриллям, пур-пур паськыт луэ вылэм со. Дукесэз вылтй кыскерттонэн керттйллям, сое кык кикур пасьта карыса куо вылэм, собере пасьталазэ кыкпол куасалтыса кусэз биняляса азьпала керттйллям, чебермам но яркыт буэльёсын буям пумьёсыз ошиськыса кылле вылэм. Шутэтскон но юон дырья дйсян шубаоссы бархатэн шобыртыса вуремын луэм, укоен но пйшур куосын чебермаса, сьчөоссэ камаё шуба шуиллям.

Пыдазы огшоры дырья кут кутчаллям, нош тужгес но зечлы ветлэм ката но сырон сапег, толалтэлы вылэм гынсапег, калош потыны кутскем бере чосинка. Тулыс ву вияку кутсы кутулпуэн луэ вылэм, кутлэн пыдэсаз кык пу юнматыса понйллям, ву-кот туж жог медаз пыча шуыса. Пыдэ урдэк чулка но вурьса кутчало вылэм, тулыс гынмись ыжгонэз урдэк лёгыса. Чильтрогес но байгес нылъёс сетык кутчаллям пыдазы. Сетык кыкпалтйз но огкадь карыса кэрсэн каемын луэм.

Вылэм на буй шортдэрем, кудйз луэм кык пöртэм: огез тöдь, мукетыз – пеймыт тус. Тöдьзэ дйсяллям вöсе но куриськонъёсы, мукетсэ огшоры дыръя но нулдо вылэм. Вöсь дйсь югыт-тöдь луэм, дэрем но, ашшет но, йыркышет но. Вöсе мыныкузы пöртэм чебермаськыса уг мыно вылэм, озыи умой лыдьяськымтэ.

Воргоронъёслэн дйськутьёсазы туж олокыче пöртэмлыкъёссы луымтэ. Гыншляпа но картуз нулдйллям йыразы шунытэн, толалтэлы кулэсь вурем изыи. Ужакузы дйсь вылэ кертто вылэм паськыт ашшет, улйсьтыз дйсь медаз кырсьмы шуыса. Котькуд пиосмуртлы но нулдоно вылэм кускерттон, со туж чебер буёлъёсын буям шортъёслэсь куэмын луэм, кузь, кускытй котыръяса керттымон, кудйз туж паськыт, кудйз сюбеггес. Сое кертто вылэм вылй дйсь вылэ но. Быдэ вуэм пиос сюмыс но керттыны кутскиллям. Туж дуноын ветлэм сурон сапег.

Узыр-а, куанер-а, мöйыез-а, егитэз-а – котькудйзлэн аспонназ луэм аспöртэмлыкес но ассэ калык пöлын возён сямес, куштонъяськыса-а, вылтйяськыса-а, яке кепыраса-возьдаськыса-а.

УЛОН СЮРЕС

Дунне былэ вордйськем муртлэн котькудйзлэн но ог вакытэ улонэз кысэ. Кинлэн ке со туж бер вуэ, кудйзлэн нош - шөдтэк шорысь. Котькудаз учыре но асьмеос ватйськом кулэм муртэ шае. Вордйськем бераз ик ним понэмлэсь но азьвыл кулэм нылпиосыз нимтэм шае октылйллям азьвыл, али дыре нош ваньзылы ог шай. Соин понна шай былэ пичи нылпиосыз нулдыны уг косо: ватэм нимтэм нылпи лулзэ басьтоз, собере таиз но кулыны шедёз шуыса кышкало.

Кулонэз вуоно мурт доры эшгёсыз но пересьёс лыктыло адйиськыны. Кулыны дасяськем мурт вань дырря муръёез усъто, лулыз потйз ке солэн, отй мед кошкоз шуыса. Яке укно дуре саутэн ву пукто. Мусульман калыкгёс сямен ик кудйз малпа, пе, укно пыр Азрали лыктэ но со пуктэм вуын аслэсьтыз мечсэ миське шуыса (Садиков. 2001. С. 91).

Пересьмемзэ шөдэмья котькин каллен дасяны кутске аслыз сопал дунее кошкон дйсьёссэ. Сопалан но ваньмыз кулэ, пе, соин йырин уй дйсь но вылй дйсь, пыдкучан, йыре но кие понон дйськутгёсыз ваньзэ дасяса уло. Кин ке гужем ке кошкыны шедьтйз, со дырызлы тупась дйськутсэ дйсято ватон мурт былэ, нош толалтэлы я кезыт дыррялы шуыса шайпул пушказ ик тол дйсьёссэ тыро на. Со сяна, улон сюресаз быдэстэм ужзэ маин лэсьтэ былэм, сыгё арбериос но тыро. Сиён-юон понна тусьты-пуньы, сюмеык. Нимаз вераса, шайгуаз кушто корт уксё. Йыр улаз пельминдэр, уйяз валес интые азьвыл шелеп но веник куар тыро былэм, вылтйз дэраен вöldыса, нош али кудйз гонлэсь ик небыт миндэр дася, вылтйз тöдь шобретэн шобыртэ.

Кулэм муртэ миськыны вулы ветло куинь кузя ошмес яке шур дуре: виясь ву мед луоз, соин гудземысь вуэн но уг яра кутскыны. Котькудйзлэн но кияз быдэн саут мед луоз. Вузэ басьто мыддорин: куд пала ву вия, со пала саутлэсь ымзэ берыктыса. Миськон понна ваё клаша, кудйз котьку шай вылын кылле. Миськись муртгёс аслаз чыжы-выжыосыз луыны уг яра, палэнысь муртгёс мед луозы: кудйз кулэмезлэсь азьвыл ик вераса кельтэ аслаз матысь луись эшезлы, кулэм бераз мед миськоз шуыса. Миськем беразы дйсято шае понон дйсьсэ. Дйсьсэ аслаз матысь чыжы-выжыосыз но, нылпиосыз но дйсьтйзы ке луэ. Кулэм муртэ миськем вуэз кисьто адями ветлымтэ интые, отчы

лөгид ке, висьыны усёд. Чемгес бадзым капкалэн юбо выжыяз урам палаз кисьто.

Шайпулзэ но лэсьто палэнысь муртъёс. Ымныр вадьсаз пась кельто, урдэсаз но пась каро укно интые, кудйз отчы пияла ик понэ. Азьвыл кур вылэ поныса вато вылэм. Шайпул дась луэм бере сое доре пырто, отчы шөйез поно. Коркан дырбяз шөй пыдъёсыныз өс пала кылле корка шорын, нош мумыкор шоры пуктыны уг яра сое. Коркан кулэм мурт вань дырбяз уйин уг изё, көня ке мурт вөзас пуке, соосты уй пукисьёс шуо. Озы ик нуназе но вөзас пукисьёс луо котьку: кулэм муртэ огназэ кельтыны уг косо. Соку укноосты ворсало занавескаосын, синучконъёсты шобырто. Кулэм муртэ адзыны лыктэмъёс сйныс вайыса лыкто.

Корка пушкысь поттыкузы шөйез пыдъёсыныз азьпала карыса потто, өсэз пельёсысьтыз басьтыса мыддорин пукто. Озы карыса кулон берлань та юртэ сюрес медаз шедьты ни, шуо. Азьвыл корказысь көня ке пулзэ ик сэрттыса со пасьтй потто вылэм шөйез. Трос дырбяз кулэм муртэ гурт пумозь жутыса нуо, гуртэн берлозэ мед люкиськоз шуыса.

Шай вылын гуэз дасямын луэ, кудзэ озы ик ас чыжы-выжыосызлы гудыны уг яра. Гу пыдсаз көня ке вамен коръёс поно, кудъёсыз вылэ шайпулзэ лэзё бамкышетъёсын кутыса. Со бамкышетъёссэ берен басьтыса шай гудйсьёслы вандылыса люкыло.

Шай гуэ нырысь ик суй куяло матысь муртъёсыз, собере – вань кылем ватыны лыктэмъёс. Берло корткуйен ик суйзэ пазяса сого гуэз, дураз яр суйзэ тыро, суйез котыраз медаз куашка шуыса.

Кулэмез дырысен куинь нунал орчемын ке, шай вылаз куяськыса пыжем-пöрам сиёнъёсты тырыса кельто, аяз уськыто кулэм муртлэн. Бертыкузы шай вылысь ваньзы потыса бырем бере шай капкаез ворсало но капка ултй музьемез куинь пол кортэн гож карыса пото, “кулэмъёс сьöре медаз ветлэ” шуыса.

Шай вылэ октыны ветлэмъёс ваньзы нырысь бертыны кулэ со корка, кудысьтыз вал кулэм мурт, отын соосыз эгырен-пенен пазыгыса пумитало, киоссэс мисько, доре пырыса сиён-юон верьяса асьсэ доразы бертыса кошко.

Куинь уйяз но, сизьым уйяз но пöрало, курег (кышномурт ке кулэмын) яке атас (пиосмурт ке кулэмын) вандыса пöсь шьд каро. Шай вылэ ветлыса куяськыса кельто. Жыт гурт калык лыктэ

кисьтонэ, котькудйз пыжем-пöрам сиёнъёс вае кулэм муртлэн аяз уськытыны шуыса.

Ньльдон уяз трос калык лыктэ, трос сиён-юон пöраса дасясько, ыж яке така вандо. Озы ик арзэ но туж трос сиёнъёсын ортчыто, куно öтчало. Котькудзэ кисьтонэз ортчытыку шай былэ ветлыса куяськыса берто.

Котькудаз кисьтонын пуктйсько: гур азе кулэм муртлы шуыса нимаз саутэ вань пöрам-пöзйтэм сиёнъёсыз пичиен юдылыса но юонъёсыз öжытэн кисьтылыса ки сьör карыса тыро, собере сое уй пала поттыса кисьто, пуныос-куакаос мед сиёзы шуыса. Соос тросэн люкаськыса но куаретыса сиизы ке, кулэмъёслы та пöрам кельшемен, пе, лыдъяське. Азьвыл арзэ ортчытэмен шай кенер но кутыны яра былэм, али дыре арзэ ортчытэмлэсь азьвыл но пукто ни шай кенер.

Али пусьемъёсыз сяна, ортчыто на сйзбыл кисьтон но тулыс кисьтон. Тулыс кисьтонэз Быдзынал келян куриськонэз ортчытэм бере каро, сйзбыл кисьтонэз - сйзбыл куриськон бере. Но созэ но чакланэз вань: тулыс кисьтон кйку силёнэ медаз кылы, сйзбыл кисьтон – нунал вырзöнэ. Соку но пöраса, пыжиськыса, пöсь шыд карыса пуктйсько, пересёсты чай-шыд доры люкало, шай былэ ветлыса куясько, кулэмъёслэн аязы уськыто.

Огшоры дыръя шай былтй туж ветлыны уг косо, тужгес но пичи пиналъёслы, озы ик будэмъёсызлы но нылпиослы. Пичиысен шай былтй трос ветлон шудтэм каре, пе, матысьёслэсь кулэмзэс тйла. Озы ик шай былтй ветлыны уг яра нылпи ваёно кышномуртъёслы, вордйськоно нылпизы луло но таза мед вордйськоз шуыса.

Улон азьпала мед мыноз ке шуид, ас чыжы-выжыосыд мед йылозы но кужмось-тазаесь мед луозы ке шуид, будйсьёс сярысь сюлмаськоно, соослэсь лыдзэс будэтон сярысь малпаськоно. Котькудйз анай-атай асьсэ нылпиоссылэн нылпиосыслэн но вуонояз кылдоно выжы пушьетьёссылэн таза луонзы сярысь куриськыса улэ. Егитэн ке но кузпалъяськемын луизы, вуоно анай-атай луоно муртъёс туж чакласько вордсконо нылпизы зечен мед вуоз улонэ шуыса.

Калык пöртэм чакласьконъёс но тодон-валанъёс люкам вашкала дырысен. Тросэз соос али дыре валаны ик шугесь кадь луо, кудъёсыз серемес кадесь, но мургес малпаськылйд ке, ваньзы

но огшоры гинэ кылдэмын өвөл, кулэ пуштроесь луо, пайдаез но вань.

Кемаласен озыы луэмын ни асьме калыклэн – трос нылпи бадзын шудэн лыдьяськем но дано инты басытэм. Нылпитэмлык нош шудтэмлыклы ёшам. Сюанын ик соин сэрен егитёслы йылон кужым сйзё вань люкаськем сюанчиос-куноос.

Нылпи шедьтйсьтэм кышномурт туночиос-пельтйськисьёс дортй веськатйськыса ветлэм, вёсяськыса-куриськыса нылпи курем аслыз.

Нылпи ваёно кышномуртлы нош туж сакласькыса ветлыны кулэ вылэм, али дыре но озыы ик, капчиен но таза нылпи мед вордйськоз шуыса. Уг яра солы номыре но вийыны, пудоосты но тылобурдоосты вёсь карыны. Коёшыез, пуныез я парсез чыжид ке, нылпиед зуэн вордйськоз, шуо. Карнанэз яке вал букоез вамыштыса вамен потйд ке, нылпиед кырыж кук вордйськоз. Гозыез ваче вамыштйд ке, яке кузпалыд ке но гозы ке пунйз, вордйськись нунылэн гогыез чыртыяз биняляськемын луоз. Лушкаськид ке, лушкам макеез вылтыраз сыёе ик тус уськытоз. Вылтырыз но ымныр тусыз шётэм, сёсыр мугорьем мурт шоры учкылыны уг яра, пе, нылпиед сыёе ик вордйськоз шуыса. Кулэ, пе, мусо но таза мурт шоры учкыны, вордйськоно нылпиед но сыёе ик мед луоз шуыса. Тужгес но кышкыт кулэм муртэн пумиськыны. Соин йырин нылпи ваёно кышномуртёс кулэм муртэ ватыны уг ик ветло, ваёно нылпиез шой тусьем яке шой вордйськоно медаз луы шуыса. Матысь муртэз сыёе дыре кулоно ке луиз, ас бордаз вень поныса, пе, мыноно кышномуртлы кулэм муртэ адзыны яке сое ватон интые шай вылэ.

Тужгес но нылпи ваёно нылкышнолы сиыны тыршоно ваньзэ сое, маре сиемез потйз, сотэк нылпиез сёсыр мугоро я пёртэм висёнэн вордйськоз.

Азьвыл кышномуртёсты ужато вылэм нылпи вайытозязы. Соин ик тросэз нылпиос вордйськылйлям бусы ужёс дырья кырын, нюлэскын. Озыы ик палэнысь-кыдёкысь гуртёсы куное но ветлылйлям нылпи ваёно кышномуртлэсь тазалыкезлэсь кычезэ лыдэ басытытэк.

Нылпиез ваё вылйлям мунчоын яке коркан. Соку нокин вёзаз уг кылы ни вылэм, гогыась пересь кышноез гинэ отиллям на нылпи ваисылы юрттыны.

Вордйськем бераз ик поно вылэм куштоно ним, яке миньчо ним, сотэк їин лушкалоз я воштоз шуыса кышкаса. Гогыась пересь вож нунылэсь гогызэ вандыса керттэм бераз ачиз ик миське вылэм вордйськем нуныез. Миськоно вуаз сылал поно вылэм, собере ыжгонэн зыраса со вуэн миськиллям вож нунылэсь мугорзэ, бервылтїз нош ик майталэн миськыса чылкыт вуэн гылтїллям но анаезлэн (ныл ке вордйськиз) я атаезлэн (пи ке вордйськиз) дэремаз бинялтїллям.

Гидкуазэ (нылпи ваем кышномуртлэсь бервылзэ) миськыса чылкыт дэрае я кышетэ бинялтыса кык юбоос вискы поно вылэм, яке кут пушкы поныса, со кутэз шонер карыса пуктыса - бекмыльтытэк я кырыж-мерыж карытэк - мурт ветлонтэм интые вато вылэм. Со гидкуаен кутэз чукинътыса но бекмыльтыса понїд ке, азыпалан нылпи уз ни луы, шуо. Азыло дыръя кадъ ик али но вож нунылы нуналлы быдэ мунчо эсто, веньыкен мунчо пырто, тужгес но нырысетїяз куинь нуналаз, бөрсяз-бөрсяз мунчо эстыса, мунчо пырто сое. Сыће сямез “куинь миньчо” шуо. Собере 40 нунал чөже нунал пöрат мунчо пыртоно, озыы вож, вордйськем нылпи таза но юн луыса, пе, будэ.

Нылпи дїсен я изянэн — кылчин таччаен - вордйськиз ке, со дїсьсэ миськыса куасьто но утыса возё, со нылпи быдэ вуэм бере солы аслыз сёто. Сыће пöртэмлыкъёсынгес вордйськем нылпиосты езгы шуо, будэм беразы соос пöлысь куд-огез висись муртэ но веськатыны быгатїсь, пе, луэ. Озыы ик сыће пöртэмлыкъёсынгес вордйськем нылпиосты ултїяны я вöсь карыны уг яра: вормонтэм секыт сьöлык басьтод.

Котькуд выль вордйськем нылпи доры сектаськыны ветло нылкышноос. Самой нырысетїез лыктїсь вож нылпилэсь жауап, пе, басьтэ: огласянь со кышнолы со понна умой, пе, луэ, мукет ласянь — со кылкутїсь луэ вож нылпиез самой нырысь адземез понна.

Ог-кык арня ортчыса, асьсэ матысь чыжы-выжы туганъёсынызы люкаськыса жук пöзтыса куштоно нимзэ вошто, озыы вордйськем нылпылы ним поно. Соку куаысь мöйы мурт жукен куриське. Берло аръёсы нуны сюан ортчыто, кудзэ асьме палан бэбэй туй шуиськом.

Ныльдон нунал чөже нылпиез уг яра огназэ кельтыны. Огназ öвöл дыръя но солы утён понна корт арбериос (пурт, качы) тыро миндэр улаз. Нырысь ик сектаськыны лыктїсь кышномурт пичи

азвесь коньбы вае, сое вож нунылы кияз кертто, аслыз эшлы шуыса. Со сяна, изяназ но вуро чебер весь я бирды, дйсьяз гадь вадьсаз вуро гырпиль. Мурт лыктыку кымесаз шум йотто, отчыяз син мед усёз шуыса.

Ас понназ чакласьконьёсыз вань нырысьсэ йырсиэз басьтонлэн, гижыэз вандонлэн, пинь усёнлэн. Вордйськем йырсиэз басьтйсь муртлы – нырысетйэз йырси чышкисьлы – кыче ке но кузьым сёто, со ачиз но нунылы мар ке кузьма. Со йырсиезья эскеро: улоз-а нуны, уз-а. Кема улоно нылпилэн йырсиез биниське, пе, кулоноезлэн – уг. Вордйськем гижюссэ вандэм бере сое жуато. Пиньзэ гур сьёры кушто, шыр мед сиёз шуыса, яке нянь юдэс пушкы ватыса пунылы сёто, пунылэн кадь юн выль пинь мед потоз шуыса.

Нылпи бёрдйсь ке луиз, нимыз уг кельшы, дыр, шуыса, солэсь нимзэ воштон сям но вань. Сое воштон понна кин ке мййы мурт гур азе султэ нылпиен, мукетыз корка липет вылэ тубыса нимьёс вераса мурьёе кесяське. Кудзэ нимез верам бере нуны бёрдэмьсьтыз дугдэ, со нимез ик поно солы. Таиз воштэм нимен вазисько солы нуналлы быдэ, нош документьёсаз кыле куриськыса понэм нимыз ик.

Али возьматомы кёнйа ке милемлы верам учырбёсты, кызыы вордйськем нунылэсь нимзэ воштылйллям.

"Мурьёетй корка чигисен азвесь уксё кушто, "медаз бёрды" шуыса. Сое туган пересьёссы тубыса кушто. Со тырись со уксё гур азын кылле, сое уг кушто.

- Мар кариськод? - корка пушкисез жуа.

- Гыльымлэсь нимзэ воштйсько, - чигисез вера, собере коньдонзэ куштэ.

Куинь пол верало озыы.

- Ментемыр понйськом нимзэ, - куинь пол озыы вера вылйсьсез.

Куинь пол ог-огзылы верам беразы уксё жа пуны кушто. Арниннял сыче ужен уг жара вырыны" (Кисса).

"Бёрдэмьсьтыз аптраса пельзэ пасяллям, бурзэ. Собере нимзэ воштйллям, "Нимзэ воштйськом, Коля нимзэ Нурихан кариськом" шуыса. Дугдэм бёрдэмьсь". (Дэулэкэн).

Бэйшэдын нимез кёс нуналэ вошто вылэм. Со понна нылпи вордйськыку юрттйсь гогыась пересез отиллям ним воштыны шуыса. Со кесяськем усьтэм мурьёе, кыче нимез кычелы

воштйськом шуыса вераса. Кылсярысь, "*Разалия нимзэ уг зяраты, Менлыразалия каром!*" шуыса. Тазы дауртон вакытазы нуны ас интыяз кыллем, корка пушкын туж шыпыт луыны кулэ вьлэм, нокинлы вырыны-ветлыны, вераськыны но куара поттыны уг яра вьлэм озы вырон куспын.

Вордйськем нылпиос огез бёрсы мукетыз кулылйзы ке, "нылпи воштон" каро. Кинэн ке азьвыл верасько, нылпизэс солы "вузаськом" шуыса. Со мурт лыктэм бере "нылпи вузасьёс" доры, көня ке коньы дун тырыса, басьтэ та нылпиез аслыз карисько шуыса, собере сётэ сое укно пыр берлань нылпилэн анай-атайёсызлы.

Ваньмыз таёе выронёс малпамын вьлэм, вордйськем нылпиос гумыро но тазаесь мед луозы шуыса.

Котькуд будыса вуэм нылпиезлэсь анай-атаез улоназ чыжы-выжыоссэ йьлэтон сярысь малпаськись мед луысал шуыса сюлэмшугьяське. Котькуд анай-атайлэн ас улоназ адзёмез потэ ас нылпиосызлэсь нылпиоссэ. Соин ик аресэз тырмыт луэм нылпиос азыпал улонзы сярысь асьсэос но малпаськыны кулэ.

Азьло дырьёсы анай-атайёсы асьсэос утчало вьлэм быдэ вуэм нылпиоссылы пар, озы ке но кулэ каро вьлэм вьлькенакез лушкаса ваёнэз. Али дыре но со луылэ на, асьмеос сое вилькенак пыртон яке вилькенак нушкан шуиськом. Көня ке дас арёс талэсь азьло лушкатэк ваем вьлькенакез ачиз лыктэм шуыса но серекьяны быгато вьлэм. Соин сэрэн, ог-огзэс тодйзы ке но егитёс, анай-атайёсы но пумит ке но өз луэ соослэн парьяськемзылы, вьлькенакез кызы ке но пёяса ваёно вьлэм, озы парьяськем муртьёс шудо, пе, луо.

Вилькенак пыртыны дасяськем егит мурт ас матысь эшгёссэ юрттыны куре: азьло дыре зёч вальёс кыткыса мыно вьлэм вьлькенаклы, али дыре машинаен гинэ ваё на. Нош лушкано нылашез кин ке но пёяса поттыны кулэ дорысьтыз яке шудон интыысь. Нылашез ваем беразы огшоры гинэ уг пырто пилэн корказ: нырысь ик миндэр вьлэ лёгыто сое, пыдулаз пельминдэр поныса. Пилэн анай-атайёсыз пёрам сиён-юонгёсын дасяськыса уло вьлькенак ваемез возьмаса.

Нылашез пи доры ваем бере огзэ вьлькенак лушканы юртгйсьёс пёлысь ог жыны юон кутытыса нылашлэн анай-

атайёсыз доры лэзё. Соос нош, пумит ке луизы таёе воштйськонъёслы, со юонэз уг басьто, нылзэс со лушкась пияшлы сётонлы пумит өз ке луэ, басьто.

Вьлькенакез пияшен уйлы кыкназэс кельто, педлопалтйз коркаез ёогаса. Ъуказезь вьлькенак пылатон каро. Вьлькенакез ведра-карнанэн ошмес дуре вулы нуо: пияшлэн ёыжы-выжыосыз пёлысь кыёе ке мёйы кышномурт кияз ныркышет кутыса, солэн пумаз вьлькенакез кутйськытэ но озьы сое валтыса ошмес дуре нуэ. Соос сёры вьлькенак адзыны люкаськем калык но мынэ. Вьлькенак ошмесысь ву омыртэмезлэсь азьвыл уксё куштэ вукузёлы шуыса. Азьло дыръя азвесь коньдон кушто вылэм, али нош котькыёе тёдъ корт уксё но яра. Вьлькенак ву омыртыны турттыкуз люкаськем калык солы юри люкетыны тырше, я донге, я вузэ кисьтэ. Со вакытэ ик соос ог-огзэс но вуэн пылатьяса шудо. Озьы кык пол вьлькенак ву омыртыны уг быгаты, куиньметйяз гинэ ведраосаз тыр карыса ву басьтэ но сое, ошмес дуре лыктыкуз кадъ ик валтыса, вьль улон интыяз нуо.

Ву ваёнэ пияшлэн ёыжы-выжы туганъёсыз люкасько. Та дырлы ёук пёзтыса дасяло. Нырысь ик ошмес вуэз чаркае поныса вань люкаськемъёслы котыр верьятыса пото: вьлькенак секта соосты. Ныркышет вылэ чаркаен ву пуктыса, котькудйзлы черодэн сётьяса потэ со. Котькудйз нош ву верьям бераз чаркаез пыдсы коньдон поныса берыктэ. Со коньдонэз вьлькенак аслыз каре. Ошмес вуэз ваньзы котыр верьям бере ёук сиыны дасясько. Нырысь ик ёоктэм ёукен курисько, сое куриськем мурт верьям бере ёок пуме султо бадзанай но бадзатай луоно муртъёс. Тусьтыысь ёукез ог пуны басьтыса нырысь бадзанай луон кышномурт верья но бадзатай луон муртлы сётэ, соиз но пичияк верья, собере вьлькенаклы сётэ. Озьы куинь пол бёрсьысь бёрсьы куриськем ёукез верьяло. Собере вьлькенаклэн йыраз кышет изято но пияшен ёош миндэр вылэ пуктыса соослы азьлапал улоназы ёечлыкъёс сйзбыло. Ваньзэ тае карем беразы куноос ёук сиыны кутско. Сииськемзы бере юо но кошкон аязы лыктэм куноос вьлькенакен солэсь кузпал луонзэ асьсэ доразы куное отё. Нош нырысь ик куное бадзанай но бадзатай луон муртъёс доры мыныны кулэ, соос доры ветлэм бере гинэ мукет туганъёс дортй кунояськыса ветлыны яра.

Вьлькенак бызем интыяз кёня ке улэм бераз пияшлэн анай-атайёсыз но соослэн матысь ёыжы-выжыоссы нылашлэн анай-

атайёсыз доры зырдон (зыр – "йыр", дон – "дун") кельшыны мыно. Азылогес аръёсы коньдон сётоно вылэм ныл понна, солэсь бызыны дасям дйськутьёссэ лыдэ бысьтыса, асьсэлэсь көня уксё сётыны быгатэмзэс учкыса. Та зырдон кельшонэз ортчытыку ик сюан карон сярись но верасько: көня куаес куно отчалозы сюанэ кыкпалласян но.

Зырдон кельшем бере ог-кык арняскын яке бергес нылашлэсь анай-атайёссэ отё эмеспизы доры жёккышет вёлдыны. Со понна бызёно нылашлэн юри дасям жёккышетэз луыны кулэ.

Зырдон кельшонын но жёккышет вёлдонын выль кудо-туклячиос бымкышет но кышет кузьмало ог-огзылы.

Азыло аръёсы сюанлэсь көня ке арня азьвыл нылаш ас дораз бертыса улэм: анай-атай юртаз со сандыксэ дасям. Вордскем дорысьтыз сое собере сюанэн чёш гинэ нуиллям на пияш доры. Сюанэ, корка пушъёсыз шулдыр карыса, трос сиён-юон пёраса дасясько вылэм. Со сяна, сюанын сйласькон кузьымъёс но луыны кулэ на вылэм, выль кудо-туклячиослы но эмеспилы сётон макеос. Нош сюанэ отемъёслы асьсэлы вылазы дйсяны чебер дйськутьёс сярись но сюлмаськыны кулэ вылэм.

Нырысь ик сюанэз нылаш дорын орчыто. Пиослэн доразы на сюанчиос – пилэн туган-выжыосыз – ваньзы чёш люкаськыса, жёк котыре пуксьыса, нянь верьяса но гур борды йотскыса «остэ» шуыса вырзыса пото сюанэ кошкыкузы. Корка возманы кылем мурт соослы зеч но синмаськымон визьмо ветлыны косэ, палолэсь быдэс луыса бертыны куре. Сюан вальёссы бамкышетъёсын но гырлыосын чебермамын луэм, быгатйсьёсыз пар вал кыткыса ик мыно вылэм.

Сюанчиослэн ныл доры вуоназы сюан пумитаны шуыса, калык люкаське: нылашлэн чыжы-выжыосыз но туган-нэсйильёсыз, соослэн бускельёссы. Сюанэз капкаосыз вёл усьтыса возмало, пар вальёсын лыктйсь куноос эркын пырыны мед быгатозы шуыса. Вальёссэс интыяллямзы бере доре пырыны отё. Дорын котькудйзлы сюанчилы жёк сёрын инты луэ: тужгес но гажамъёсыз - бадзанай но бадзатай луон муртъёс, кудо но туклячи – нырысь ик соосыз төрошоре пукто, собере бёрсьысь бёрсьы – мукетъёссэ пияш палась отем куноосты. Жёк котыре интыяськылэмзы бере тодматйсько ог-огенызы, котькудйз вера аслэсьтыз кин луэмзэ. Тодматскем беразы сюанчиосыз сектаны кутско. Куинь котыр сектамзы бере, сюанчиос асьсэос салам

потто: юон но пöрам саламъёс. Соос сектало ваем саламенызы люкаськем куноосты. Бер жытозь сиыса-юыса пукемзы бере сюанчиосты ныллэн сюанэ лыктэм туганъёсыз асьсэ доразы сектаны öтбыло. Нырысь ик мыно самой мöйы луисъёсыз доры, собере отысен котыр, шунды бергамъя, ветло гурт кузя кунояськыса мукетъёсыз дортй. Урамтй котьку но кырзаса ветло сюанчиос, котькудйз öтись доры шулдыр карыса кырзаса пырыны кулэ, мизганчизы ноку но дугдылыны кулэ öвöl гармошкаен шудэмысь.

Мöйыос юмшаны кошкем бере ныл доры гуртысь вань егитъёс ныл вина юонэ люкасько. Эшбёссэ сектан понна ныллэн нимаз юон дасямын луыны кулэ, егитъёс сием-юэмзы бере кырзаса кошко гурт кузя шудон интые шулдыръяськыны.

Мöйыослэн кунояськыса юмшаса ветлонзы чукнаозь кыстйське. Ваньзэс сектаны öтисъёсты орчем бере гинэ сюанчиос берен лыкто ныл доры но изыны выдо.

Но соослэн туж ик трос көлымон дырзы уг луы, жоген соосты кин ке мыскылляса сайкатон муг шедьтэ: яке йыр улазы пуклө тырыса, яке шумен но мар бамбёссэс буяса.

Сюанчиос вырзöнэ гур эстэмын луэ: нылаш табань пыжыны кулэ. Табань пыжыку но кин ке ныл вылтй мыскылляськон утча: яке липет йылэ тубыса чын потон пасез пытса, чынлы чидатэк нылаш табань пыжыны медаз быгаты шуыса, яке табапуртсэ донгало солэсь — со выллем вырыса вилькенаклэсь визьзэ сынало. Табань сиемзы бере нош сектасько, сиё-юо. Собере выльысен толлояз сямен корка пыраса кунояськыса ветло.

Лымшор вакытэ сюанчиос кошкыны дасясько. Сюанчиослы кузым таратон каро, сйласько: котькудйзлы дэрем, бымкышет я кышет ке но сёто.

Нылашлэсь сандыксэ поттон азын сое усьтыса вань тырем котырбёссэ люкаськем калыкбёслы возматъяло, соосыз нош кытласькыса сандык пушкы уксё тыро. Сандыкез ворсам бере со вылэ жогак гинэ пичи пиналбёс пуксё: огшоры гинэ уг сёто сандыкез. Соослы коньдон сётэм бере гинэ вырзö пичиос сандык выльысь, собере гинэ поттыны лэзё сое.

Нылашез вордскем дорысьтыз поттон азын аслаз выжыысьтыз кышномуртбёс валтыса куинь пол жöк котыртй котырто шундыя, азбаре потыса озы ик — вань юртъерез. Собере со пыдесьяськыса анаезлы но атаезлы тау каре, бакилля. Нылэз дорысьтыз нуон

дырҗа асьме палан кырҙало вэськэлиез яке вэськэли куйез. Тани ог люкетэз:

*Сьӧд нюлэс сьӧртй но сьӧд зор лыктэ,
Зорытэк ортчоз шуид-а, кыдокай?
Жынгыр но жангыр ми валэн лыктыкумы
Пыртэк ортчоз шуид-а, кыдокай?*

Корка пушкысь куноосты турынлэсь яке бунлэсь суюло пуныса уल्याса потто берло, «мынэ, кошке ни дорады» шуыса. Выхкенакез валтйсь возэ пукто, капкаетй потыса кошкыкузы эмеспи коньдон пазяса кельтэ. Берпуметйзэ сектам чаркаез атай луонэз капка юбое сэрпалтыса пыргытыса сӧре. Сюанчиос мизкантьёсын шудыса кырҙаса кошко.

Выхкенак ваёнэ пиослэн доразы тугантьёссы но бускельёссы люкасько. Кин ке гажам мурт соосты тыр нянен пумита, зеч ветлйды-а, сереме ӧд кыле-а шуыса юа. Выхкенакез валтыса доразы пырто но кышнопала пукто. Пырто сандыксэ, усьто но вань котыртьёссэ возматю люкаськем калыклы, ошъянооссэ — чилтьертъёссэ, чалма-кашагаоссэ — ошъяло. Выхь ошъям макеос борды сйласькыса коньдон вурыло. Собере выхкенак ас ведра-карнантьёсыныз ошмес дуре вулы мынэ.

Кӧня ке дыр орчыса яке чуказез пиос доры лыкто ныллэн туган-выжыосыз, табере соос луо ни сюанчиос. Соосты но пӧрам-пӧзътэм сйён-юонтьёсын возмало. Эмеспиос дорын бер жытозь сиыса-юыса пукем беразы гурт кузя кошко соослэн тугантьёссы дортй кунояськыса юмшаны.

Мӧйыос юмшан вакытэ егитъёс пи вина юон орчыто, гуртысь вань быдэ вуэм парьяськымтэ егитъёс пияш доры лыкто. Сиём-юэмзы бере соос кошко шудон интые шулдырьяськыны.

Чукнаозь кунояськыса ветлэм беразы сюанчиос берто эмеспиоссы доры изыны. Ӗжытак шутэтскем беразы нош соос кунояськыса ортчо выль кудо-туклячиоссы дортй. Берлозэ жӧк котырын сектан вакытэ кыкпалласянь но туган-выжыоссы кузпальяськем егитъёслы пудо верало, азылапалан егитъёслы кузьманы шуыса.

Нуназе бертыны дасясько. Таосызлы но сюанчиослы кошкон аязы кузьымтьёс сӧтъяло.

Ныл палась сюанчиос бертон аязы мар ке но пичияк лушкаськыса кошкыны кулэ: соослэсь но нылашсэс лушказы ук.

Доразы бертыкузы шулдыр карыса, гармошкаосын кырзаса кошко. Сюан келяны озы ик трос калык люкаське.

Кöня ке дыр ортчыса нылашлэсь анай-атайзэ нылзылэн вьль улонэныз тодматскыны шуыса, куное öтө. Ар ортчыса сюанын пудо верам муртьёс, огзы бере мукетыз егитъёсты доразы öттыса, верам пудоосэс сётъяло.

Туж вакчияк гинэ возматймы улоньсь тужгес но кулэен лыдьяськись учыръёсты. Со сяна, али дыре трос пöртэм мукетъёсыз но югдуръёс пумиськыло, кудзэ нокызы уд лыдья кулэтэмен но тунсыкъяськымонтэмен. Кылсярысь, школае пырон – нырысетй классэ школае мынон яке школаез быдтон, озы ик университетэз быдтон но кыче ке награда басьтон.

Аспöртэмлыко йылоллы пöрмемын егит муртлэн армие кошконэз но. Гурт калык пеляз понытэк уг кельты сыче иворъёсты. Вашкала дыръя 25 арлы басьто вьлэм армие, берлогес – 15 арлы. 20-тй даурлэн кыкетй люкетысеныз 7 но 5 ар армиын ветлон дырез 3 но 2 ар дорозь вакчиятйллям. Туннэ нуналозь возиське на та закон.

Егит пияшлы армие мыныны ивор вуэм бере ик вань туганъёсыз но эшъёсыз öтчало сое куное. Кошкон дырыз вуэм бере быдэс гурт калык люкаське келяны. Келяса мыно гурт пумозь, шур ке вань, шур сьöрозь ик пото. Нош матысь эшъёсыз Бурае ик келяса мыно. Армиысь бертэм муртэ но озы ик ваньмыз куное öтчало.

ЙЫЛПУМЪЯН

Вакчияк но вылй-вылй гинэ учкыса потйм асьме удмуртёсмылэсь улон-вылонзэс. Сое мургес эскерон понна котькуд люкетызья но быдэс книга гожтыны луымон. Нош милям та нырысетйез вамыш гинэ мед луоз бадзым но туж тунсыко ужмылэн. Вуонояз пумиськон но вераськон муртёсмылы но тодмо но валамонгес луоз, мар понна ми соосты ужзылэсь палэнтыса но ужзэс кутыса юалляськыса но вераськыса ветлйськом.

Улон дугдытэк азыпала мынэ, улонын воштйськонъёс но озыи бере уг кылё. Тужгес но берло арёсы жоггес но шөдйськымонгес луо воштйськонъёс. Соин йырин, али татчы гожтэммы, кӧня ке дыр ортчыса, мукет улон сярысь гожтэмын кадь потоз. Вуонояз оло ми понна но улонысь мукет макеос трослыгес тунсыкъяськымон кадь потозы, мукет макеос сярысь гожтэммы потоз. Котькуд вапумлэн аслаз юаньёсыз но кулэяськонъёсыз.

Гажано лызйсьмы, мае ке нош троггес тодэмед потэ вал-а та книгаен тодматскон дыръяд? Кыче ке юаньёс кылдйзы-а йырад, яке, маке сярысь выльзэ тодыса, со серемес кадь потйз-а, нош маке но кайгуэ уськытйз кадь-а? Милемын валче со сярысь малпаськыны отиськом тонэ но!

ВАТСӘТ

1. Пöртэм арьёсы бурай удмуртьёслэн гуртьёсазы ульсьёслэн лыдзы

Гуртьёс	1722 (пиос-муртьёс гинэ)	1795	1834	1859	1870	1920	1989	1999
Пельга	36	187	232	351	363	405	276	323
Кисса	70	289	516	651	672	434	240	230
Алтау	-	-	209	355	368	490	408	399
Асав-баш	37	120	-	-	-	-	-	-
Асав-тамак	58	201	101 ¹³	166	189	358	179	168
Бай-шады	13	165	272	?	501	797	232	201
Мамды	-	107	220	369	386	642	369	372
Вот-курзи	16	33	?	163	?	398	62	58
Сарсаз	-	-	-	-	-	60	68	44
Дэулэ-кэн	-	-	-	-	-	-	67	50

2. Архивысь кагазьёс¹⁴

1722 г. — Запись на припуск, выданная башкирами Уфимского уезда Осинской дороги Тазларской волости «тептярям и вотьякам» деревни Кисияровой.

«Писаная запись такова: Уфимского уезда Осинской дороги Тазларской волости башкирцы Бекей Апачев, Айтуган Ергаков, Туйчибай Екшиметов, Уразгельда Сейтяков с товарищи не для какого тайного подлогу и всякого переводу во всею сущею правдою дали мы сию запись на себя той же дороги и волости деревни Кисияровой тептярям и вотьякам Байситу Сарбаеву, Байлату и Ахмету Исеевым, Бутешу и Амину Ивашевым, Яньшу Яналину с товарищи, пустили их на водчинной нашей земле. По прежнему из оброку по четыре куницы и один батман меду брать нам, Бекею с товарищи погодно. В сторону водчины которая отдана Ельдятской волости Борайской тюбы башкирцам земли

¹³ Асавтамакысь ульсьёс выль интые кöчыса кулэсмиллям, мукетьёсыз интыяськызы, дыр, Асавкае.

¹⁴ Текстёс архив кагазьёсысь воштытэк сётэмын.

Сарбаеву с товарищи не ходить и не вступиться. Межи вышли оной земли: от течения речки Таныпа по левой стороне, от речки устья Кизган до межи Кырынларской волости, от Кизгана вверх до речки Варшады и до вершины оной, от Варшады до речки Писмень, от вершины Писмени до вершины речки Винияз и по ней вниз до речки Писмень до межи Бурайской тюбы, от вершины речки Писмени до вершины речки Мамады и от Мамады по сырту до вершины речки Бигайлы. По течению правой стороны во владение оные нам, башкирцам, и левой бураевских. С Бигайлы до речки Азяку, с Азяку чрез Танып до речки устья Варзи, по течению ея по левой стороне и от оной до речки устья Ардаш до вершины оной и по сырту до вершины речки Шулпенгыш и по течению ея до речки Таныпа и перейдя оной до речки устья Кизгана по земле до мосту и от мосту возле болота до речки Варшады. И оною водчиною по вышеписанным межам и урочищам владеть нам и им, Сарбаеву с товарищи вечно // безспорно с нами, Бекеем с товарищи обще и пользоваца всеми выгодами как-то: лес рубить, почолы делать, всякова зверя побивать и рыбу ловить. А ежели мы из нас, мы, Бекей с товарищи, или они, Сарбаев с товарищи, в чем вышеписаном не устоят и за ту неустойку на виноватых взять пятьдесят рублей. Вся запись. Впредь запись и с той записи Бекей Апачев тамгу свою приложил , Айтуган Ергаков тамгу , Тойчибай Екшиметов тамгу , Уразгилда Сейтаков тамгу . Толмачил Бекею с товарищи Петр Сокуров по его прозбе Уфимской канцелярии пищик Михайла Мохеров руку приложил. Свидетельствовали оною запись Уфимской провинциальной канцелярии канцелярист Григорий Гурьев, фискальных дел подъячий Федор Яшов, Уфимской канцелярии канцелярист Иван Друецкий, копиист Родион Лебедев. По той записи пошлин семдесят пять копеек записано, пять алтын от записи десять копеек за три страницы пятьдесят копеек дана нужные расходы. Одна половина одна осьмая доля взято (...). Такову запись башкирцы Бекей Апасев с товарищи от крепостных дел взял и тамгу свою приложил . При взятъе записи толмачил Петр Сокуров, по ево прозбе пищик Михаило Мощеров руку приложил. Такову запись у башкирца Бекея Апачева с товарищи взял и тамгу свою приложил. При взятъе записи толмачил Никита Ершов, по ево прозбе пищик Семен Зубов руку приложил».

ЦГИА РБ. Ф. 172. Оп. 1. Д. 8. Лл. 67, 67 об. Копия из Крепостных дел книги 1722 г.

1781 г. августа 20. — Запись на припуск, выданная башкирами Курзинской волости удмуртам деревни Курзи.

«1781 года августа 20 дня мы нижеподписавшиеся Курзинской волости башкирцы все со общего согласия припустили в деревню Курзю вотяков Явгилду Ямеева, Яркея Ягышева с товарищи для жительства во оной деревне как прежде отцы их владели санными покосами с пашенною землею со хмелевым щипанием також им владеть, им же вотякам в лесу зверей ловить, також мост мостить, в том тамги свои приложили Тимаш Сайдяков тамгу , Байрамале Заитов тамгу , Ибраш Чюракаев тамгу , Абдюсь Иманов тамгу , Масегут Балтин тамгу , Акманай Акбашев тамгу , Абдул Ишалин тамгу , Кузбай Ахмеров тамгу , Сарыбаш Аитов тамгу , Сагит Сарбашев тамгу, Кузбай Муслумов тамгу , Абдулла Аитов тамгу , Баис Биктин , Салим Сусеев . Переводил заседатель Зайнягибитдин Еркеев».

ЦГИА РБ. Ф. 172. Оп. 1. Д. 175. Л. 28. Засвидетельствованная копия 1791 г.

5 июня 1811 г.— Запись на припуск, выданная башкирами Оренбургской губернии Бирского уезда Ичкиеланской волости Ваньшевской тюбы деревень Алпаутовой, Каразириковой, Байсакиной удмуртам деревни Асовбашевой.

«1811-го года июня 5-го дня мы, нижеподписавшиеся Оренбургской губернии Бирского уезда Ичкиеланской волости Ваньшевской тюбы ведомства 10-го башкирского кантона команды старшины 14-го класса Абдуллатифа Исмаилова и 14-го же класса Абдулменефа Кушлюкова деревень Алпаутовой, Каразириковой, Байсакиной башкирцы большие и малые все со общего согласия припустили мы из оброку к заселению одного с нами уезда команды старшины Демида Николаева деревни Асовбашевой из вотяков тептярей Имаша Тюгаева, Байсары Имашева, Имангула Ишаева с товарищи всего двадцатью дворами сроком на восемьдесят лет будущего 1890-го года июня по 5-е число на жалованную от Великих Государей предкам нашим землю. Межами оной значит; от устья речки Кушади и по течению реки Таньпа и по правой стороне до устья речки Силияз (?) и вверх по оной по левой стороне до болота Писменсазу, от онаго сыртом по кузбаевскому межам до вершины первоначальной речки Кушади и от оной по правой стороне вниз

до устья впадения в Танып с озерами, оремами, с дровосеком, хлебопашней, сенокошением, ровно рыбу ловить, хмель щипать, калину и протчия ягоды брать, зверей ловить, в лесу и оремах чурки подымать (?) и где угодно им, вотякам, будет по удобности во оной межами заселение делать. Цена же за все оное пять сот рублей при каковом договоре условием чтоб с них, вотяков, нам, башкирцам в каждой год брать оброку с двора по пятидесяти копеек. Да и еще ежели кто из них будет из одного семейства чинить отход и новой двор делать, то нам, башкирцам и с онаго брать по тому же с двора, и в казну потребуется с оных меж сколько нинаест в казну Его Императорскаго Величества пошлин то им, вотякам, платить. Мосты мостить, дороги чистить, вежи ставить и где случится на дороге горы копать. И об земле какой спор // будет то вотякам самим очищать и нам, башкирцам оные межи никому не продавать, и сей договор по освидетельствовании в присудственном месте им, вотякам отдать. В чем знающия писать руки, а не умеющие тамги свои приложили, а именно: Каразириковой Валит Ишбакаев (?), Исмаил Хасанов, Султан Махмут Капкаев, Магади Шартдинов (?), Загидулло Магадиев, Абдулвали Зюбаиров, Зюбеир Смаилов, Токтамыш Аvezов, Токтагул Аvezов, Гали Аvezов, Хисамутдин Баисланов, Шаммат Баисланов, Ехья Магадеев, юртовой сотник Минли Кучумов руку, Елки (?) Хасанов, Асафар Ехьяев, Абдулхаир Сеитов, Абдулвахит Зюбаиров, Сулейман Зайсанов, Мухаммет Амин(?)ов, Нигаматулла Мустафин, Калимулла Мустафин, Абубакир Айбулатов руку, Акбулат Ахмеров, Ермухамет Кучумов, Сайфулла Шафиев, Бикташ Хамитов, Адзитар Шарыпов руку, Мухаммет Рахим Кучумов, Сагади Гайсаров руку, Ахтям Минлиев, Гайсар Юнусов, Мухамет Рахим Гайсаров, Ракай Бикбавов, (...) Сатлыган Шарыпов руку, Абдулвахит Хамитов, Минлибай Чирубаев, Баис Хамитов, Рахматулла Мустафин, Гадилша Гаисаров, Мухаммет Рахим Мустаев, Гали Мустаев, Сайфутдин Сайтов(?), Салим Мосеев, Галиулла Валитов, азанчей Сайткул Бикбавов руку, Гаибадулла Кузекаев, Расул Зайсанов, Идрис Зайсанов, Егуди Салимов, Раис Салимов, Нардуган Салимов, Абдулманаф Акмухаметов. Деревни Алпаутовой указной мухтасип Адзитар Кузакулов руку, Хуснутдин Хасанов, Хисматулла Хасанов, Бикташ(?) Аптикаев, Губай Тамаев(?), Гали Сайт Егофаров руку, Кидрас Ибрашев, Аиткай(?) Азикаев, Абдулвали Кидрасев, Минлигали Сабаев, // Науширван Сатлыганов,

Заис(...)башир Баисланов руку, Гаинулла Узекеев , Баислан Абдуллин , Сабан Муллаев , Шамсиутдин Шамаев, Фаируз Максютов , Султангул Исангулов , Абдулсалим Аитов , Давлетбай Мухамметрахимов , Минлибай Кузегулов , Хусеин Хамитов , Ильяс (...) , Абдулсалих (...) , указной (...) Габидулла Мансуров , Хабибулла Мансуров , Зюлкарнай Хамитов , Сейфулла Борисов , Абдулкадыр Ибрашев , Хамит Субанкулов , Махмут Биккулов , Муфазал Биккулов , указной азанчей Хабибулла Субхангулов руку, Абзелил Субхангулов , Баязит Абдуллин , Султанбак Кучиев(?) , Абзелил Исламов , Ибрагим Истеков , Иса(?) Муртазин , Сайфулмулюк Кангильдин , указной (...) Салитбурган(?) Бикбавов , Рафик Алмухаметов , азанчи Хабибулла Абдюшев руку, Феразутдин Баисланов , Еманай Мухаммет Аминев , Заинитдин Зейняшев , есаул Максют Аитов руку, Шафай Альмухаметов , юртовой сотник Минли Кучумов руку, Абдулзелил Абдрахимов . 1811-го года июня 10-го числа данной сей Ичкиеланской волости Ваньшевской тюбы от башкирцов вотякам. Сим засвидетельствовал 14-го класса юртовой старшина Абдулманеф Кушлюков руку и волостную печать приложил. Переводил переводчик коллежский регистратор Шамсутдин Шарыпов сын Иликов(?)».

ЦГИА РБ. Ф. 172. Оп. 1. Д. 175. Лл. 298-299. Засвидетельствованная копия (перевод) на гербовой бумаге 1809 г.

3. Калык мадёсьёс

1. *Вашкала муртъёс сярись веран (мадён)*

Чужанай вераз, сю ареслэсь но ортчем Гыльсанай. Шэйбэдысь. Азьло Гыльсанай Киссалан улэм.

Вашкала муртъёс зужытэсь выйллям. Пичи муртъёс потыллям но герыен гырыны кутйськиллям. Со покчи муртэз кисйяз поныса ваем, герыеныз валэныз маин, музьемез съодмаса ветлэ шуыса. «Кытйсь ке басьтйд сое, интйяз поныса кельты,» – шуэм атаез. Пиез интйяз поныса кельтэм. «Асьмеос ке быримы, та муртъёс потозы,» – шуэм. Кызэз пушнерез кадь лёгаса ветлйллям. Соослы бырыны вакыт вуэм, соин быриллям.

Гожтэмын Нуриева Зулькайда Мухаметьяновналэсь (1905 арын ворд-скем) 1995 арын, Киссалан.

2. Вашкала муртъёс сярысь веран

Азьло великанъёс уйлляям. Асьмеос бырем бере пичи муртъёс потозы, гурын кутсаськозы, та пушнерез кыз нюлэс шуыса вандозы, шуо, пе, вылэм соос.

Милям гуртын гопын музъем лёк вань, сое соослэн кукисьтызы усем суй, шуо.

Гожтэмын Минлиева Палагия Минлиевналэсь (1921 арын вордскем) 1995 арын, Мамдыын.

3. Гурезьёс кылдон сярысь веран

Дунне заралыкы зорен төл луэм. Со төл гурезьёсты кылдытэм уй палан.

Гожтэмын Минлиева Палагия Минлиевналэсь (1921 арын вордскем) 1995 арын, Мамдыын.

4. Куриськон (вöсяськон кыл)

Öстэ Инмаре-Кылчинэ,
Бадзын Инмаре-Кылчинэ,
Шунды-Толэзь Инмаре,
Инмись Кизилие,
Ву кылчинъёс,
Возьвыл кылчинъёс,
Бусы кылчинъёсы,
Аслыд зэлынйськом, зэлбариськом.

Омин.

Ей Инмаре,
Кизем зюосыз-няньёсыз далтытысалэд ке, Инмаре,
Камыж куроен бадьпу кадь,
Кизьпу кадь пушйытысалэд ке.
Узыёс кадь кисьматысалэд ке.
Ей, шуныт кияд-пыдад басьты.

Омин.

Вить чиньыен кизем зюэз-нянез
Дас чиньыен октыны шуд-буръёс сётысалэд ке,
Инмаре.

Омин.

Вордэм нылъёслэсь-пиослэсь
Тазалыкзэс, шудзэс-бурзэс тйласько.

Ог анайлэн нылпиосыз кадь карысалэд ке, Инмаре.
Шуныт кияд-пыдад басьты.

Омин.

Вордэм пудоёслэсь тазалыкзэс сётысалэд ке,
Гуртэ пырыкызы гид тырос карысалэд ке, Инмаре
Кылчинэ.

Шуныт кияд-пыдад басьты, Инмаре.

Оминь.

Шуныт небыт зорьёстэ сёт, Инмаре Кылчинэ,
Чередлэсь-чуредлэсь сакла, Инмаре Кылчинэ,
Бэлэ-казаедлэсь сакла, Инмаре Кылчинэ.

Омин.

*Киссалась вöсьяськись Нуриев Темиргали Нуриевич (1905 – 1992)
кулонэзлэсь 2–3 ар азьло гожтыса кельтэм. Татын воштытэк
сётэмын солэн гожтэм текстэз, соин йырин куд-ог асьме палан
вераськон сям öжыт мукетгес карыса гожтэмын.*

5. Эмняськон кыл (пелляськон кыл)

Шунды бертэм, толэзь бертэм,
Нынал бертэм, уй бертэм.
Озы бертыса мед кошкоз.
Кытй пыриз ке, отй потыса мед кошкоз.
Сюрес кузя, ву кузя,
Кенер кузя мед кошкоз.
Кыкзэ виисько, огзэ сиисько,
Кытй пыриз ке, отй потыса мед кошкоз.

*Гожтэмын Миннахметова Шарниза Миннахметовналэсь (1909 арын
вордскем) 2000 арын, Киссалан.*

6. Күйёс (кырзаньёс)

Туэ но турым мон öй турна,
Эмезь пукайёссэ жаляса.
Кырзасько но ай, бөрдйсько,
Ортчем даурьёсме уйласа.

Пашпу но мульы малы ческыт?
Сюзьтйськыса гинэ бичамись.
Кыдёкись но туган малы мусо?
Кöшкемаса гинэ адземись.

Сьöd чабейлэн сяськаез
Сьöd уг луы, тöдь луэ.
Арлэн куспаз даскык толэзь,
Туж көшкеман дыр луэ.

Ойдолэ но потом чебер кыре,
Кизем узымкайёсты адзöме.
Кизем узымкайёсмы удалтйз ке,
Нош ик тазы кырзаса пукоме.

Нюлэс но шорын боры уг луы,
Бичась уг луы шуыса.
Калык пöлын уг бöрдйськы,
Жалясь уз луы шуыса.

Та урамтй ай ортчыкым
Вылам камзол уань вал-а?
Милям тазы луоньёсмы
Уйын-вöтын уань вал-а?

Кыче пизьлэсь, кыче вулэсь
Пыжид няньыкайёстэ?
Кыче күйёстэ кырзаса,
Зуомы та винаёстэ?

Тани лыктэ автомобиль,
Дугдйз урамлэн шораз.
За тон уд лу, за мон уг лу,
Зэмны гужемлэн шораз.

Жöк вылад но вöлдэм жöккышетэд —
Кизытэм но интйез чик öвöл.
Жöк вылад но пунктэм сиён-зуоньёсыд
Келшымтэ но интйез чик öвöл.

Атай мыным зеч вал сётйз,
Кытчы ке но мынйид, мын, шуиз.
Кытчы ке но мынйид, мын, шуиз.
Зеч калыклы зарась лу, шуиз.

Зужыт но, зужыт но корказь улын
Лыз дыдыклэн пиез гурлалоз.
Та коркалэн төрошораз
Зеч атайлэн нылпиез гурлалоз.

Эужыт но эужыт гурезь эылтй
Сюрсэн но сюэн муш лобэоз.
Сюрсэн но сю ар ми ум улэ,
Валче улыса мед ортчоз гумырёс.

Ээмны но Танып кузяёсы
Азвесь кульчоем турымёс жужалоз.
Ми ке но кулймы ниммы кылёз,
Араз огпол нылпиос (туганёс) вералоз.

Сьод но нюлэс шорын кезыт ошмес
Эеч вальёсты люктаны.
Тодь черык но пушкын ай тодь вина
Асьме туганёсыз сектаны.

Анай шыдэд пöзем луоз,
Нылпиосыд люкаськоз.
Уаньмыз пöлысь огез уз лу —
Синкылиед кисьтйськоз.

Ой ву вия, ву вия.
Ву сьöры эазег уя.
Ву сьöры эазег уякы
Кык синмисьтым ву вия.

Танып кузя пур вия.
Лөгиськод ке, таралэ.
Аныкайлэн нылпиосыз
Четэ потыса таралэ.

Туганэз доры туганэз мыноз.
Адэоз меда сое лылыз кадь?
Адэиз ке, адэоз ай лылыз кадь.
Медаз адэы вал эатьёс кадь.

Урамтймы ортчыкыды
Ми дорамы пыртэк ен кошке.
Пинал но дырмы, висьтэм дырмы —
Таёс висьтэм шуса, ен куштэ.

Жök вылад но вöлдэм жökкышетэд —
Пасьталаез паськыт, буез кузь.
Тй, туганёсыным, вераськыны
Ныналёсыз вакчи, уйез кузь.

Корказьёсты зужыт вылэм,
Тубымон но уань вылэм.
Эйтэм тйледыз туж мактало.
Мактамон но уань вылэм.

*Гожтэмын Давлетьянова Зульфия Тимергалиевналэсь (1946 арын
вордйськем) 2001 арын, Киссалан.*

7. Пöртэм дырьюсы вераньюс

Вуж симдэ басьты,
Виль симдэ сёты.
Тыныд – тырлык,
Мыным – бурлык,
Сёты уаньмылы тазалык.
(Виль толэзь вордйськыку веран)

Пелёлэсь гонзэ вай,
Бөдёнолэсь кöйзэ вай.
(Ыжез чышкем бере веран)

Эй писие, писие,
Малы пырид кисйе?
Ми мынйськом базаре –
Тонэ куштом бусые.
(Нылпиослы веран)

*Садикова Мензиян Нургалиевналэсь (1917 – 1990) верамьюссэ тодэ
вайыса гожтэмын, Киссалан.*

8. Есаськоньюс (исаськоньюс)

Мамды, кыло валдэ ванды.
Кисса, веньдэ писса.

*Гожтэмын Нургалиева Гельмизиян Нургалиевналэсь (1927 арын
вордйськем) 2002 арын, Киссалан.*

9. Сюан күйёс но васькали

Кызы но лыктймы, кызы но вуимы,
Кызы но öм усе дуннелэн пыдэсаз.
Öм но лыктысалмы, öм но вуысалмы,
Кэдыр карыса, кыдёкись сюресэз матйсь карыса,
Тй доры лыктйм, кудо но тыклячи.

Ми лыктймы вал улляса,
Зускимы капка азыд.
Лыктэммес но витиллямды,
Лыз дыдык кадь гөрласа.

Милям но ла азбармы пичи гынэ,
Вож ожо ке потэ ла, зэмнэнэ.
Милям но ла коркамы пичи гынэ.
Зесь туганъёс пыро ке, зэмнэнэ.

Милям но ла азбармы пичи гынэ,
Каллен гынэ лёгаса пыроме.
Милям но ла зуонмы ожыт гынэ,
Каллен гынэ кырзаса зуоме.

Кырзаны ке косйды, мон кырзало —
Келшоз меда милям но күйёсмы?
Дунэн басытэм күй өвөл,
Тй, туганъёсы понна, жаль өвөл.

Жок вылад но пуктэм самоваред
Чыжласа но выжласа мед пукоз.
Жок котырад пуксем туганъёсыд
Кырзаса но гөрласа мед улоз.

Жок вылад но вөлдэм жоккышетэд
Бусы шоры зужам сяська кадь.
Жок выл тырад пуктэм шыдэд-нянед
Мэкэрзэиьс ваем но земыш кадь.

Буртчин но кало катанчиед,
Вожалоз медам, апае?
Затлэн но кылыз секыт луоз,
Чидалод медам, апае?

Анай, шыдэд ческыт пөзем,
Чик но сиеме уг пот.
Атай зыртэ куанер ке но,
Чик но кошкеме уг пот.

Вылын тюрагай кырза, дыр,
Тулыс вуэмез шөдыса.
Нуны-балакай бөрдэ, дыр,
Кошконъёссэ шөдыса.

Гурезь но бамын боры сяська,
Сое басьтыса кошке муш мумы.
Коркаез зэмны, азбарез зэмны —
Сое куштыса кошке ныл нуны.

Сьöd нюлэстй но ортчкым
Сюлое кылиз канжаса.
Атыкай зыртйсь потыса кошкыкым
Анае кылиз бёрдыса.

Зиль-зиль но виясь Танып вуэз
Ог азвесь но куштыса дугдытй.
Уг мын но шуись ныл-нуныез
Ог кыл но вераса берыктй.

Танып но кузяын ой муҷолык,
Муҷолык но өвөл — борылык.
Ми но нуиськом ой нуныдэс
Толэзылык но өвөл, гөмерлек.

Ал но кызьпуос пушкын,
Гөл но кызьпуос пушкын.
Будйллямды, туганъёсы,
Алма бакчаос пушкын.

Бизьса туби корказьёстй,
Зуон вукайёстэс верьяны.
Зуон вукайёсты шербет вылэм,
Асьтэлэн но улэмды зэм вылэм.

Зужыт-зужыт гурезь зылйсь
Тазласа уаське ог былан.
Тйледын люкиськонтэм вал
Милям тызэм но пылан.

Озыы өй вал ми, туган,
Тазыы өй вал ми, туган.
Инмись уаськем ваёбыж кадь
Сайрашом вал ми, туган.

Сьöd нюлэстй потыкы,
Сьöd льём сиеме потэ.
Тй альёс кадь, ми — гольёс кадь,
Валче улэммы потэ.

Озы улом асьмеос,
Тазы улом асьмеос.
Огмес-огмы вунэтытэк
Валче улом асьмеос.

Сиеме уг пот мынам,
Зуэме уг пот мынам.
Сием-зуэм интыисьтым
Кошкеме уг пот мынам.

Аркаен но арка одйг эвэл,
Пашпу аркаёсыдлы мар вуоз.
Туганэн но туган одйг эвэл,
Аслам туганъёсылы мар вуоз.

Сиёме, туганъёсы,
Зуоёме, туганъёсы.
Укно дурись гуль сяська кадь
Уломе, туганъёсы.

Гыримы но, кизимы но,
Усыяны зёнзэ өм шөдтэ.
Сиимы но, зуимы но,
Тау карыны зёнзэ өм шөдтэ.

Емезьмы но кисьмам индэ,
Бичамы ке но зэра.
Сиим индэ, зуим индэ –
Бертймы ке но зэра.

10. Армие келякы кырзан

Анай, монэ вордйд-а но,
Ал бинетэ бинид-а?
Ал бинетэ биньыкыд нош
Шудо мед луоз, шуид-а?

Анай, монэ вордйд-а но,
Ал бэляйд понйид-а?
Ал бэляйд поныкыд нош
Салдат мед луоз, шуид-а?

Пыриёме пыртйзы но,
Дэремдэ кыль, шуизы.
Алма кадь ик вож мугорме
Чик мертатэк басьтйзы.

11. Шае келякы кырзан

Рэхимзанкай, султы индэ,
Умыд тырем, дыр, индэ.
Ужлы мынон сэгэтьёсыд
Ортчыса кошкем, дыр, индэ.

Төдбы жазег, кытчы мынйськод,
Тылыёстэ куяса?
Атыкае, кытчы мынйськод?
Нылпиостэ куяса?

12. Шыдон такмакъяс

Кырзалэ, нылъёс, кырзалэ
Уань эвэлды уань дыръя.
Кема улытэк тараломе
Тырлымы тырлы пала.

Италмасэз тйялтэм вал,
Уз шуя, дыр, шуыса.
Чебер пиен ветлэме вал,
Уз кушты, дыр, шуыса.

Шакмако жалык изяллям,
Жыр пыдсазы куасаллям.
Шыдон понна лыктйллямтэ,
Пиос понна лыктйллям.

Пичи гынэ камзолкае
Чогисен чоге ветлэ.
Пичи гынэ гожтэткае
Елисен ельэ ветлэ.

Ей ву вия, ву вия,
Ву кузя чорыг уя.
Тон сярисътыд малпаськыкым
Кыкпал симтйм ву вия.

Гурезь зылэ тубыны
Кышъям гынсапег кулэ.
Чебер пиен вераськыны
Каем кулзальк кулэ.

Гожтэмын пөртэм дырѣсы пөртэм муртѣслэсь Бэйшэдын.

13. Выжыкыльѣс, мадёнѣс

Уашкала адямиос сярись

Туж уашкала-уашкала дырѣсы адямиѣс туж но бадзынэсь выйллям. Нюлэстї соѣс турым но пушнер пөлтї кадь гынэ ветло вылэм, писпуос пигесоязызы гынэ вылэм. Нюлэс пөйшурѣс соѣслы кузьылиос кадь гынэ пото вылэм, тылобурдоѣс – кут-чибинѣс кадь. Марлэсь ке кышкатїськызы ке, писпуэз ышкалтыса соин шоналлясько вылэм.

Соѣслэн нош зырзы пичи но уг ужа вылэм. Тылжү котыр пукыкызы пыд пыдэсьѣссы жуаны ке кутскиз, соѣс тыллэсь палэнтїськыны уг валало вылэм, пыд пыдэсазы горд сүй лякылыса пуко вылэм.

Собере лыктїллям кытїсь ке но пичи адямиѣс, кудѣсыз котьмар карыны но тодо вылэм. Соѣс бадзын адямиѣслы ерык сөтїллянтэ ни улыны, соин со бадзын адямиѣс быриллям.

Азьло ик кылэм вал тае мадемзэс, кинлэсьсэ уг тодїськы ни, Бэйшэды.

Пиосмуртѣслэн но нылкышноослэн кылдэмзы сярись

Азьло дырѣя адямиѣс уаньзы но огкадь выйллям, пиосмуртѣс но нылкышноос луиллянтэ. Адямиѣслэн вылтырзы но али кадь вылымтэ, азьпалзы усътїськем вылэм, уань пушѣссы – ты-сюлэмѣссы, зүш-сюлѣссы – уаньмыз адзїськыса ветлэм. Иммерлэн та шөтэмлыкез кызы ке но быдтэмез потэм, соин косэм со гозы пыныны. Адямиос пынїллям туж күзь гозы. Собере Иммер шуэм, та гозыен вурелэ адямиослэсь мугорѣссыс, пушѣссы медаз адзїськы, пушказ мед кылэз.

Кутїськиллям адямиѣс вурыны. Вуриллям соѣс чыртысен кутїськыса уліе уаськыса. Учкиллям но малпаллям, тырмоз-а меда та гозы уаньзылы. Соин гозы за уз тырмы шуыса кышкаса, вурыкызы уліяз вуэмзы бере быдтыса ик вуриллянтэ ни, пичи пась кылем отчы. Жынызэ калыкез вурыса быдтэм бере адзо,

пе, гозы тросэзгес-кузезгес кылемын кылемез вурымтэ калыклы. Соин соёс табере кылем калыкез вурыны кутйськиллям быдэсак, улийаз пичи но пась кельтытэк, вурыса быдтэмзы бере гозылэсь котькуд пумзэ керттыса ик кельтйллям, өжет гозы пум гердэзлэсь ошиськыса ик кылем.

Тйни озы азьвыл вуремъёсызлэсь нылкышно муртъёс кылдйллям, берлоёсызлэсь – пиосмуртъёс.

Гожтэмын Кильмаева Ида Рахимьяновналэсь (1955 арын вордйскем) 1992 арын Бэйшэдыын.

14. Шудыны кутскыку чотласьконъёс

1) Екыр-кокр бакча котыр чуж уробо, чуж гозы, ачиз лапег, куказ сапег, аслаз куказ гынсапег.

2) Алкой-мелкой шыпки-шапки, арась-мерось сермет-кормет, висьтэм муртлэн кэпчилыкез тыркон сапег, куян тысь.

3) Ондри-мондри гожедра, немес кочи сокыра, чиа ванта анта вали, кочерга писать пошла.



Бэйшэдыын гожтэмын. Пичи дыръя шудыны кутскон азьын тазы лыдъялом вал, тужгес но чимаса шудыку, озы ик кык командалы люкиськыса шудоно ке луиз но.

15. Шундыез өтён

Шунды бабай, пот, пот —
Пилем бабай таралоз.
Шунды бабай, пот, пот —
Пилем бабай таралоз.
Азь укнодэ усьты,
Бер укнодэ ворса.
Вуж (вож) дэремдэ кушты,
Виль (чуж) дэремдэ дйся.
Шунды бабай, пот, пот.
Зырдэ вйын вояло,
Кияд вйен нянь сёто.
Шунды бабай, пот, пот!

Бэйшэдыын гожтэмын. Тужгес но тулыс лымы шунам гуждорын шудыку яке жазегпи возьмаку.

4. Бурай ёросысь удмурт гуртъёс




1. Бурасво – Бырай
2. Бигзын – Пельга/Бигзэн
3. Алтаево – Алтау
4. Сарсаз – Сарсаз
5. Байшады – Бэйшэды

6. Асавтамак – Асау
7. Касиярово – Кисса
8. Мамады – Мамды
9. Давлеканово – Дэулэкэн

5. Туспуктэмъёс

1. Киссалэн планэз. 1801 ар. (ЦГИА РБ. ф. 351. оп. 1. д. 4966).
2. Киссалэн планэз. 1865 ар. (ЦГИА РБ. ф. 351. оп. 1. д. 4022).
3. Муш уморто. Кисса. 2000 ар.
4. Пулэсь лэсьтэм арбериос. Кисса. 2002 ар.
5. Нылкышно дэра дэремен. Кисса. 2002 ар.
6. Ёазег вандон. Бэйшэды. 2002 ар.
7. Быдзынал дыръя. Бэйшэды. 2002 ар.
8. Мамдыын Бадзым вöсь дыръя кызыпуосы ялыкъёс но бамкышетъёс керттыса кельто. 2001 ар.
9. Алтауёслэн Бадзым вöсь ортчытон интызы. 2001 ар.
10. Дэулэкэнъёслэн Бадзым вöсь ортчытон интызы. 2001 ар.
11. Алтауёс шай вылазы кык пал дураз но юбо пукто. 2001 ар.
12. Дэулэкэнын шай вылазы та выллем лусъем пул пукто. 2001 ар.



1



2



3



4



5



6



7



8



9



10



11



12

МИЛЯМ ЮАЛЛЯСЬКЕМ-ВЕРАСЬКЕМ МУРТЪЁСМЫ¹⁵

Пельга:

Нуриахметова Атна Назметдиновна, 1920
Рахматуллина Зинфира Минтимировна, 1956
Фархетдинова Анифа Гильметдиновна, 1921
Фархетдинов Фанис Фаритович, 1953

Кисса:

Давлетьянова Зульфия Тимергалиевна, 1946
Миннахметова Шарниза Миннахметовна, 1909
Миннияхметова Менкамар Хабибулловна, 1913
Нуриева Гасифа Каримовна, 1937
Нургалиева Гьльмизиян Нургалиевна, 1927
Нуриева Зулькайда Мухаметзяновна, 1905
Нуриев Мавлетьян Тимергалиевич, 1937
Садикова Мензиян Нургалиевна, 1917
Садикова Минира Шайсултановна, 1941
Суфиярова Менсафа Ахметзяновна, 1904
Ушиярова Радина Тимергазиевна, 1951
Ушияров Михаил Петрович, 1950

Алтау:

Бадретдинова Люза Геннадьевна, 1966
Тимиряев Петр Садырович, 1925
Шангараева Карима
Шангараев Меншарип
Ялалов Шарифгали Шарафиевич, 1928

Байшады:

Абдрафикова Фатима Абдрафикова, 1905
Ахметгареева Кунафия Байдиевна, 1924
Ахтариева Рахима

¹⁵ Нимтул бӧрсы вордскем арзы сӧтӧмын. Нимтульӧссы кыӇе ке янгышьӧсын сӧтӧмын ке татын, куриськомы милемыз валамдӧс, малы ке шуоно ми гожтӧмы сое документӧссыя эскерытӧк.

Багаутдинова Мензиян Михайловна, 1914
Бадамшина Дания Хакимзяновна, 1967
Бадамшин Фатихьян Галиаскарович, 1948
Байдуллина Пелагея Байдиевна, 1928
Гарейшина Зинаида Мухаматнуровна, 1936
Гарейшин Василий Надырович, 1942
Гильмиярова Фаркизиян Хакимовна, 1926
Давлетбаева Маркаба Кутлибаевна, 1906
Камильянова Мазиян Туктагуловна, 1906
Каримуллина Евдокия Каримулловна, 1932
Каримуллина Василя
Кильмаева Ида Рахимовна, 1955
Лукманова Менсафа Хабибулловна, 1917
Мазитова Менлафия, 1946
Мазитова Рахима Байрамшиновна, 1918
Миннияхметова Адия Миншараповна, 1935
Миннияхметов Гульниахмет Миннияхметович, 1936
Ризванова Мензарифа Байдиевна, 1918
Садриева Галима Тимеряевна, 1914
Садриева Туктаби
Султангараев Мухаметгарей Султангараевич, 1926
Тимербаева Людмила Давлетзяновна, 1958
Фархутдинова Таскира Галяскаровна, 1930
Фархутдинов Тимерьян Фархутдинович, 1915
Фаюршина Минзифа Саетгараевна, 1929
Хакимова Хуснизиян Хакимовна, 1927
Шагиева Фазиля Фаюршиновна, 1940
Шагиев Касимзян Насретдинович, 1936
Шайхутдинова Ильвира Павловна, 1976
Шайхутдинова Ильмира Павловна, 1978

Мамды:

Галиханова Светлана Хабибзяновна, 1971
Давлетбаева Маркаба Кутлибаевна, 1906
Зиянгиров Михаил Николаевич
Исламшина Гульзайда
Камалтдинова Зулхия Галяутдиновна, 1925
Минлиева Пелагея Минлиевна, 1921
Миннияхметова Зулъкайда Минниахметовна, 1916

Миннихметов Хазиахмет Миннихметович, 1928
Камалетдинова Зульхия Галяутдиновна, 1925
Тазетдинова Лилия Леонидовна, 1970
Тимергалиева Зилькэбрэ, 1929
Шаяхметова Сания Меншариповна, 1961

Воткурзи:

Мусина Бибиасма Мухаметовна, 1930
Шайдуллина Бибихуснэ Шаймухаметовна, 1937

Сарсаз:

Зарипова Идая Рашитовна
Казякова Мадиян Казяковна, 1912
Миннихметова Менкамар Хабибулловна, 1913
Мухаметзянова Мензиян Шайхутдиновна, 1906
Фазлиева Менласма, 1928
Хуснияров Малик Шарипович, 1938

Дэулэкэн:

Мадиева Зифа Галиевна, 1913
Махмутова Хадича Давлетхановна, 1925
Сайранова Менъявар Салахутдиновна, 1930

ЛИТЕРАТУРА НО ИСТОЧНИКЪЁС

1. Административно-территориальное устройство Республики Башкортостан на 1 января 1999 года. Уфа, 1999.
2. Археологическая карта Башкортостана. М., 1976.
3. Асфандияров А. З. История сел и деревень Башкортостана. Уфа, 1994. Кн. 5.
4. Асфандияров А. З. История сел и деревень Башкортостана. Изд. 2-е. Уфа, 1998. Кн. 2-3.
5. Атаманов М. Г. Из истории расселения воршудно-родовых групп удмуртов // Материалы по этногенезу удмуртов. Ижевск, 1982. С. 81-127.
6. Атаманов М. Г. Микроэтнонимы удмуртов, проживающих за пределами Удмуртии // Вопросы удмуртской диалектологии. Ижевск, 1977. С. 123-130.
7. Бадретдинов У. Алтау но алтауёс // Кенеш. 1996. № 6. 25–296.
8. Бадретдинов У. Тыпыос, кызыпуос но вöсьёс // Кенеш. 1993. № 12. 55–576.
9. Витевский В. Н. И. И.Неплюев и Оренбургский край в прежнем его составе до 1758 г. Т. 2. Казань, 1897.
10. Владыкин В.Е. Религиозно-мифологическая картина мира удмуртов. Ижевск, 1994.
11. Гребина А. Бадзым вöсь // Кенеш. 1994. № 12. 49–516.
12. Гринкова Н. П. Домашние промыслы, связанные с изготовлением одежды у удмуртов Башкирской АССР // Советская этнография. 1940. № 3. С. 110–142.
13. Документы ставки Е. И. Пугачева, повстанческих властей и учреждений. М., 1975.
14. Зайдуллин Р. Т. Малы Асавкаез гожтйллямтэ? // Ошмес. Башкортостан Республикаысь удмуртьёслэн газетсы. 2000. № 33. 17 авг.
15. Каталог археологических коллекций / Отдел народов Урала с Музеем археологии и этнографии. Вып. 1. Уфа, 1994.
16. Книга Большому чертежу или древняя карта Российского государства, поновленная в розряде и списанная в книгу 1627 года. Изд. 2-е. СПб., 1838.
17. Крестьянская война 1773 – 1775 гг. на территории Башкирии. Сб. документов. Уфа, 1975.
18. Крестьянское хозяйство Уфимской губернии. Подворная перепись 1912 – 1913 гг. Часть 2. Таблицы. Уфа, 1914.
19. Кузеев Р.Г. Происхождение башкирского народа. М., 1974.

20. Латыйпова И. Гажаса өтиськом, ягъни сезне хөрмәтләп чакырабыз// Алга. Борай районының ижтимагый-политик газетасы. 1995. № 72. 22 июнь.
21. Луппов П. Н. Материалы о восстании в Башкирии в 1835 г. и участие в нем удмуртов // Записки УдНИИ. Ижевск, 1936. Вып. 5. С. 102–119.
22. Малоизученные источники по истории Башкирии. Уфа, 1986.
23. Материалы по истории Башкирской АССР: В 4 томах. Т. 3. М.-Л., 1949, Т. 4. Ч. 2. М., 1956.
24. Миннихметова Т.Г. Малефиций в традиционных обрядах закамских удмуртов // Congressus Octavus Internationalis Fenno-Ugristarum 10.-15.8.1995. Pars VI. Ethnologia & Folkloristica. Jyväskylä, 1996. 258-262.
25. Миннихметова Т. Г. Календарные обряды закамских удмуртов: Дисс. на соиск. уч. ст. канд. ист. наук. Уфа, 1996.
26. Миннихметова Т. Г. Календарные обряды закамских удмуртов. Ижевск, 2000.
27. Миннихметова Т. Поминальные обряды закамских удмуртов // Финно-угорская фольклористика на пороге нового тысячелетия: Материалы конференции (Международная летняя школа. Глазов, 17-30 августа 2000 г.) / Отв. Ред. Т.Г. Владыкина. Ижевск: УИИЯЛ УрО РАН, 2001. 84-95.
28. Миннихметова Т.Г. Роль этнической среды в формировании песенного репертуара деревни // Фольклор и этнография удмуртов: обряды, обычаи, поверья. Ижевск, 1989. С. 128 – 139.
29. Миннихметова Т. Г., Садиков Р. Р. Камсьөр со палан-а, камсьөр та палан-а? // Ошмес. 1999. № 19. 14 окт.
30. Миннихметова Т. Традиционные обряды закамских удмуртов: Структура. Семантика. Фольклор. Тарту, 2003.
31. Насибуллин Р. Ш. Закамские говоры удмуртского языка: Дисс. на соиск. уч. ст. канд. филол. наук. М., 1972.
32. Насибуллин Р. Ш. О названиях удмуртских деревень бассейнов рек Буй и Быстрый Таньп // Ономастика Поволжья. Уфа, 1973. Вып. 3. С. 308–312.
33. Оренбургская губерния с прилегающими к ней местами по “Ландкартам” Красильникова и “Топографии” П. И. Рычкова 1755 года. Оренбург, 1880.
34. Паллас П. С. Путешествие по разным провинциям Российской империи. СПб, 1788. Т. 3. Ч. 2.
35. Роднов М. И. Крестьяне Бирского уезда по переписи 1917 года. Уфа, 1997.

36. Рычков Н. П. Журнал, или дневные записки путешествия капитана Рычкова по разным провинциям Российского государства в 1769 и 1770 годах. СПб., 1770.
37. Садилов Р. Р. Кисса гурт: даур бӧрсьы даур // Ошмес. 2000. №№ 14-17. Апрель.
38. Садилов Р.Р. Кисса гурт котырись интынимьӧс // Вордскем кыл. 2004. № 7. 78 – 84 б.
39. Садилов Р.Р. Киссаослэн вӧсь сям-нергеоссы но юмшаньӧссы // Инвожо. 2002. № 10 – 12. 24 – 18 б.
40. Садилов Р. Р. Поселения и жилища закамских удмуртов (материальный и духовный аспекты): Дисс. на соиск. уч. ст. канд. ист. наук. Уфа, 2000.
41. Садилов Р. Р. Поселения и жилища закамских удмуртов (материальный и духовный аспекты). Уфа, 2001.
42. Садилов Р. Р. Удмурты Башкортостана: история и традиционная культура / Башкирский государственный педагогический институт. Дипломная работа. Уфа, 1996.
43. Садилов Р. Р. Удмурт вӧськыльӧс-куриськоньӧс // Ошмес. 2000. № 20. 18 май.
44. Сахратуллин С. Ф. Бирская старина. Книга первая. Бирск, 1999.
45. Сборник статистических сведений по Уфимской губернии. Т. 5. Бирский уезд. Оценочно-статистические материалы по данным местных исследователей 1897 года. Уфа, 1899.
46. Список населенных пунктов Башреспублики. Уфа, 1926.
47. Финно-угорские народы Республики Башкортостан. Стат. сб. / Сост.: Ярмингина Л. М., Миннихметова Т. Г. Уфа, 1994.
48. Христолюбова Л. С. Калык сямьӧсты чакласа. Дышетскисьӧслы краеведения юрттэт. Ижевск, 1995.
49. Христолюбова Л. С., Миннихметова Т. Г. Байшадьос кырзало // Кенеш. 1990. № 5.
50. Христолюбова Л. С., Миннихметова Т. Г. Ёеч вальӧсын ми лыктӧмы... // Молот. 1989. № 6.
51. Христолюбова Л. С., Миннихметова Т. Г., Тимирзянова Р. Г. Свадебные обряды удмуртов Башкирии // Фольклор и этнография удмуртов: обряды, обычаи, поверья. Ижевск, 1989.
52. Христолюбова Л. С., Миннихметова Т. Г. Удмурты Башкортостана (история, культура, современность). Уфа, 1994.
53. Әхмәдишин Х. Яңгыратып Танып буйларын. Удмурт яшлыре фестиваленнән репортаж // Алга. Борай районының ижтимагый-политик газетасы. 1992. № 76. 30 июнь.
54. Юсупов Р. М. Материалы по краниологии башкир. Уфа, 1989.

55. Ялалов Ш. Алтау гурт сярсыь вакчияк верантьёс // Ошмес. 2000. № 4. 27 январь.
56. Minniakhmetova T. Eating of Beestings as an Original Calendar Rite of the Bashkirian Udmurts // Folk Belief Today. Tartu, 1995. S. 330 – 334.
57. Minniakhmetova T. Ohverdamine Kaama-tagustel udmurtidel // Mäetagused. N 9. Tartu, 1999. 50-62.
58. Minniakhmetova T. The Impact of the Parameters of Time on the Success of Treatment: on the Folk Medicine of the Udmurts // Folklore. Electronic Journal of Folklore. Vol. 11. Tartu, 1999. S. 173.
59. Minniakhmetova T. Kaama-taguste udmurtide traditsiooniline saun // Sator II. Articleid usundi- ja kombeloost. Tartu, 2000. Lk. 170 – 183.
60. Minniakhmetova T. Sacrificial Rites of the Udmurts on the Eastern Bank of the River Kama // Folklore. Electronic Journal of Folklore. Vol. 17. Tartu, 2001. S. 107 – 119.
61. Minniakhmetova T. Die traditionelle Religion der Trans-Kama Udmurten – und was davon in der Gegenwart geblieben ist // Bricolage. Innsbrucker Zeitschrift für Europäische Ethnologie. Heft 3: Kulturelles Erbe. Innsbruck, 2005.
62. Российский государственный архив древних актов (РГАДА). Ф. 350. Ландратские книги и ревизские сказки. Оп. 2.
63. РГАДА. Ф. 1173. Уфимская приказная изба. Оп. 1.
64. Центральный государственный исторический архив Республики Башкортостан (ЦГИА РБ). Ф. 1. Оренбургское губернское правление. Оп. 1.
65. ЦГИА РБ. Ф. 2. Канцелярия Оренбургского генерал-губернатора. Оп. 1.
66. ЦГИА РБ. Ф. 107. Уфимский губернский исполнительный комитет Совета рабочих, солдатских и крестьянских депутатов. Оп. 3.
67. ЦГИА РБ. Ф. 138. Оренбургская казенная палата. Оп. 2.
68. ЦГИА РБ. Ф. 172. Комиссия “высочайше” учрежденная для наделения землей башкирских припущенников. Оп. 1.
69. ЦГИА РБ. Ф. 351. Уфимская губернская землеустроительная комиссия. Оп. 1.
70. ЦГИА РБ. Ф. 473. Уфимское губернское статистическое бюро. Оп. 1.

РЕЗЮМЕ

Книга посвящена исследованию истории и культуры удмуртов Бураевского района Башкортостана. Удмуртов в данном районе по данным 1989 г. насчитывается 1 737 чел. Расселены они, в основном, в следующих населенных пунктах: д. Алтаево (460 чел.), д. Асавтамак (179 чел.), д. Байшады (232 чел.), д. Бикзян (276 чел.), д. Давлеканово (67 чел.), д. Касиярово (240 чел.), д. Мамады (369 чел.), д. Сарсаз (68 чел.).

Удмурты этих населенных мест, за исключением д. Давлеканово, являются носителями буйско-таныпского говора периферийно-южного диалекта южноудмуртского наречия, и, соответственно, относятся к буйско-таныпской подгруппе закамских удмуртов. Жители д. Давлеканово разговаривают на ташкичинском говоре и относятся к ташкичинской подгруппе.

Первый населенный пункт бураевских удмуртов (д. Бикзян) был основан в 17 столетии. К 18 в. относится первое упоминание деревень Байшады, Касиярово, Мамады. Алтаево и Асавтамак были основаны в самом начале 19 в., Сарсаз - в конце этого века и Давлеканово - в начале 20 в.

Бураевские удмурты известны этнографической науке еще с конца 18 в., когда сведения о них попали в труды П.С. Палласа и Н.П. Рычкова. Оба ученых побывали в нескольких деревнях бураевских удмуртов и оставили о них очень ценные данные.

Удмурты Бураевского района придерживаются своих традиционных религиозных верований, и в связи с этим представляют огромный интерес для этнографической науки. И в настоящее время они проводят моления-жертвоприношения (Бусы вöсь, Бадзым вöсь, Луд вöсь и т.д.) во время которых обращаются к богу Инмару с молитвами о мире и благополучии, здоровье, обильном урожае и хорошем приплоде скота.

В книге показаны динамика численности удмуртов на территории современного Бураевского района Башкортостана, определены время основания удмуртских поселений, установлены места выхода их первopоселенцев, выявлены общие и особенные черты в материальной и духовной культуре удмуртов района, выявлены современные тенденции развития культуры и языка бураевских удмуртов.

Основным источником написания книги явились архивные документы, хранящиеся в Российском государственном архиве древних актов (Москва), Центральном государственном историческом архиве Республики Башкортостан (Уфа), Научном архиве Уфимского научного центра РАН (Уфа) и полевые материалы, собранные авторами в ходе экспедиционного выезда в Бураевский район в 2001 г.

ПУШТРОСЭЗ

Авторёслэсь.....	3
Азыкыл.....	4
Гуртёслэн кылдэмзы.....	12
Вашкала улон.....	19
Шуг-секытьёс но шумпотонъёс пыр.....	27
Калыклэн улосэз.....	33
Юртъеркотыр.....	39
Дыр-вакыт.....	48
Инмарез тодамы возёме.....	50
Сиён-юон.....	59
Дйськут.....	63
Улон сюрес.....	66
Йылпумъян.....	78
Ватсэт.....	79
Милям юалляськем-вераськем муртъёсмы.....	97
Литература но источникъёс.....	100
Резюме.....	104

Научно-популярное издание

Миннихметова Татьяна Гильнихметовна,
Садиков Ранус Рафикович

МЫ – БУРАЕВСКИЕ УДМУРТЫ...

На удмуртском языке

Компьютерный набор *Т. Г. Миннихметовой, Р. Р. Садикова*
Компьютерная верстка *И. В. Кучумова*

Печатается с оригинал-макета, предоставленного авторами

Сдано в набор 24.01.2005. Подписано в печать 04.02.2005. Формат 60x84/16.
Бумага офсетная. Гарнитура «VolgaUral». Печать на ризографе.
Усл. печ. л. 6,33. Уч.-изд. л. 4,91. Тираж 200 экз. Заказ № 906. Цена договорная.

Центр этнологических исследований УНЦ РАН. 450000, г. Уфа,
ул. Аксакова, 7.

Типография ООО «Штайм». 450005, г. Уфа, ул. 8 Марта, 12/1.